

澄城縣志

卷一

四

五

六

地, 70, 149

34

辛酉 廿一


廿一

廿一

乾隆甲辰秋鐫

澄城縣志

本衙藏板



澄城縣志卷一

陽湖洪亮吉孫星衍同撰

縣屬一

澄城縣魏太平真君七年置

城北徵邑

春秋魯文公十年秦伐晉取北徵

杜預左傳注皆晉地

唐李吉甫元和郡縣志同州澄城縣秦伐晉取北徵卽此城是也

宋樂史太平寰宇記徵城在澄城縣西南二十二里卽左氏文公十年秦伐晉取北徵是也今俗名避難堡

明同州志徵城縣西南二十五里有北徵城

陝西通志同

亮吉按今道里則州志云在縣西南二十五里是樂史云二十二里疑字有誤也

又王官及郊地

左傳文公三年秦伐晉取王官及郊

史記秦本紀繆公三十六年伐晉渡河焚船大敗晉人取王官及鄙徐廣曰左傳作郊張守節史記正義曰鄙音郊

杜預左傳注王官及郊晉地

星衍按王官及郊杜預云晉地者是時徵亦屬晉非謂河東唐魏王泰括地志王官故城在同州澄城縣西北六十里左傳文三年秦伐晉取王官卽此

唐李吉甫元和郡縣志王官故城在縣西北春秋傳曰俘我

王官翦我羈馬

宋樂史太平寰宇記王官城卽邑名也廢城在縣西北又咸  
公十三年晉侯使呂相絕秦俘我王官卽此

明陝西通志王官故城在澄城縣西北四十里

明同州志王官在今河東

顧棟高春秋大事表郊當爲臨晉平陽間小邑

亮吉按雍正十三年陝西通志澄城縣西北距境六十里則  
舊志云王官在河東誤顧氏云郊當爲臨晉平陽間小邑亦  
屬約畧之詞

先屬晉後又屬秦

陝西通志秦公子鍼食邑北徵卽今澄城縣

舊縣志秦公子鍼桓公之子景公之弟食邑北徵

澄城縣志卷一 縣名一

二

同州府志秦爲重泉地屬內史

亮吉按此未知何據始從舊志存之

漢景帝置徵縣屬左馮翊

漢書地理志左馮翊徵縣

吳韋昭漢書注曰徵音懲懲澄同聲後人誤爲澄

唐顏師古漢書注曰徵音懲卽今之澄城縣是也左傳所云  
取北徵謂此地耳而杜元凱未詳其處也

明同州志澄城縣西南二十五里有北徵城漢置徵縣

葬曰汜愛

漢書王莽傳莽改馮翊扶風爲列尉大夫

明同州志葬改徵縣曰汜愛屬列尉大夫

後漢廢徵縣入重泉

太平寰宇記徵縣後漢書

明陝西通志光武省徵為重泉縣

晉邵陽縣地

太平寰宇記晉復置徵縣尋又省

亮古按晉太康地記及晉書地理志等皆不言晉復立徵縣

後省未知樂史何據也明同治志又云魏晉俱為重泉縣地

屬馮翊郡今考魏太平真君七年分邵陽縣置澄城郡

所云晉為邵陽縣地或即本此今從之

魏太平真君七年析邵陽置澄城縣兼置澄城郡

魏書地形志華州澄城郡真君七年置領澄城五泉三門宮

城南五泉五縣澄城五泉三門宮城四縣皆真君七年與郡

同置

澄城縣志卷一

三

杜祐通典徵澄音相近故名

元和郡縣志後魏太武七年分邵陽縣置又于今縣理置澄

城郡

太平寰宇記同

宋胡三省通鑑注澄城漢馮翊之徵縣也魏真君七年置澄

城郡

西魏因之

陝西通志西魏澄城郡治澄城周書裴文舉傳大統中封澄

城縣子即此

周併五泉縣入澄城

隋書地理志後魏置澄城郡後周併五泉縣入焉

明同州志周明帝二年省五泉入澄城又廢三門縣

隋開皇初澄城郡廢以縣屬馮翊郡

隋書地理志開皇初郡廢

元和郡縣志開皇三年罷郡以縣屬同州

齊書後隋書地理志澄城縣屬馮翊郡李吉甫云屬同州

沿西魏時舊名也

太平寰宇記同

唐同州馮翊郡澄城縣武德三年析置長寧縣

舊唐書地理志武德三年分澄城置長寧縣

新唐書地理志澄城望武德三年析置長寧縣

貞觀八年省

新唐書地理志貞觀八年省長寧縣

舊縣志長寧城在澄城西北四十里長寧河南故址猶存

澄城縣志卷一縣屬

四

長慶四年割隸奉先縣

太平寰宇記長慶四年割隸奉先縣以奉先陵

乾元初復故

明同州志乾元初仍為澄城屬同州

梁割屬河中府

五代史職方考梁河中府澄城縣

後唐同光中仍屬同州

太平寰宇記梁割澄城屬河中府後唐同光中復舊

舊縣志同光元年澄城復屬同州

宋澄城縣屬同州馮翊郡定國軍隸永興路

宋史地理志同州澄城縣

續文獻通考後唐屬同州宋仍舊

金仍屬同州馮翊郡定國軍節度移隸寧州府路

金史地理志同州中宋馮翊郡定國軍節度治馮翊後改安國軍節度使澄城縣屬焉

續文獻通考宋屬同州金仍舊

元澄城縣屬同州隸陝西行中書省

元史地理志唐初爲同州又改馮翊郡又復爲同州宋爲定國軍金因之元仍爲同州澄城屬焉

續文獻通考後唐及宋屬同州元仍舊

明西安府同州澄城縣

明史地理志澄城下屬同州隸西安府

續文獻通考後唐屬同州宋金元仍舊本朝因之

明一統志縣在同州城北一百二十里

澄城縣志卷一

縣屬一

五


國初因之雍正三年同州改直隸州縣屬焉

陝西通志雍正三年以同州直隸陝西布政司

十三年同州升作府縣仍屬不改

縣冊

國朝澄城縣定爲中缺疲難後又改爲簡缺難



城隍

文廟

延恩祠

東郭

開帝廟

民舍


觀音堂

梅店

精進寺

城隍廟





衙縣

真武廟

教諭宅

王公生司

西部

民舍

砂泥

城隍廟

史公祠

文昌閣


蔡濟院

布政司

訓導宅

姚侯生祠

姚侯新開水門



澄城縣志卷二

陽湖洪亮吉孫星衍同撰

城屬二 故城十二內三城無考 今城一

元里故城

史記六國表晉文侯十六年 殺秦築元里

陝西通志元里故城在澄城 縣南十五里

王官故城在今縣西北四十里

魏王泰括地志王官城在澄 城縣西北六十里左傳秦伐晉

取王官卽此

李吉甫元和郡縣志王官故 城在縣西北春秋傳曰俘我王

官翦我羈馬

樂史太平寰宇記王官城卽 邑名也廢城在縣西北又成公

十三年晉侯使呂相絕秦倂 我王官卽此

明陝西通志王官故城在澄 城縣西北四十里

舊志同

南郊故城在今縣西北

括地志澄城縣西北七十里 有南郊故城又有北郊西郊皆

卽孟明伐晉所取

舊志同

新城故城在今縣東北二十里

太平寰宇記新城左氏傳文 公四年晉侯伐秦圍祁 晉欒

是此也

舊志新城在澄城縣東北二 十里

北嶽故城在今縣西南

太平寰宇記徵城在縣西南三十二里卽左氏文公十年秦伐晉取北徵是也漢以爲徵縣屬馮翊今俗名避難堡  
明同州志徵城縣西南二十五里有北徵城今名避難堡  
長城故基在今縣南

縣圖縣南五里有古長城基  
亮吉按此蓋魏之長城

漢徵縣故城在今縣西南二十五里  
太平寰宇記漢徵縣故城在縣西南二十二里

明同州志澄城縣西南二十五里有北徵城漢置徵縣于此  
縣圖漢縣城在縣西南今基址尙存

魏澄城郡故城  
元和郡縣志後魏太武七年分郃陽縣置澄城縣又于今縣

澄城縣志卷二

理置澄城郡

亮吉按澄城縣城舊志云後魏時置則後魏澄城郡城卽今縣城是也

杏城故城

地形志澄城縣有杏城  
亮吉按元和郡縣志有杏城鎮云本上郃離陰縣地則非此可知此杏城今無可考

三門縣故城在今縣西北三十里

地形志三門真君七年置

明陝西通志三門廢縣在澄城縣西北三十里今三門卽其故址

陽郭城及衙城故城

地形志三門縣有陽花城簡城

亮吉後二城所在今皆無可考

唐長寧縣故城在今縣西北四十里

新唐書地理志武德三年析置長寧縣貞觀八年省

舊志長寧城在今縣西北四十里長寧河南今故址猶存

今縣城在同州府北一百里後魏時建唐宋元明

國朝皆因之

縣圍城後魏時建周三里有奇高二丈五尺土築池深一丈

三尺

舊志土城方三里奇有奇建築莫知所始正統景泰宏治相繼

增修嘉靖丙午邊事猖獗知縣徐效賢奉檄築壘高深倍昔

戊申乃重修四城門知縣鄭光溥又改建北門已酉又建四

縣城志卷二 城門二

郭門各有記時南郭門未就知縣敖佐繼成之崇正癸酉知

縣王選于城頭增土三尺兼并塚堞癸未乙酉間圯至

國朝順治五年知縣姚欽明重修始開水門

縣册乾隆三十一年知縣額樂春重修

署元縣署在城內西北隅元末毀于兵燹明洪武二年縣丞樂

韶始建廨宇嘉靖中知縣鄭光普增修崇正中寇燬正堂縣丞

梁才重建

國朝順治六年知縣姚欽明增修爲堂五楹前爲儀門三楹堂

東西爲六房共十九楹堂左爲書房三楹又左爲儀仗庫今廢

堂右爲銀庫堂後爲知縣內署明知縣敖佐真知縣姚欽明增

修乾隆三十年知縣戴治又修又于署右增建書房三楹門庭

三楹

縣丞署在縣署左

主簿署今廢

教諭署在新按察司右

訓導署在布政司左

典史署在縣丞署之東吏舍在縣署六房後

申明旌善亭在縣署前

舊後樂園在縣丞署左今廢爲馬廐

舊退思亭在故後樂園內

榜房在縣署右今廢

馬神廟在縣署大門右

馬廐在儀門外今廢

獄禁在儀門右

涇城縣志卷二

四

舊陰陽學在縣署東南隅

舊醫學在陰陽學西今俱廢

僧會司在精進寺

道會司在崇壽宮

稅課局在南門內

預備倉在縣署南

縣倉在儀門外

社倉縣治及鄉鎮皆有今悉廢

養濟院在縣西門外

漏澤園在南陌

舊軍器局在縣治右今廢

舊民局今廢

布政行司久廢

按察行司久廢

演武場在縣郭外地一十六畝明知縣敖佐勘開除稅糧  
石一斗八各里代納衆心允協焉

橋二崆峒橋在縣西十里

空子橋舊名天險門在縣西北八十里明嘉靖丙午知縣徐  
賢奉檄創築題曰天險與勝關中人督修

渡一洛河渡在縣西二十里通蒲城縣

舊宮一隋避暑宮在縣東北五十里乃隋文帝築以避暑舊  
稱林木交加河流盤曲一方勝槩水環宮後岸善崩碑刻沉沒  
無可考後改爲治平寺

舊莊二隋文帝莊相傳在避暑宮迤西漫無可考惟金大定二  
十七年重修岱嶽廟記古蹟則有隋文帝魏元成之舊莊今且  
失其處矣

魏鄭公莊在縣北二十五里修善村今名大賢村唐太宗所賜  
號徵莊也其子孫世居焉宋浮休居士張舜民過此有詩曰兒  
童不識字耕稼魏公莊或云長輔鎮西亦有魏莊

府一伏龍府在縣南五十里唐置兵之所新唐書肅宗時太原  
三榮爲伏龍府折衝

寨一親隣寨在縣北二十里元陝西平章李思齊命將所築  
馮屯寨


驛三勾倉驛卽縣東南寺頭鎮

撲地驛在縣東撲地河

賢相驛在縣西北長輔鎮因魏鄭公得名

舊志稱石道立曰諸驛相傳謂設于宋廢于元今吾縣馬牛  
 驛站給他縣驛遞謂斯地非要衝故也此見河南山西及成  
 邊軍士入延綏榆林一帶者往往絲之自北而南者亦然使  
 者過越縣官卒無以辦夫馬輒令里甲顧賃民不勝其擾安  
 得復前一驛分站之給他處者以自供民庶其少休乎  
 鋪舍急遞總鋪在舊布政行司右餘十有四鋪城東者一曰柳  
 基曰交道曰懷仁曰安樂曰臨高曰白其達同州城西者二曰  
 交城曰長閭達蒲城城西北者三曰蟒猛曰藥鋪曰紅羅谷達  
 洛川  
 市集在縣關廂者其輪遞月無間日諸鎮者則以日相遞而已

澄城縣志卷二 城屬







卷之三

七

澄城縣志卷三

陽湖洪亮吉孫星衍同撰

鄉屬三

周里一

新里

左氏傳僖公十八年梁伯益其邑而不能實也命曰新里秦取之

太平寰宇記澄城縣有甘泉出置谷中其水尤美堪造酒泉東至于新里

漢鄉一

杜平鄉

史記灌嬰下櫟賜爵列侯食杜平鄉

澄城縣志卷三 鄉屬三

陝西通志杜平鄉在今澄城

北周村一

三門鄉

陝西通志三門鄉在澄城縣西北三十里即三門廢縣故址亮吉按周明帝廢三門縣縣廢後蓋即為村故列此

唐鄉一

長寧鄉

新唐書地理志武德三年析澄城置長寧縣貞觀八年省明同州志唐武德三年升長寧鄉作縣至貞觀八年省

宋鄉舊十七後并九鄉可考者凡六

歸義鄉

加泉鄉

高橋鄉

太平鄉

甘泉鄉

王官鄉

太平寰宇記澄城縣十七鄉今九鄉

舊志稱縣人石道立三晉縣在宋金時凡六鄉今無歸義里

泉高相三鄉餘則仍

金鄉六同上

亮吉按元鄉數無考皆亦同金

明鄉三里四十

太平鄉在縣東南口里領里十八

郭下里

長政里

奉政里

陽城里

通賢里

通振里

白龍里

伏龍里

白其里

遵教里

寺前里

仁義里

西觀里

德仁里

先進里

忠信里

通道里

業善里

甘泉鄉在縣東北口里領里八

王帶里

時莊里

三泉里

永平里

賢得里

武安里

安定里

大賢里

王官鄉七縣西北口里領里十

吉安里

善化里

義井里

故東里

段庄里

長崗里

馮原里

陰泉里

長寧里

永富里

太平里

良輔里

牙曲里

大慶里

舊志明初里凡六十四頗稱富庶至天順六年則併八里崇賢常與歸仁常熟常義橋南觀隣山前宏治五年又并十六里永豐豐樂新城中正高安樂光祿誠信義合玉泉路并福原西下王莊奉祿良周視諸初已減三之一有奇矣迺今逃亡日甚或有里名而無丁數或有丁數而無田廬然而役作不減差稅屢增以虛存之里名受實在之隱禍此所以縣口益罷而民日益貧也

內卷三 刑三

國朝分四鄉共領里四十

東鄉領里十

郭下里

王代里

時莊里

奉政里

楊城里

長政里

通振里

通賢里

三泉里

忠信里

西鄉領里十

通道里

業善里

吉安里

玉泉里

善化里

義井里

閩東里

段莊里

長岡里

馮長里

南鄉領里十

白龍里

白其里

新其里

伏龍里

遵教里

寺前里

仁義里

西觀里

懷仁里

先進里

北鄉領里十

陰泉里

牙富里

賢得里

武定里

大賢里

奉祿里

良甫里

太平里

太慶里

永安里

鎮五良甫鎮在縣北五十里因魏鄭公得名

馮原鎮在縣西北五十里

寺頭鎮在縣東南四十里

涇城縣志卷三

六

堆頭鎮在縣西二十里

王莊鎮在縣西北三十里

堡三舊志明嘉靖丙午邊聲告急知縣徐效賢奉檄創築堡城

三座陝西都察院御史謝蘭傲委典膳鄭毅關中人喬廷前權

汝止督修

遵義堡即寺頭鎮

太平堡即王莊鎮

張崗堡即堆頭鎮

陽湖洪亮吉孫星衍同撰

山屬四

社公山

舊志在縣北五十里有社公社母廟

將軍山

舊志在縣北六十里上有秦武安君白起廟山南有村曰社

田相傳為起食邑居民有白姓者或其苗裔

石樓山

西安府志石樓山在澄城縣北七十里山形如樓其相近有

相谷舊多相

壺梯山

西安府志在澄城縣西北五十里雲霧集輒雨

石門山

縣圖在縣西北七十五里

陝西通志其麓有風洞一名風谷其深亘淵天將風洞中先

有聲響振巖谷風欲息則其響如初又相近有麻林陂山

界頭山

舊志在縣北七十里以在澄城洛川之界

麻林陂山

舊志在西北七十里

伏風山

明同州志在澄城縣西二十里

武帝山



明同州志在澄城縣東北七十里

舊志相傳漢武帝遊梁山經此土人立廟祀之

雲門谷

太平寰宇記澄城縣有雲門谷

程大昌雍勝畧縣西北五十里有雲門谷谷口若門水氣如雲故名

柏谷

一舊志在縣北七十里舊多柏

金沙谷

陝西通志在澄城縣西三里相傳佛圖澄遊息于此

舊志金沙谷一名金谿

紅羅谷

縣冊在縣西北

西安府志澄城縣有羅谷土色多紅故名

臨高原

舊志在縣南五十里

宋名臣言行錄李忠襄公顯忠初仕金知同州以計執金撒離喝密圖南歸後由漢村經臨高原奔夏

陝西通志原有泉曰龍泉味甘如醴隋文帝在同州每取致焉

乾坑

元和郡縣志同州西三十里有乾坑卽龍首渠之尾

水屬五

洛水自白水縣界流入又由水南入蒲城界

漢書溝洫志武帝時穿渠自徵引洛水至商顏下顏師古注洛卽漆沮水徵卽澄城也

元和郡縣志云漢書溝洫志武帝時嚴熊上言願穿洛以澗重泉以東萬餘頃于是發卒穿渠自徵引洛水至商顏下名曰龍首渠

亮吉按商顏唐時在馮翊縣界

太平寰宇記同上

金史地理志澄城有洛水

舊志洛水自白水入縣西北隅南受玉泉水又南受長寧河蓋雲門紅羅二谷水所會也又南受縣西河則甘泉賸公泉澗泉洗腸泉柳鎗泉諸水所會又東南有撲地河卽郃之大峪水自東北南流西受龍泉水同入于洛

澄城縣志卷四 地理四

### 梁水

金史地理志澄城有梁水

亮吉按未知係縣界何水今昔異名他地志亦不載澄城縣有此水今故別列于此

雲門谷水出縣西北雲門谷

太平寰宇記雲門谷水出澄城縣界

雍勝畧云云見上

長寧河水自縣西北流逕長寧城西南流入洛一名三娘子川

陝西通志在澄城縣西北四十里卽雲門紅羅二谷水之所

會也以流逕長寧城故名長寧河西南流入于洛水

縣冊三娘子川在縣西北三十里源出宜君界麻林坡溝底

會雲門紅羅二水入長寧河

泉水出縣西北崖陰出東南流入長寧河

舊志陰泉水在縣西北三十里泉身崖陰出味極甘冽東南流入長寧河

亮吉按舊志有三娘子川亦云在縣西北三十里

甘泉一名酒泉俗名縣西河出廣谷會縣西諸泉入洛

左傳王孫號守號公爲王宮于珎王與之酒泉

杜預左傳注酒泉周邑

顧棟高春秋大事表今陝西同州府澄城縣有溫泉西注于洛又有甘泉出廣谷中造酒尤佳名曰酒泉蓋號地跨河東西後入于晉

一亮吉按今陝西同州府下條大事表通志引以爲杜注誤今改正

太平寰宇記甘泉水出廣谷中其水尤美堪造酒泉東至坊新里左氏傳僖公十八年梁伯益其國而不能實也命曰新里左氏傳僖公十八年秦取之卽此也

舊志甘泉水俗名縣西河會縣西諸泉入于洛

縣圖在縣西北四十里

甘泉出縣西北三里許東南流入甘泉水

舊志泉在縣西北三里許其水清澈可愛東南流入甘泉水

明同州志隋文帝避醫時宮姓洛此故名

舊志按舊志云附公泉形如匱又名匱谷今考太平寰宇記甘泉出廣谷中此附公泉南流始入甘泉疑甘泉卽附公泉之源也

溫泉一名苦澗泉出縣東北舊云西注洛

太平寰宇記引注水經云泉有三原奇川瀉注西注于洛亦曰帝營溫泉

舊志三源並出將軍山麓合為一流中隔土嶺一里鑿引達縣可以利民或疑古之溫泉然非入洛之水也

縣圖在縣東北十五里

激泉水一名官泉在縣西三里東會甘泉入洛

程大昌雍勝畧在縣西三里縣以此名源出大慶里西莊澗中

何景明雍大記源潔流清釀酒香美人多用之會甘泉入洛

舊志在三里澗中又名官泉

陝西通志澄一作激一名官泉

龍泉

舊志在縣南五十里帶洛溝味甘如醴隋文帝居同州嘗取食焉

洗腸泉水出縣西金沙谷

名山記在縣西三里相傳晉高僧佛圖澄洗腸于此

舊志在三里澗南百餘步金沙谷下油膩如星浮水面旱禱有應

棚槍泉水在縣南三里

潛確類書在縣南三里相傳漢光武北征時棚槍得泉故名

縣圖在今縣南三里許

大谷河一名撲地河又名李家河俗名薄底河出縣東界頭山至蒲城入洛

陝西通志一名撲地河又名李家河俗又呼為薄底河在縣

泉二十里

舊志在縣東二十里源出界頭山與邵陽分界至蒲城入洛

亦名撲地河俗名為薄底河又謂之李家河

溢池在縣西北七十里

陝西通志注而不溢故名在縣西北七十里

舊志同

芳泉在縣城中

舊志縣舊無水遠汲三里澗中明宏治中知縣徐政即預備

一倉鑿一井深三百六十尺命曰芳泉

雙泉在社稷壇

舊志明嘉靖庚戌知縣敖佐因城中水鹹即社稷壇鑿二井

其水清甘因名雙泉

徐公井在縣城中

舊志明嘉靖丙午知縣徐效賢擇隙地鑿四井縣人取汲稱

便號徐公井

水利

長寧河渠

縣冊在縣西北四十里居民引流灌田數十畝

大峪河堰

一縣冊在縣東二十里與邵陽分渠灌田共灌本縣田三百餘

畝

玉泉

縣冊在縣西北十五里泉下有蔬園藥畦引流灌溉

堯吉按止渠堰泉三所見獲其制

泉河

陝西通志在縣西二里可資灌溉

三泉

陝西通志三泉在縣東北十五里引之可以利民

陽湖洪亮吉孫星衍同撰

學校六

儒學舊在縣西門外唐以前世遠不能徵求有大觀聖作之說元至元二十七年知縣薛文曜重修宣聖廟皇慶二年知縣張潤重修講堂俱有碑元末兵燬明洪武六年知縣王秩重建

元進士蒲城趙寅重建廟學碑記洪惟我皇明統一八表肇興文治立庠序以教育才之本開科目以公取才之規蓋紹隆唐虞三代於千古也明詔誕頒四方風動自京都以逮郡縣罔不崇廟修學祇承德意而世道翕然丕變矣澄城爲開輔名邑宣聖祠宇歷代增修厥制雄偉諸宋金有元之記爨因兵燹殆蕪更馳於教養賢廡備館舉就傾圮獨遺禮殿

澄城縣志卷五

一

亦穿露弗支神不安妥游息無從洪武六年春知縣王秩縣丞姚宗敬主簿夏安禮暨典史傅榮相與言曰蓋功尚德勵民正俗舍尊孔子無以副上命而殫臣職也僉謀既協差具于穀遂庀材用徵工役身爲程督匪懈昕夕其簷棟欹撓者起之桷榱黧敗者易之敞以宏庭亢以豐陛黼展巍然伯席儼若劍搆東西兩序計各六楹仍繪七十二子及諸儒之像重門洞達繚垣峻整黜堊丹雘具飾以法又闢堂筵齋室一區端大曠朗倍越疇昔凡十間宏望始克完美於是薦獻有位講習有若前廟後學輸與聿新觀禮懷和之民胥爲竦歎矣爨薦戒則教諭王煥局使張元禮拜手謁文諸記其事嘗謂孔子之功與天地同大孔子之祀與覆載無極克弊禹湯既往道在沐浴立言垂訓儀範自王後世願治之君欲求仁

彼然黎則必崇奉其道而恭嚴其祀始卓獻前軼者乎今聖天子茂舉盛典于上賢有司恪遵夔憲于下廟焉以致英膺之思學焉以固漸磨之化士生茲時何其幸與將見簪裳翹楚趨翼升學仰瞻廟貌洋洋如在親師邇友贊難請益斯茲斯誦相規相勸培仁義以篤其躬泳禮樂以肄其業他日俊髦輩出選德貢藝于以周布庶列贊襄嘉猷終收效用于顯赫者斯不負朝廷期望之心與夫縣官作成之力也敢告多士其思勉哉

正統四年知縣楊李琦重修宏治甲寅知縣楊泰重修

中書舍人長安吉人增修廟學碑記其略曰朝家知治本於教教本於孔子故于郡邑各建學以敦治化之源設廟以崇報祀之典制周海宇然廟學振弛恒視有司之臧否焉澄城

爲開輔僻邑廟學始建於洪武丙辰重修於正統庚申茲久寢敝弗支弘治庚戌雁門楊君泰來尹是邑講學行禮之初卽有志更作適陝西按察司副察巴陵楊君一清董學政按部澄城講廟蒞學觀其狹陋頽殘傳檄葺理尹遂慨然爲已任慮材鳩傭拓地積粟用無定所取之于公廩役無常夫使之于農隙經始於弘治甲寅正月望日落成于是年十二月末旬火成殿□□□其容琉璃其甍前所未有也兩廡各十楹□□□各三間明倫堂五間其舊則易之爲講堂□□□其舊則易之爲饌堂東西兩齋各五間堂□□□□號各十間又於學之震方創建新號四連□□六間門皆右額扁曰方貫平直總爲一門額其□□義路禮門於巽開建神厨神庫學牲房各三間□版解舍分置門內大門三門



伉然爲邑人瞻仰廟□學咸規模宏遠足以妥□造士命工  
鑿井於神廚□味清且甘祭祀飲食神人共賴而生欲紀功  
貞珉□徵予文大養而不窮大易之著□楊尹將有事於□  
校而先爲此井亦養而後教之意也其知爲治之□哉聖君  
崇儒重道副憲公□□德意以振起斯□楊尹爲良□司又  
能奉承上□而作興如此彼□矜秀士仰觀新宮必思材如  
大木以充棟梁之需□鋤而小之爲不勝任之物俯察新井  
必思學如掘□及泉而後已毋九仞以自□□□人奇士  
當有□於其間以輔佐我皇明之治予無疆則提督提□之  
功亦永垂不朽矣春秋□□□□□□□備錄之垂  
民力也此澄城□學之修所以可書也與

嘉靖甲辰冬知縣鄭光鴻撤而新之

戶部尚書朝邑韓邦奇新修廟學記余生華嶽之下長而遊  
齊魯陞秦嶽遊晉代陟恒嶽遊梁豫陟嵩嶽遊荆楚陟衡嶽  
歷吳越觀于阬閩足跡將遍天下凡梵宇琳宮巍然壯麗有  
上擬廷闕者類皆其徒自爲之適闕孔廟視學宮頽敝剝落  
甚者不庇風雨今官于郡縣者獨非孔氏之徒與且琳梵之  
修建國有禁例若廟學又孰從而禁之哉待御鄭公謫尹是  
邑未期年政通民和乃撤文廟學宮而重新之神有依而士  
有業群情大悅於是教諭何君相訓導王君幾王君得祿率  
諸生韓照習朝用路雲衢來問記者公者其直孔氏之徒與  
余讀宋史至循良傳意其人必吁吁煦煦無所動於民也及  
覩其治行迺肅紀綱正法度開四野實倉庫盜賊落水渠  
繕城池抑兼併修武備謹黷郵禮自神興學校于是漢史程

之有識也若公者得不謂之循吏也哉公之素善余已備識於謀樓記其行已立政昔孔氏之徒也豈特廟學之修而已哉使琳梵之徒見之亦將嘆曰吾輩方行天下獨見鄭公耳公諱光溥字伯公號一山山東益都人起家進士嘉靖三十三年甲辰冬十月既望立石

戊申知縣徐效賢又環築土城以嚴捍衛創修名宦鄉賢二祠以修缺典庚戌知縣敖佐首建號舍完二祠置祭器木鐸二百

二嘉靖十年知縣洪廷玉奉勅創建敬一亭三楹萬曆十七年

諸生以形家言學宮不利科第謀遷城中告之本縣不可於是諸生張宏道權可法等抱先師先賢木主徙之按察署中朱其

門移按察司於布政司布政司於養濟院養濟院於故文廟所事開監司

僅法一二首事者以懲其擅學宮遂改於按察司居城北街之

左改後科第果有人而首事者之後亦多成立云崇禎七年流寇焚燬東廡知縣傅應鳳重建

國朝順治六年知縣姚欽明修

進士蒲城原毓宗重修孔子廟記□□□□莊王□□經此



興隆文治秦之先事可以觀矣其子尚中俊辨文雅趨事勤幹者若張繼祖丁運開龐含朴杜汝斌路一麟張修敬等例得供書余末學無聞叨居鄰封侯於政治之暇抒誠勝舉一旦而觀成焉欣逢厥美雖智不足以知大聖而心私竊慕姚侯之善政不辭謗陋而爲之記侯諱欽明字四表江南江寧人其沉雄果毅應變無窮士民歌舞之口碑在志傳中茲不贅暨輸將飯工之姓氏亦當記之碑陰順治六年歲次己丑莖賓之月中浣吉日立

乾隆三十三年知縣額樂春重修又于西北隅增建齋房二座工未竣知縣戴治續成之

本朝康熙十六年宰是邑者稍舉其廢墜而講堂射圃諸制尚不克振復然規模略備矣迄今歷九十餘年寢久敝壞乾隆庚辰任邱高公質敬尹是邑講學行禮之餘卽有志更作已啟其緒因歲歉民力未紓故甫建明倫堂輒復中止踵其後者爲長白額公蒞任時見殿廡門牆悉皆傾圮遂慨然爲已任爰集紳士共謀更新均踴躍樂輸因擇諸生中醇謹有能者董其事慮材庀工經始於丙戌仲冬閱兩歲而功未竣適遷邠州刺史去任余於戊子孟夏視事茲土更爲捐俸而首事諸生又續捐金以期集事凡十閱月而落成自明倫堂而外正殿兩廡戟門泮池櫺星門宮牆牆門左曰義路右曰禮門泮池左祀名宦右祀鄉賢櫺星門外左爲孝子祠右爲節孝祠正殿東北爲敬聖祠廡以繚垣西北建齋房二座悉去

舊增新刻栢川櫺巍然一改舊觀工既竣教諭周君映紫訓導喬君作祇求爲記而鑄諸石爲次其顛末並樂輸姓名別勒於石

大成殿五楹東西廡各七楹戟門三楹柱以石櫺星門三楹萬歷中諸生路世美等又鑿泮池

路世美創修泮池記澄城縣學卽古之鄉學也自萬歷十七年遷學于按察署中規模粗定制置未完形家者每言新學獨得形勝第櫺星門基址太高于象爲窒塞頽池未鑿于理爲沉滯沉滯窒塞人文騰上必不速也癸卯科鄉榜果中一人而南宮之捷尙爾難之一時負時名者白堯典鄭振基景運啓同余率闔學諸生修輔之議遂決言于令狐縣主以費繁不舉會入觀典等自輸已貲酌費募金竣厥功焉及觀回惡其事不已出誣以修學科歛誣謾多人十餘年誣誤者已白垂翅者亦復奮翼自是鄉會連接聯第者亦往往不乏風水之說不可謂不驗也厥後城東南隅載建小塔而學工始完崇禎甲戌仲冬癸酉科舉人路世美記

明倫堂五楹在大成殿後乾隆三十六年知縣高質敬重修

東博文齋五楹

西約禮齋五楹

講堂舊在明倫堂後又有知縣楊泰并饌堂神厨神庫牲房號舍二十四間堂後左右各十間射圃在饌堂左內有觀德亭三楹學會在學宮東北隅講堂而下今悉廢

啟聖祠三楹在大成殿左嘉靖十年知縣洪廷玉奉敕創建祀啟聖公配享顏無繡曾點孔鯉孟孫氏于廡以先儒程垅朱松

蔡元定爲從祀

名宦祠三楹在學宮泮池左嘉靖己酉知縣徐效賢申請創建未就庚戌知縣敖佐始繼而成之祀唐縣令鄭楚相宋知縣呂大防明知縣楊季琦徐效賢

鄉賢祠三楹在泮池左嘉靖己酉知縣徐效賢申請創建未就庚戌知縣敖佐始繼而成之祀明南京工部尚書潘友直交趾道監察御史雷恭南京戶部郎中許英四川叙州府同知路車直隸保定府通判白瑀戶科給事中韓一良鞏昌府教授王崇教

社學在縣治前左西向明宏治間知縣楊泰徐政相繼繕修正德間就圯嘉靖初遺址幾沒於人教讀張東白御史臺復還于官知縣徐效賢修建知州楊庭記知縣敖佐于各里考選教讀

登城縣志卷五

八

子弟鬱起崇正癸酉知縣王選重修

國朝設立社學田四十畝租一石七斗二升九合五勺

明縣人楊庭修建社學記天下物事久而必敝亦自然之勢也惟敝而弗補則終於敝而已矣易曰蠱元亨貴於補然則君子之責莫急於補敝洪惟我皇明文明天下都有學郡邑有學里社有學其教人之法無非明體適用以馴其極而里社之學尤爲根本之地不可緩也故吾縣六十四里咸有社學建於各里人煙輳集之處以便童蒙趨向今皆敝而莫舉所存止與教讀之名而已惟郭下里社學在縣治前基廣二十步袤倍之前繚垣以廊爲縣榜房廊之中豎扁爲社學內堂若干楹兩房如堂數宏治壬戌敝壞極矣濱州徐公政作縣急補之撤故更新而堂屢復翼然朔望每考課生徒提


學上蔡李公遜學特注意於茲而吾縣羣生動有數百不久  
徐公擢苑馬寺丞延今三十餘年敗壁頽垣視若丘墟邑人  
教子弟者不之道院而之僧寺未幾將爲土人易去歲癸卯  
教讀張東鄉老石光耀狀於柏臺張公光熙下大叅蒲城張  
公邦教勘實復歸於官適益都一山鄭公光溥以御史謫知  
吾縣集材將爲修舉乙巳秋七月擢守華州適九月上命江  
津徐公知吾縣視篆三日首舉學校之政而汲汲於社學掄  
材鳩工不一月而告成其完美弗減於昔公急於首務如此  
其他可視矣或謂各里社學其不次第有舉耶而今而後小  
子有造由茲以熟夫洒掃應對進退之節精夫禮樂射御書  
數之文以臻夫成人之地豈復穆穆嚮嚮寄踪跡於虛無寂  
滅之境哉又豈不有以副吾皇祖設立學校之深意與工始

小春而落成長至後五月於戲公之補做何神速也哉大明  
嘉靖二十五年丙午歲仲春清明吉日

玉泉書院在文廟左乾隆三十一年知縣額樂春創建原置地  
二十二畝乾隆四十四年知縣戴治捐置地三百八十畝七分  
額樂春創建玉泉書院碑記自明以來同州府屬澄城故無  
書院予洎茲縣檢閱志乘載有社學廢墜已久無復可考屢  
欲與縣之紳士共謀其事顧事鉅而力微兼以頽年土木之  
功未有休息志而未逮丙戌仲冬有重修文廟之役廟之東  
偏向爲文昌閣而頗多隙地余不覺欣然曰是可以慰吾願  
矣卽集首事諸生俾兼理其事經畫區分中建講堂堂前左  
右廂房各三楹後左右廂房各二楹爲師生肄業之所後建  
三楹爲山長起居之所其地雜房二間足以置庖厨而已前


有門二重皆繚以牆名以玉泉紀勝地也而別立文昌閣於書院之後以安神靈由是文廟落成而書院亦竣諸生成歲謂余曰澄城素無書院侯之有是舉也是廣教思於無窮不可不叙其顛末遂書此以付之

澄城縣志卷五






圖之治縣  
城北



潯城縣志卷五

十一

自乙亥歲流賊亂  
潯城後暫有焚燬



廟屬七上

國朝祀典壇廟五

文廟入學校

社稷壇在城外西北隅明知縣徐效賢申建

風雲雷雨山川壇在縣南郊明知縣徐效賢申建

厲壇在縣北郊舊志各里皆有鄉屬壇今卷廢

城隍廟在縣西門外唐貞元十三年建宋元豐中縣民飭正殿

延應廡進士李某有記失傳金仍舊元初廟廡焚燬僅存正殿

後至元四年縣尹宋傑重修縣尉劉宏遠記亦失傳明正統七

年知縣楊季琦修宏泮中知縣楊濬徐改重修嘉靖戊申知縣

徐效賢始撤舊而廣之縣人石道立作記督修者有路義揚存

縣志卷六

高廷俊劉守正四人

石道立增修城隍廟記予讀祭法見聖王之制祭祀也能禦

大蓄則祀之能捍大患則祀之蓋古者方澤祭地之外如嶽

鎮海濱以及山林川澤丘陵墳衍凡地祇之屬各有常祭矧

城隍保障邦土捍衛民生功不在諸神下血食無與豈人心

之所安哉故自唐以來郡縣始建祠祀其神第加以爵號雖

極尊崇之意而禮不經莫此為甚國朝洪武庚戌既正天

下神號以洗前訛而郡縣厲祭又命城隍主之俾之鑒察善

惡以通幽明實與守令相表裏與至重也澄城城隍廟唐正

元中建今所國初改建城內東南隅維是舊廟瞻依既久衆

望攸屬故歲時香火悉歸之嘉靖己巳秋江津徐侯效賢視

一築茲土祀順群心即舊廟修祠謁之誠願儉陋弗稱期撤舊

而廣之越三歲政通人和百廢具舉迺謀諸士紳王侯致中  
相與齎材用宏規度訛日鳴工首新正殿次作前軒五懸翼  
以鐘鼓樓又次作後寢三櫺中肖以像繚以周垣限以重門  
於時梓人獻奇役夫奏功輸焉負焉視昔不啻倍蓰事既竣  
督工耆老相率揖予曰夫祀國之大典也肆今廟貌嚴矣竭  
虔妥靈修祀秩禮徐侯之功也且財出公羨無剝下之嫌工  
以直傭無奪時之優不慢不害侯茲兼之矣蓋識諸予惟治  
民事神守土者之先務徐侯親攝陰陽靡神不舉若城隍昭  
載祀典凡境內早滂疫癘神寶默相之祀他祠尤加慎焉禮  
也雖然幽明之際遠矣我侯惟致力於民者盡故致力於神  
者詳向使勞民傷財則土木之興適以歛怨作廟之功將曰  
崇前神豈安之人其誰永傳之哉侯之功卓卓乎其可紀矣

卷六 廟祀

二

他如葺學校以育材築城郭以爲民名宦鄉賢有祠諸壇壝  
有屋崇祠祀修缺典皆前政所未暇者於是乎並書之嘉靖  
三十九年二月初吉

國朝乾隆癸未知縣文尚秀率民重修甲申冬十月告成知縣  
額樂春有記

額樂春重修城隍廟記余於甲申年夏六月奉檄視潯城縣  
事甫抵任首行謁廟禮次至城隍廟廟方庀材鳩工築者削  
者斤者斧者各司其局蓋縣民以正殿寢宮歷有年歲慮其  
傾地朽竈謀一舉而更新之也越明年冬十月告成芬棹布  
翼梁棟高曠既豐厥殿乃安斯寢几廟中爲亭爲軒爲廊爲  
廡之屬靡不修葺縣父老咸來請文以紀其事余惟城隍義  
取禦外而衛內立廟以妥其神載在祀典然他縣皆建諸城

中而澄城獨在城外豈狗於形家得地不得地之說歟然而  
四境之內官統其明神統其幽冷州縣之署往往有在城外  
者况以神之靈雲旛風旛無乎不之儵來忽逝焉有定所可  
城內何不可城外者縣志載城隍廟在西門外唐正元十三  
年建明洪武初改建城內東南隅民情仍依舊廟新廟不久  
旋廢嘉靖中知縣事徐公效賢遂擴舊廟而廣之神反其宅  
永遠無疆今之規模即徐公所定者也自徐公以來中間雖  
有補葺要不過略爲整飭而已今縣民同力協德贊成勝舉  
採瑰材於他山徵良工於異地以答已降之神庥迓方來之  
神貺彈丸小邑而有輪焉奐焉蔚然巨觀若此者乎然則民  
之敬神與神之佑民洵可書矣若治民事神泣斯土者之識  
也區區勸捐董率余與文君何足云

一在城內東南隅明洪武初主簿夏安禮改建縣丞姚宗敬撰  
記久廢廟前舊有神樓二座嘉靖中圯其一右者僅存萬歷壬  
午知縣暢孟樂增修舉人路車有記

路車暢公增修城隍廟神樓記邑城隍廟肇建於唐正元中  
廟之前故有二樓厥後毀其一獨存其右者亦凋泮幾傾廟  
嘗有重新而樓以功鉅末之及也邑侯暢公諱孟樂號念川  
以河津鄉進士視篆于澄五禩矣每謁廟輒太息今歲壬午  
行春祀之禮會士庶咸集廼嘆曰治民事神有司之責惟神  
爲一封之主國家捍災弭患爲生靈蔭庇者在此顧廟貌弗  
飭而聽其坐廢慢甚也慢神者虐民之徵曷用官爲諸士庶  
頓首前曰侯言及此澄之福也我輩藉神休以生以寧思致  
力于神者乃其素心性惟苦於賦重役煩欲爲弗瞻耳比來

我侯修恤者殫思調劑之多方道賦均矣繁役獨矣克應良  
善漸以化而以興矣允賞敝墜既剔去而更新之矣士氣民  
風漸有起色皆侯之賜神之休也於茲所爲復何侯焉侯曰  
其然乎吾當捐俸以倡厥工諸生杜一岢耆民楊榮關潼等  
卽以侯意宣諸四民不終時願輸者肩摩趨事者子來暮春  
經始而初秋告成一大樓首出中峙左右二樓如翼砌之崇  
臺覆之甍瓦複道行空畫棟連雲烟霞幻昕夕之狀嵐壑殊  
晴雨之圖接綠原而俯碧澗答遠響而引清風巋然一奇觀  
也徵予記其事予惟齊雲落星高則高矣井幹麗譙華則華  
矣於民社無裨徒取嘆於勞民予邑地勢自東而下翩然急  
如駿馬邑庠建於最西而厥廟居左不得此雄鎮則翩然者  
無所控劄奚以壯形勝而聚風水三樓既峙則東自梁原禹  
門諸山蜿蜒而來入我幅帽龍蟠虎踞大華直對其前巍然  
屏樹中條環列其左雍如拱揖而且澗泉遶綠壺山送青形  
家者見之皆曰風水團聚矣裨益學宮匪小先是士之科名  
寢息今歲登午科者一人破厥天荒自是風物昌隆人文炳  
蔚曷其有已至如部屋編氓敕明且而凜童痺之威官師士  
僚睹象巍而生敬畏之情則斯樓也又未始非齋戒神明之  
一助而異口當有指公之樓如召之棠者何可無貞珉以垂  
于不朽萬歷十年八月初旬舉人車路記

關帝廟舊在縣署明嘉靖庚戌知縣敖佐遷于廢城隍廟中正  
殿三楹獻殿三楹天啟五年知縣毛丹鳳復改建正殿五楹獻  
殿七楹廊廡十八楹東西各九楹寢室五楹旁屋三楹鐘鼓樓  
二座二門三楹門坊一座縣中舉人路世美有記

路世美增修關帝廟碑記嘗讀吳魏國志見一時俊杰其才  
皆不在漢壽侯下蓋功不能追時而立名不能遺業而就如  
遼褚肅瑜輩建必然之策爭得爲之勢文謀武略震煜當年  
不可謂不知時務也雖然詭遇暗奸大寶不過一載傳酣營  
不過一二世迄于今如轉瞬間事蒙遜之鬼不靈權操之祀  
頓斬惟帝直氣凌青漢威神貫宙合家戶戶祝廟遍寰區北  
極紫濛之野南屈五島乃路則何以故當帝之時勢莫完於  
孟德力莫強于仲謀昭烈孤斃之胤敗亡之餘削弱爲特甚  
操欲誘帝爲已用毅然而不從權欲爲子請婚罵辱其使如  
狗彘間關千里戮力漢室此其忠義不奪卽在建武許洛間  
孰不仰之如神明論者後以壯繆疑之向使不明春秋大義  
少屈厥志俯就功名又惡能充塞兩間久而愈靈顧若是之

炬赫哉釋帝曰心天人數語允惟至誠故如神也語云至誠  
不息不息則久帝之誠能動物信及豚魚物于麥城未踰月  
呂蒙死明年曹瞞殂吳人鄭泉諫令白昭烈曰陛下亦知聞  
將軍今爲治鬼督乎魏人得首而金爲之身吳人得身而王  
爲其首各全一體廟食兩國其精鬼不獨依依西土也後主  
以帝明穆英邁諡爲壯繆侯隋唐來吳人祀于燕子磯末道  
封忠惠公加封武安王明天啟間加封伏魔大帝夫由侯而  
公而王而帝尊云至矣其敕建廟祠如都門如解梁如維揚  
如彭鄉禮云崇矣而窮鄉下邑凡思各致其誠者又何地無  
祠吾邑故有武安王廟在縣治中嘉靖間邑侯徐公效賢以  
其湫隘喧雜遷置城中與位其地甚爽塏殿宇門闕僅各三  
楹天啟間邑侯毛公丹鳳殫心民莫政化協洽民物安阜歲

乃大有謂帝新冊尊號兩陽時將廟宇徹毀非所以答其  
受至尊也欲拓而恢之首義舉故區事者則守備路世光者  
民王可盈經歷孔三仁木鐸王應長路運等一十餘人主持  
募緣者則釋性健神方所攝侯檢所感不數月米谷金錢釵  
銅木石應如流水約略計得千有餘金先是廟垣窳下出城  
外蓋土填築增高殿廡臺基度以九尺之筵南北四十筵而  
羸東四十五筵總垣百十堵有奇覆以鴛瓦甍屏爲兩耳門  
屏內一筵拾級而上建坊三楹又進九筵爲戟門五楹門崇  
二雉中三楹爲神路廣容大楹十箇左右二楹爲耳門廣容  
小楹五箇又比十五筵爲正殿五楹崇三雉廣容乘車五箇  
修容大楹十箇前有饗殿七楹重加杜馮高廣如正殿之數  
而兩之軒殿洞明勝棟皆豫章材苟有廡十八楹東西各九  
中有肩唐上有獻臺臺前左右建鐘鼓樓則世光德施也其  
寢宮五楹的厦三楹視饗殿殺三之一工成歲七月朔日爲  
香火會無所取之取諸略成之始也工起于天啓三年四月  
會毛侯以積最擢去尙有石楹丹雘畫壁繪舍缺焉木竟自  
是連年旱暵中庚崇禎八年兵變失城又庚十三年之大飢  
十六七年之鼎革屢遷向事人凋殘略盡每思向日之綏時  
屢豐踴躍採陬者竟幾于尅蠟兵烽而不可得順治五年邑  
侯姚公欽明以金陵世家來守雋上靡祠不修靡神不舉瞻  
仰帝廟欣然爲浮屠舍尖復建坊表于獻臺之上衆鄉老屬  
余爲記余思邑有賢君則聰明正直與神合得庶民于來固  
鍼芥之感也前有毛父後有姚母帝之靈也民之福也帝靈  
垂五百年而至開皇一顯于玉泉之刹又垂五百年而爲崇

寧再顯于蚩尤之戰今又五百年矣其靈應指不勝僂然鎮  
長城區輔皇圖不將于恭敬明祖者永永有賴哉元襄事輪  
費者例得書名詳見碑陰

國朝乾隆三十三年知縣額樂春重修于廟東北創建啓聖祠  
三楹門房一楹東西室各三楹兩廡五楹南下碑窖二孔兩傍  
設轅門南兩偏各建三楹樂樓左右各建角門

縣人張作肅重修關帝廟碑記吾邑舊有關帝廟在縣署中  
一嘉靖庚戌邑侯敖公佐慨人神雜處爰圖福地於縣治東南  
一隅文廟偏右得廢城隙廟遺址撰文告遷與先師廟南北相  
一望厥後增擴詳載邑乘然舊繚垣雖百十丈有奇而西南形  
勢尙涉殘缺監生張經生員張廷佐等營地增二十餘尺基  
址始爲方正歷歲月風雨漂搖廟貌漸印落西廡折毀棟

瓦無一存者體制不無缺憾又啓聖舊之祀地春秋祀時卽  
推上祀之意於獻殿旁右其能安乎惟我邑侯額公樂春成  
民者致力於神於乾隆三十三年值歲大熟募金千有餘百  
鴻工庀材如制重修於廟東北創建啓聖祠三楹門房一楹  
擴故東西兩陪一楹爲三增西廡五楹南下碑窖二孔兩旁  
設轅門南兩偏各建三楹爲祭時衣冠地及詔牲饗酒諸有  
一事所樂樓左右各建耳門是役也肇於戊子春成於己丑夏  
績云敏矣里役不與勞焉址仍舊矣宏敞且以過焉第章采  
未施而額公以績最擢去繼任載侯治於乙未歲屬生員張  
作新等復募銀百餘金像飾宇輪奐一新洵澄澄巨觀也工  
竣誌其顛末以見神功人善相與落成焉



夏伯成子高廟一在縣東南十五里神後邨一在縣東十里西夏邨

通志澄城縣有高伯成廟不著時代

舊志廟舊有碑明嘉靖十一年縣官磨克敬一亭碑今無可考惟縣南普化寺碑云左聯柏成廟而爲隣者有正直之賢據此則神必聰明正直者也

亮吉按通志于澄城縣東十里西夏邨載有夏伯成子高墓今縣志載高柏成廟亦在西夏邨則卽伯成子高廟無疑昔人書伯益皆作柏益明古字通惟通志于祠祀內又載高柏成不著時代蓋不研考之故今正之

秦武安君廟一在將軍山巔一在北武安邨

漢文帝廟在縣東南西觀邨舊志云文帝自代州往駐蹕于此故立廟焉

漢武帝廟一在武帝山一在撈鎗泉上一在

唐魏鄭公祠南鄭門外偏西南向先是繪公像于縣學門廡東壁宋宣和癸卯知縣張綱始建祠于縣之西郊又曰爲記今承安三年縣令艾元老以西郊荒僻仍徙今所正堂三間中肖公

像及其五世孫魏謩執笏侍立于左東西廊廡一十間門一所  
語在同州教授孫鎮記

孫鎮艾公改修魏鄭公祠記有不世之君必能用不世之臣  
用不世之臣必能建不世之功若鄭國文貞公其可謂不世  
之臣歟公以不世之臣而遇太宗不世之君貞千載之嘉會  
也夫值千載一遇之世將行千載一隆之道豈但期會簿書  
聽訟獄而已哉公亦自以爲不世之遇而能展盡底蘊無所  
隱太宗和顏從之如不及是以貞觀間斗粟三錢外戶不闔  
兵寢則□□□唐虞之隆嘉謀規益凜凜乎臯契夔稷伊望  
之風□公□□名微字元成本魏州曲城人新舊二史載其  
政君澤民行事炳炳如丹固不待吾言而後見也其祠舊在  
縣之西門外始愷繪像縣學門廡東壁逮宋宣和間縣令張

編別立祠堂塑爲貌像焉歲月滋久堂宇頽圯神像剝缺加  
之其地荒僻殆不堪忠臣賢輔所居吁可怪嘆今主上踐祚  
之明年猶修天下忠臣義士廟宇有司以公祠闕於朝然久  
不時報縣令艾侯愷其荒廢乃創卜地見廟築垣於南郊外  
三十餘步輸已俸以遷焉於是公之孫與闔境士民贊助而  
成之不勞民不費財經始於十月斷手於十二月其堂三間  
五架中塑公像及其六孫謩秉笏侍立於左東西廊廡一十間  
各二架廟門一所以歲時祠謁者如事其生公之在唐先有  
賜庄在縣北曰修善部其子孫家焉固命鎮曰良輔驛曰賢  
相皆以公故也公子家世蒙給復下逮五季宋初亦然及韓  
魏王琦四帥也奏於官其十五世孫道嚴至大觀政和間賜  
銀六百兩絹五十端以彰賢臣之後本朝定國軍使度使傅

□申諸朝亦贈其十七世孫世祥嗣守其先學蓋令德之後也。因竝紀其實以告其將來。不惟使後之繼業者不墜其家聲，抑將使爲人臣者以道事君，措天下如貞觀之治，顧不偉歟。侯字長卿，履宰一尉，邑所在有治聲。澄人畏而愛之，其德政茲不悉載。異時秩滿，代去縣，指此祠爲甘棠之下，芟舍云。承安三祀冬十二月晦，日將仕郎同州教授孫鎮記。

元至正七年，縣令竇本重修縣人傳良弼記。今失一在縣北二十里砲落邨祠五間，續以周垣，今廢。

國朝順治六年，知縣姚欽明重修縣人權時昌作記。權時昌，姚公重修魏鄭公祠碑，自郵延肇亂，徵徭被兵，鬱攸之蓄，不知其幾，民無所上，神無所棲，行人心惻也。今上宅夏四年，簡賢與能，出宰百里，金陵姚侯剖有澄竹首問疾苦次。

秩群祀謂邑人士曰：古者地平天成，主祭與治事竝舉。今時純熙，欲求百姓之安，莫先百神之享矣。邑人士曰：我民誰實無心，第不克保，聚矧克安，侑侯曰：亦正不煩，百姓者遂指廉金，遍葺群祠，有創建有重修，有增補有擴充，有月髹而金璧，魯不半禩，郭乳內外翼翼如見見如也。一日過魏鄭公祠，見震風凌雨，滄拂袞冕，問諸生曰：此非曲城文貞公乎？何乃祠于此？諸生以掌故對，謂因食采且長子孫焉。侯乃作而曰：吾平生儀式，魏公久矣，不謂亦既遺止也。公以不諱，勸隱太子，事見重，太宗特器其直，故自十思十漸，而外二百餘奏，無不剴切，當帝心者，至謂不可一日不在左右，明良相得益彰，誠不世之遇哉。公不展盡底蘊，何侯者一言而勝十萬之師，片語而輟南山之幸，諷喻冊立，止諫封禪，大略進之仁義，欲致

君子堯舜也史臣贊爲三代遺直詎止拜金龜佩刀之賜已  
哉而吾尤取公者在加意百姓云當太宗之初也謂大亂之  
後誘民匪易公曰有仁義在封德彝力持其非夫由公之言  
欲順天下之理而治之由德彝之言則法律者拂天下之性  
者也太宗從此而不從彼行之四年遂致太平所謂斗米三  
錢行千里不持寸兵夜戶不閉路不拾遺貞觀之化振古有  
光仁義之效如此其速也凡爲民者不當如是哉余不肖忝  
有民社之責敢不以公自矢觀茲廟貌且就傾敝則吾將安  
放昔太宗見公宅無堂命輟小殿之材以構之其歿也自撰  
其碑而書其石鑑亡之痛圖在凌烟矣余下肖敢受餘力願  
處張公編艾公元老後哉多士其襄成之于時選材訊曰鳩  
工興事撥榭餉而抱蜀與有其地矣諸生請記侯美記曰工  
役之興有時義存焉務侈而豐不急是崇病民與公是易于  
興作不可也先正之素散陋是墟政墮于國是憚于興作不  
可也姚侯之出此也因其舊而新是圖藉其贏而縮是補不  
謂時以舉事乎新功既集前美益彰是庇是寧居者術術不  
謂仁以貽遠乎防降左右吏治靜嘉追躅先武王事乃集不  
謂知以成務乎雖然猶未盡也立志以文貞自期待不措天  
下于貞觀之化致吾君子堯舜之主未快也彼枝美燭善又  
安以盡侯之深遠乎侯諱欽明字四表江南江寧人順治五  
年五月記

其在南郭者

國朝康熙十七年知縣夏疇重修卽陽康乃心作記

康乃心唐魏鄭公祠碑

今上御極之十七載邑侯山左夏公受命來令激驅車至止  
周視城垣得唐鄭國魏文貞公之祠於南門外展禮有加慨  
乃攷圖史按譜牒稽文老慨然嘆曰惟公賜邑於上輔北激  
子孫世家與丹書鎮券同誓河山而異代之後蕭然一祠風  
雨風雷之不庇守令目爲故然無有過而問者非所以昭臣  
誼示來茲也將謀新之適川河變起關西郡國正當其衝供  
役籌賦皇然其靡寧也迨辛酉歲千戈甫定民稍獲休乃申  
前約命日變工甃之石之丹之堊之費不擾里役不踰時經  
始於十月初旬闕明年正月望而落成焉激之人曰白公泣  
事百爲具舉厥凡疾苦罔不搜剔興除袞衣章甫惠我無私  
此則其政在千載者也夫天下事有似緩而寔急者表忠孝  
訪節烈重文獻攷古蹟而已於戲吾家有莘之野距澄一水

每來是邦瞻拜祠前率徘徊之不能去間讀殘碑摩古字時  
或縱飲激市誦出關遺詩感慨訝呼躊躇於寒烟斷草寂離  
夕照之中蓋未嘗不太息如見其爲人也夫文貞以落拓之  
餘遭逢聖主爲一代名臣犯顏極棟忌諱弗恤太宗不世英  
明每至虛懷聽受自觀之治遠比成康逮於斗米三錢幾致  
刑措君臣相遇豈不謂極盛矣乎唯公之言曰五帝三王不  
易民而治行帝道而帝行王道而王又曰願爲良臣無爲忠  
臣則夫今日者瘡痍甫蘇鴻雁嗷嗷民生其日蹙矣苟得一  
代哲人應時起運朝千濟而夕十思於以匡弼左右天下其  
猶有賴也若然則侯之爲是舉也懷古之深而行古之道也  
思治之殷也尚友之義也太史公曰述往事思來者意在茲  
矣耆老宋國璽路其良等與鄭公齊孫供祀生魏養體魏鑑

唐董其事詞成將謀鑿石以誌忽於刑側掘獲一碣磨泐完  
好而未有字與哉如有待也遂以拜爲記而繫之以辭公諱  
疇字青田山東高密人丁未進士以易世家康熙十七年任  
戊午科詩經同考官加三級紀錄二次辭曰鳳龍潛垂真人  
訣失鹿隋皇群盜竊一去廣陵繁豔滅太原公子鏡如虜二  
十四歲山河擷風雲奇士森羅列巍巍名世唐虞哲獨抱救  
民幽憤切托跡黃冠志豈拙風塵困頓一何屑元遂歷事元  
成峻亦如傲仲檻車轍批鱗敢諫龍顏悅嶽嶽風姿巖似鍊  
獻陵之對義何烈偃武修文諫疏揭斗米三錢刑獄輟凌烟  
圖畫昭臣節遺笏家聲直且潔北激上輔錫瓜瓞荒陵蔓草  
遺祠蝶觀風至此羞形埒我侯海岱文章杰作賦金臺紫電  
掣琳瑯長劍群倫絕下車一眎中心結修葺儼同山蝶噪警  
香黍稷走耄耋負笈擔簦媿薄劣感時懷古肝腸折遷擢願  
公鳴佩珞君門咫尺作喉舌九州爲我訢窮賤一如鄭公勤  
諫說千年盛事金石列載筆勅銘書此碣

乾隆四十四年知縣戴治奉巡撫檄增修正堂三間獻殿三間  
兩旁審各一孔歌舞樓一座角門兩所繚以周垣捐置地三十  
七畝五分詳戴治自記

戴治重修唐鄭國魏文貞公祠記公魏州曲城人生隋季八  
唐自秘書丞歷官太子太師忠蹇貴重長利國家屹然爲二  
代名臣冠尚論者可由以見明良吁咈之風焉賜庄北澂子  
孫世業邑北大賢村至今猶存衣冠之墓宋宣和癸卯建祠  
西郊後以地辟徙之商郭自是以來一葺之於元至正七年  
再葺於我朝順治六年余尹茲土獲拜公墓因見馬鬣漸

夷狸鼠游穴爲加封樹而更泐畢大中丞丹篆以表其其  
祠之在郭外者經百三十年星霜剝蝕墻宇非舊已亥歲因  
偕同志謀作新之木以株計九以瓦計土以簣計踴聖幣藁  
以鈞石計自夏涉冬五閱月而祠成乃進人士而告之曰凡  
邑之有祠非以爲耳目之觀也蓋昭嘉言往行以範俗也夫  
世之人安於鄉人而不知求爲古人爲其身謀而不知堯舜  
其君子謀公卓卓千古若此而不望遠衡然則瞻公祠覈公  
跡宜何如哉若夫春薦秋享朝灑而夕饗焉雖有司之事亦  
所以致斯祠於勿替也余將繼此圖之

唐縣令鄭公祠在魏鄭公祠西貞元十一年建有唐集賢殿學  
士陳京碑記今廢

陳京縣令鄭公德政碑在昔兩漢之政咸勸東京之事最明

陳京縣志卷六

碑

四

共理邦邑必難守宰不獨孝宣二千古之選也我國家弘啟  
至化稽對前謨領縣掄材曰邇敷遠實先三輔哉首屬城恒  
寧厥人多及於理不有卓異曷顯頌歌未遑神明誰鑲金石  
由是貞元十一年秋閏八月十七日辛巳詔繪銘紀左馮翊  
澄城令鄭楚相功德於其理所之南門也澄人謂余方從鄭  
謬跡書殿飽循吏之事業聆采詩之風謨求成其文實美公  
焉公字叔放鄴州滎陽人高祖元胄皇朝散大夫祠部郎中  
曾祖慈方皇朝議大夫蔡州刺史祖敬育梓州通泉丞烈考  
琨冀州南宮尉累舉盛德成相能贊履遺後人蔚變才子旣  
冠試吏達時屢遷大壯左州縣守方缺拾繁大綬假以兩轡  
名盈刊樞道厥曠以念代游之不吐去巨卿之舊儀遂以幅  
巾請生修刻先聖時梓流藻馨香立言德成敢雄籍奏用甲

科秀才第東觀校書郎勞錕者於遺編勉字錕士以五經

家於早歲安糗氏以彌年秩滿從調到及殊缺授長安尉而

至於宰是邑也致理大端本人和氣孝崇悌順心通性革當

同財而離居巖撒屋而周缺用簡成賦出平頌役論闕廢積

淪焉俠愛俾縣衡以自古偶踐更缺五缺繁樹柔桑阜蕃多稼

謹隣終畝并力從缺順祈報以登入治禮節而息宴井洌河

闕浴汲投艱寒悞與宜男女半道戒鑒深厚商利遠邇會廬

之義肇周八家不窮之養躬行四序藝疏屢豐恒缺四諸圖

者放於缺公三畝俱存百本咸毓生生之禮備赫赫之名成

鴻細缺勤風暮載考厚藏不缺之盡盡秩有益之祠枯泉由

靈而正出鷲蟲抱義而大去此又感會玄昧之可紀者也念

歲孤之偶餘散俸康於里舍訪善良之疾苦降服馬於鄉亭

此又願懷隱微之可稱者也統集多方宗諸元繪臻於大稔

登於治平八閑歲安風清雲明雞犬攸聞火煙闔境表率王

甸圖像連城其君子理道之至歎是皆根於研心特擅端操

軼倫先時劇職中歲充賦疾如影響利用卷舒摘詞則宣章

練政則居最俄而詔除褒者遂冠缺文行之其猶子康大傳

伯師尚書之徵於馮翊宦君慎寵乃寮問言於獻狀詢續以

仁掾於是百姓孫士良等報德謫明請命朝省而斯頌作焉

詞曰澄有賢令兮為鄭父文雅揚庭兮學齊魯視業操刀兮

造新都更宰閩尹兮調警字家多金井兮漫畦圃野播膏苗

兮歛鍾甌泉異二師兮亦我澗獸同安成兮不吾禦西海少

婦兮慎莫渡穎川四君兮敢為伍摘龜爰伐兮題廣路崔巍

碑泐兮偉終古貞元十四年正月二十五日建




唐姚烈女祠在縣北定國鄉

宋岱嶽廟一在寺顧鎮舊志宋政和中建崇寧二年立碑

崇寧二年東嶽廟初修碑若夫生長收藏所以用天之道聰明正直必曰依人而行然則暴露蕪蕪之下蓋其勤則至矣潘札瘞癘之作尚可一得而食諸故豹獺不忘於絜恭鸞鵠或知其畏避况圓首方趾土居火食者而能不知天呼由是而言之則耕田鑿井忘帝力者豈足道哉豚蹄壺漿禱天時者又何鄙也仁聖帝者鄉人以邊兵沆息歲事小成父子兄弟得相與環首而食其力所以答不言之德邀無妄之福之所建也粵若大河右轉函關北走漢內史之譎俗秦大荔之封域龍興虎視自當表以華終土厚水深不獨流其汾滄其形勝也半秦川之百二其廣衍也吞楚夢之八九實惟通邑會

是與區殖物惟錯居人衆夥揮汗如雨而東作戒期舉袂成帷而日中爲市豈止宛邱擊鼓但縱狂遊叢臺衽服空傳豪奢而已茲廟之始也一言風聞衆心城固於是因讓田得善地庶力悅豫群邨用牡肯堂肯構靡丹靡漆四榮厥朗以宮環列真陰森而星拱巖巖然阻絕澗而岑寂肅肅然依解原而洞深爾乃穀旣登年告有班白之老挈提而至錡釜有踐蘋蘩在羞無飾詞無矯舉惟穰是報惟寧是祈天而弗福神則我欺率是道也與夫禮大樂節之煩數百三非鬼之誚黷固不倫矣廟旣成縣大夫以予號文章進取悉狀庶民經始勿亟之蹟求爲記述且南門非命不載春秋之文荆楚舊風寧忘歲時之記摛之文爲揭之石刻吾與點也人何間然尚觀邑中遺老職北時於漢儀鄉校彙備缺六字時崇寧二年



The following table shows the results of the experiments conducted on the 15th of June, 1900. The first column gives the number of the experiment, the second column the time taken for the reaction to take place, and the third column the amount of gas evolved. The fourth column gives the temperature of the reaction mixture at the end of the reaction, and the fifth column the pressure of the gas evolved.

Experiment No.	Time taken for reaction to take place (min.)	Amount of gas evolved (c.c.)	Temperature of reaction mixture at end of reaction (°C.)	Pressure of gas evolved (atm.)
1	10	10	20	1.0
2	15	15	25	1.0
3	20	20	30	1.0
4	25	25	35	1.0
5	30	30	40	1.0
6	35	35	45	1.0
7	40	40	50	1.0
8	45	45	55	1.0
9	50	50	60	1.0
10	55	55	65	1.0
11	60	60	70	1.0
12	65	65	75	1.0
13	70	70	80	1.0
14	75	75	85	1.0
15	80	80	90	1.0

澄城縣志

卷七  
九十八

地 170.149  
34  
2010 12

廟屬七下

陽湖漢亮吉孫星衍同撰

金岱嶽廟在北郭門外金大定二十七年知觀道士呂居仁重修語在鄉貢進士宗有□記

宗有□重修岱嶽廟記粵若大極分而爲兩儀兩儀立而生六子本乎天者親上日月星辰麗焉本乎地者親下山川河岳奠焉其類旣分各從祀典於是威在夫東者造化之所起而嶽者神靈之所宅主乎震位爲五方象帝之先□□岱宗乃萬物更代之處距充地之雄勝巨魯邦之□詹太皞領其權勾芒司其令厥德配地於時爲春逾狩者止焉而考功德志道者登焉而小天下□有□天壽回三千餘里是謂三宮

澄城縣志卷七

廟屬七下

空洞之□□記所載不可誣也故日月所照霜露所墜之域凡有□□則秉彜好德之倫莫不崇飭廟像歲時祀□□所以戴天齊之作□日來之佑也同州澄城縣襟商顏帶漆沮控上秦走蒲坂爰當要路是爲劇邑於稽古迹則有隋文帝魏立成之曹莊驗以澤民則有鄭楚相呂大防之遺愛沃野四闢居民萬室教□□徵家給人足祀廟之奉詎可闕焉古徵之北有岱嶽廟自我馬生郊之後豎震風凌雨之餘歲月寢遠敵壞滋甚知廟道士呂居仁微妙兩觀願言一啟以謂人者神之所依神者人之所事若坐視其廢而不爲興起雖然神罔時怨柰何日鑿在茲况生乎由是死乎由是衆因儼悟感願悅隨翌且遂與邑中耆老度其鮮原揆之以日鳩其□□衆材闢宏基構廣廈經始勿亟迄用有成于以感崇朝

徧雨之雲于以肅在廟賦春之舉慈見門墻山口庭中水絮  
畫棟虹橫瑤階肪截上通雲漢碧差萬瓦之鱗前直郭門  
蔭兩街之樾霞升氣接河汾遠日出冷連條華高聳  
之觀是曰嘉寧之殿一到則俯仰於爭境之中逍遙於塵  
之外香火之緣自起名利之心遽盡又何必大寓言之與  
可並秋毫小遊說之士謂不□□者哉廟既成弟子王  
一以其師營造之勤求爲紀述愚卽□其森然如絕澗志松  
湛然如清溪之水誠羽士之侯範爲教門之領袖卽此勝緣  
諒非矯舉因毛元銳以塞所請庶使□□道□神遊長揖稷  
丘公鄉校羣儒□侑更新韓吏部大定二十七年歲次丁未  
惟一□乙巳朏越四日戊申鄉貢進士宗有□記

國朝順治四年知縣姚欽明重修

澤州府志卷七

府屬下

二

金師節婦祠在縣南雷莊村元以前典祀今祠祀俱廢其遺址  
存焉

金主簿趙公祠在岱嶽廟內大定十一年建有德政碑撰人名  
闕祠今廢

失名縣尉趙公德政碑昔漢置長安城中置四部尉掌捕盜  
賊至隋唐郡縣各置尉一員俾分判民務則尉職之設也其  
從遠來矣我國家城邑星分綦布雖極要荒之邑必使一視  
同仁則其爲縣邑親民之職者不獨責成於長貳推尉亦然  
然其間尉之稱職揚名者曷其鮮也豈其皆長貳之能而不  
顯尉之能耶若然則譽著於南昌威宣于北部惠歸於武陟  
文絕於鄆縣僕尉以言大見警長史以子孫相託古史豈溢  
美乎蓋一有治效之及民者皆可紀也竊惟漢唐之有天下

年世不得不謂之遠城邑不得不謂之廣而府之以爲於當  
時垂名於後世者僅此數人亦不過有一能耳言謂不難不  
其然乎若乃有古人之遺風得今人之全德則我昭信趙公  
之於澄城也公諱規字君摸中郡安次人也其先累葉積德  
皆稱賢明語其品秩則兼萬石之崇較其門閥則冠五侯之  
甲慶遺後裔繼出偉人公少好學問博通經史工草隸善詞  
章精神明秀風度凝遠不茹不比遠邁於前人所畏可愛克  
紹於先烈其特立英果之氣蓋出天資遠大白期志爲時用  
旣以蔭補內祇出職於前年冬奉命來尉是縣視事日  
首引滯訟聽詞察色悉得其情約一時項決遣□□人服其  
精緻乘閒則出阡陌召耆老而告之曰□□□莫大於農  
要農之務唯勤是先闢上擊壤寒耕暑耘勉力田然後困  
庾實而衣食足古人謂勤則敏益一鍾不勤損亦如之天之  
報施滅裂因人以爲限假令量入以爲出又有嫁娶賓客疾  
病死葬人所不免者用度又不貲奈何耽酒縱飲博奕自供  
一日之歡其貽數口之憂墮農已甚難道典刑皆謝曰仁人  
之言其利溥哉敢不拜賜比來雨暘不時饑饉薦臻家無儲  
石之儲人起流離之嘆公乃集士民款論之曰天災流行觸  
地則皆然苟去此而取彼跋涉險阻慘悽籓籬之下祇自若  
耳何補於事竊嘗計之富家多一剝聚歛以興怨貧民日削  
月朘多不粒食與怨則招憂不粒食則羣起而自救盜賊之  
生發於肘腋可不畏耶且天道惡盈而好謙人知損有餘而  
補不足時乃天道當其物成收歛執券契以責其所有如探  
囊中物是謂以新易陳又舉倍稱之息得歛散之權成相養

之道也計無便於此者有司將不疲而力役矣不惟而微呼  
矣不督而造懸宿負矣人知復有生意皆雜拜曰生我者父  
母也今蒙一言活我於漂泊垂亡之中猶父母也愚民第上  
而進父母乎將何所向而入矣其爲工匠當應造役有不能  
自給者則出已財以津遣有娶婦者始從衆轉徙流寓他鄉  
家無有問者已四世紀及歸省其塋墓但見平田曠野不復  
壟樹則告於有司有司殊不加恤雖遣官屢詣其所終不得  
實其婦孤貧恨無以雪籲天而已抱屈累年幸公清直明敏  
婦復伸訴公覽之得其冤狀下令期於所爭地引數騎直抵  
其處其老婦亦迷亡其丘塚之所在公乃取山川之形狀以  
其可葬地命丞徒運畚鍤出土壤約一丈二尺廣狹倍之因  
得其宅兆田主叩頭伏罪流血公命博丘塚植樹林則以垣  
墻而貨遺之橫山賊有號渠魁者久爲人患公曰賊寇爲人  
之患不爲不大良善遭寇之侵不爲不苦當力掃除以安良  
民於是分布弓兵潛匿於林谷間出不意賊其巢穴一舉生  
擒之長徽係頸凱還以獻俘自是黨與散去境內晏然余丁  
羨卒覲覲牒牘以干使令者皆叱逐而弗用潛奸隱匿浮沉  
遠近以肆毒螫者皆發摘而無餘豪宗俠族之家畏威而莫  
敢犯舞文弄法之吏率皆不能欺爲之屏息以至公府不時  
之速務非理強明之譴問人皆戰汗不知所措公獨從容以  
辯以別卒歸諸正非胥中所養至大至剛者孰能如此哉公  
面目嚴冷未嘗以色假人望之嚴然若神明然言語落落皆  
可法則尤便騎射武刀絕人人皆其明禮樂而教詩書比之  
邵毅者可用之將曰虛語也凡聽訟必盡兩辭徐以理察

之如得其□□□以本法入無怨言奸民滑吏皆欲手□之  
事□□□已誤觸憲網者往往於閭責以改行□新以□□  
而不虛每歲冬月軍人以戎馬牧於郊□□□□死者則  
強擲地分以均陪民恒患之官□坐□□□敢道至公即不  
然乃慨然曰不惟殺掠我元□□今歲冬早宿麥半死若繼  
令牧放則甚傷農□□□□矢則國計何自而出乎因下  
嚴行禁約仍□文□□之主者其寨主雖粗暴武人聞風而服  
公之剛正乃戒其軍曰慎賢對也不可犯之自是牧□不放  
侵境民絕其害父老奉奉稱頌德美奔告於下走云勸課農  
桑使敏於樹藝安集疲氓使免於流亡明足以察奸慝義足  
以恤貧乏威足以懾強梁勇足以破梟賊禁斷浮丁之目割  
除蓬波之名杜舉請託之門阻絕奸邪之路行一尉而衆善  
萃於躬於是萬口一辭而告之曰吾儕□□雖口頌而心記  
恐不足以傳子癸况惻然乎願立祠塑像紀功金石以傳不  
朽公聞正色讓之曰念□才識淺薄爲一尉職况遇連年  
旱暵民幾失業蓋治有所失其過非鮮安敢將此政治以傳  
永久乎誠非□善實爲長惡即榜禁罷去其縣境之民輒集  
歡□□愈嚴而莫之止□□□□□□□□□□□□□□  
□□而不知不智□知而不傳不仁也仁知周公未之□也  
况僕剪剪者何足以□□則春秋聖人之旨也嗟□在焉竊  
嘗觀其□味其餘瀝□□□□□□□□□□□□□□以  
詩大定十一年二月二十八日□其詩曰南山信美兮叢壑  
瑜藜蘆□□兮□游且爲國得主兮百無虞威行草木兮肅  
方隅□□□□□□□□□□□□□□兮望天都先聲入境兮



心代德資燭物兮結禱禱歎呼澆路兮歌□□□遠  
涉兮畏塗脯喚起老農兮溺與沮墾岡烟□兮□□□  
□□兮□□□□□□□□□□□□□□□□□□  
年竟忿兮一日據冥冥腐□兮□□□□□□□□  
出嗟逋寇兮誠魁渠□□□□□□□□□□□□  
於風威迅激兮達□盧赤手擊搏兮□於菟軒然一笑兮粹  
以俘□□□□□兮如隸奴老□□□□敢詐狙浮丁遠□兮  
□□□□□□□兮□□□□□□□□□□□□□□  
兮著芳譽安□□□□□□□□□□□□□□□□  
記兮永不枯

亮吉按舊志云此于岱嶽廟中得碑首隨復搜抉于藜莽瓦  
礫間合而摩錄殊多缺字又失姓氏今考碑云縣尉而舊志  
云主簿趙公祠疑舊志誤也

金主簿李公祠在魏鄭公祠內大定二十三年建有韓城進士  
王山甫撰去思碑立祠南門外今祠廢

王山甫主簿李公去思碑昔東西兩京垂四百年守令號爲  
循吏者不爲不多然其卓然著見於後世者惟龔黃卓魯數  
人斯蓋被天子命典城牧民禁奸舉善興學勸農而一出於  
已故能成名然而由縣佐得聲者止一仇香豈非權在已者  
易爲功事因人者難爲力哉否則何其得聲之難也如此自  
魏晉而降逮及本朝而能度越仇香者卽吾奉訓李公其人  
也公諱完字道全朔州馬邑人也性識穎悟日記千言甫八  
歲中神童科總角隸進士旣冠調石州司候正直剛毅不畏  
強禦石守王夢徵每憚伏焉後授澄城主簿下車之後振舉

縣城以前弊先是縣以囊橐大姓通行賄賂趨避修飾  
民無所控訴公諭之以仁明教之以正理使人革心不敢  
誰雖被刑肯莫不服其辜由是上恬下熙則用殷富乃興  
學校崇尚儒雅時縣學獨一宣聖殿公增大其規模庶齋  
煥然一新平居撫民以恩使民以信德政薰濃散為和氣之  
浹洽自是風淳俗厚政簡訟稀日與士大夫飲酒賦詩以萬  
戶之繁劇治之猶一家然大定癸卯春朝廷遣使察丞簿中  
有政迹者擢縣令公奉勅改授忻州定襄令既去闔縣士民  
劉玠等各出家貲立洞南門之外樹碑紀實以示去思之意  
命僕爲文因採民聲以歌之歌曰彼美古徵兮丹旆之  
井  
邑萬戶兮勸于務農時有強暴兮恃財之豐趨媚官僚兮賄  
賂通□□□□□兮□□□□幸遭我公兮儒者之宗來佐  
是邑兮協民于中抑強扶弱兮請謁不通化惡爲善兮人皆  
一  
檢躬星士訪問兮誰或蔽蒙歌咏德政兮萬口一同茂實英  
一  
聲兮達于天聰璽書嘉勉兮百里是封舍我云邁兮指之河  
一  
東民懷去思兮將安用情伐石紀德兮□□□□□□□  
一  
兮血食無窮乃心景仰兮不渝始終大定二十三年閏十二  
一  
月晦日立石

金縣令艾公祠在魏鄭公祠東承安四年建有縣人孫鎮遺愛  
碑祠今廢

孫鎮艾公遺愛碑郡守縣令民之師帥守非人則千里之民  
受其弊令非人則百里之民罹其殃山斯言之今之縣古百  
里之國今之令古百里國之諸侯屬當是任顧不重哉同州  
澄城縣漢唐三輔之屬也一沃而民殷事叢而業鉅自虞秦

武德定天下遊東其人宰是邑者往往皆碩德偉器  
于職寬而能斷嚴而不苛申明條約檢束得吏待僚屬以禮  
一舉廢修葺縣署次第一新之至於佛剎道觀無不增飭  
其修學校治齋舍擇里中賢子弟教育作成之俱有規式縣  
之西郊舊有唐相魏鄭國文貞公祠堂湫隘卑陋神像毀裂  
僕以謂前代諫臣無能出其右者而習弊乃如此諸而擇諸  
爽塏得善地於郭之南國民心所欲而遷焉是年之冬天子  
遣信使大比天下戶籍邑中里胥迫于限促其間不勝差玄  
侯以新舊籍參校租稅丁黃一皆刪定人服其公平無敢譁  
者自侯到任之後每風雨愆期以香火詣佛圖澄洗腸泉默  
爲民禱雖左右莫知也旣而三日之內輒獲感應是致闔境  
之內不旱曠者三年而亦無風雹之災前主簿馬丙亨甫業  
已受代而遽告逝遺孤女六人皆長成而未聘也一孫雖甫  
及成人而未娶僕哀其孤貧皆爲擇良配而婚之其娶得釋  
重累而還于鄉里百姓避之以爲復見古人焉往來客宦有  
貧乏不能自振者皆爲之窮濟其輕財重義好施以周人之  
急類如此及其秩滿而歸也民惜其去遮馬首于路而不得  
行至有涕之無從者其旣去也百姓蘇居仁等思其遺愛皆  
以爲古之循吏有去思者有生爲立祠者自今觀之我侯何  
愧焉於是共爲置廟于文貞公廟之東使邑人春秋瞻拜而  
奉之侯次與人諱元老字長卿家世貴顯以父蔭入仕俾力

于階征之任積官今爲定遠大將軍嗚呼侯之于僕有三  
年之舊知其爲人最能得其詳及予來官馮翊嘗詢其政跡  
而稱不容口於是據其善狀喜而書之于石以告來者承安  
四年十月望日立石

明知縣楊公祠在魏鄭公祠迤南東向祠屋一楹中肖公像四  
壁磚甃斧鑿不可破足以驗人心愛公之至歷年旣久棟撓瓦  
落四壁屹然獨存有教諭叙南李康楊公政績記今祠廢

楊公政績記正統二年丁巳交趾楊季琦蒙 恩擢知澄城

事覩其凡百廢墜弗稱神棲民失瞻仰仍於錢穀牒訟之暇  
謀諸僚佐入諸僉同著龜協吉捐俸貲集羨餘命工掄材修  
補廢陞越明年戊午政事廳成重民事也又明年己未大成  
殿成尊先聖也庚申壬戌風雲雷雨社稷壇成重神明也矣

亥布按分司成明倫堂成縣倉預備四倉成甲子道觀僧寺  
成二郎廟關王廟成凡其奉神之宮接官治民之處師儒齋  
宿庖廩之所吏胥廨宇舖舍之備計屋四百六楹苟完矣以  
其事務繁冗未遑紀載慮其久遠無徵畧舉各年所成之跡  
一刻石以俟同志君子尙有考焉正統十一年三月望日儒學  
教諭叙南李康撰記

明延恩祠舊志潼關兵備道張諭祠也在預備倉之東北向正  
德八年知縣韓齊建祠三楹中肖公像傍肖指揮張潛關健像  
侍立焉語在知縣河東劉一申記

劉一申張公延恩祠記予家蒲坂距澄城僅里雖異省而聲  
跡常相聞若往年兵憲張公平寇英烈蓋已聞其榮而竊慕  
之及承乏茲土之八登崇禎而後又獲其詳也統是寇酋

午換妖術自山西入陝城賊有年其徒若洛川郡進藤  
寇數千謀不軌初據虎兒溝麻線嶺剽掠縱橫建旗幟制  
一和諸兵刃妄稱天王以白爲號遠近翕應勢遂猖獗正德壬  
申十月丁卯延安衛指揮陳政率衆往緝遇寇死焉戎馬器  
其反資其用寇自以神助明日擁衆階洛川城脅縣令妻子  
殺之寇勢益熾流言自澄郃白水韓城諸路先據陝藩聞者  
震十一月辛未朔寇漸逼澄城居民逃徙奔命有立斃者  
一君令韓齊教諭劉佑討恐不支甲戌告援潼關兵憲張公卽  
日發指揮張潛關鍵先道丁丑發指揮彭松張良臣尾而應  
之各部官軍總五百其整備芻糧計料應候則同州知府王  
良弼同知李曜戊寅公率師直蒞澄城張潛等分次白水諸  
路各要隘俱有伏兵寇知澄之有備也卽夜山黃龍山移營  
據白水彭衙寨震撼自若張潛關鍵彭松由白水兩路執公  
令旗招喻不下乃與之角斬寇首七會大風作潛與健暨百  
戶王珍死之寇復彭松壘急風益大各收兵松馳壯士報  
公未及至時公已進兵次王莊鎮去寨幾五十里矣夜半忽  
下令命士馬盡飽食整隊亟進不知者謂公進之無故頃焉  
壯士至人殊異之公其言得於風候耶其間有聞不利者相  
對頗失色公始泣下旋即奮然自誓以委身決敵且以死忠  
論衆衆皆感且懼踴躍向赴侵晨臨寨相寇壘四空分兵環  
守自屯營於黃龍山之隅望寇寨猶在腹裏衆危之公先驅  
衆連發矢中二酋諸將士發矢如雨寇健敵不衰公命砲手  
梁鎗砲十餘種掩於士馬尾忽開營並發火而飛矢隨之寇  
中傷者無算死者自焚公曰寇已破矣

出矣迺擗奇兵四百人伏於西北岡。是夜分月色皎然。寇  
累自空踴出直衝我公命連發砲諸路將士齊至而岡下伏  
兵自寇尾擣之寇大潰公倡衆邀擊之厥明擒殺過半復整招  
旗戒妄殺降者二百有奇斬首百四十有奇擒獲百四十有  
奇旗幟冠袍器械妖書不可數計。初日會師凡餘孽醜類積  
次斬獲殆盡自是民得息烽就生。侯公凱旋羅拜道左咸曰  
吾今復見天日公之功也公蹙然曰爲民上者弗能先事與  
變俾赤子弄兵延及良民橫羅鋒鏑而不得以天年終者方  
自引咎尙何以功爲衆感泣明年癸酉邑耆老趙旺石秉常  
田錦石仲張倉等謀曰張公於澄人有再造之功而不自處  
眞吾父母也義不可忘願祠而祀之遂相率殫力規祠卜邑  
之西南隅講堂三楹中肖公像外設門券扁曰延恩祠告成  
既久衆恐磨滅而不傳復懇乞予以記予憐以官屬或襲奉  
諛之請衆不悅曰張公遠去我侯久歷茲土吾民所以追慕  
懷思於張公者信非侯莫能悉也予辭不獲已予雖不識公  
嘗遊京師得公之大較矣公名論字汝誠號西盤順天平谷  
人登宏治己未進士初授戶部主事繼改刑部員外郎郎中  
當路以公才行特著推改監察御史出按山西風憲赫然尋  
陞大僕少卿進都察院右僉都御史巡撫山西大同府秉道  
嫉邪大著安攘之績後以猜忌謫泗州守去之日軍民遮留  
者甚懇及泗時會流賊猖亂公督兵截殺地方多賴保全被  
有去思之碑可攷也今轉潼關再活關中萬命所謂志士仁  
人捨身消患而不自以爲功者也於戲張公之不居功也其  
善仁民庶之不忘德也其言義上皆能仁則何至於致寇下

若知義則何至於為寇繼今官僚士庶悉安其分而歸於仁  
義焉則澄城為善俗樂上矣子故書其美以勸因為銘銘曰  
妖之虐民之填撲之過澤之漉厥寢斯作厥功永焯正德十  
一年春三月吉朔壬午建石

明進思祠舊志知縣徐效賢祠也在預備倉門西北向嘉靖庚  
戌秋知縣敖佐奉檄建祠三楹中肖公像語在南京戶部員外  
吳橋李懿記

李懿徐公進思祠記惟王建國設官各有分職以為民極縣  
令之職掌縣治以守縣地親縣民任至重也凡縣令生有遺  
愛沒有遺靈者法並得祀澄城為馮翊屬邑自古稱難治嘉  
靖乙丑秋江津徐公教賢以才舉子知縣事不三年境內肅  
然稱治迺天不憖遺以己酉歲六月卒於官於時士哭于庭

民哭于野如失慈母然既期父老百餘人錄公治行刻諸牘  
以祠祀請燧改情移哀痛如新嗚呼公何修而得此哉蓋封  
南國之棠者思召伯之政泣岷山之碑者追叔子之德民之  
請祠公之德政來之也稽諸牘謂其廉而慎也寬而肅也簡  
省而賦均威行而愛立也土彬彬而民于于也祀典曰而  
樂日以興也作偽者遠而奸慝無所容也熙然如萬物在春  
風中而一草一木皆有生意怡然如江湖波靜而纖鱗巨介  
各安其所公生而澤民如此誠所謂盛德必百世祀者哉父  
老述公未卒之前兩月嘗問人曰吾生為縣令不負於民死  
必為城隍何負於我卒之夕人果夢公峨冠緋袍入廟侍衛  
森然階下羅數十人如刑獄考訊之狀嗚呼公生而正直沒  
而靈神理所必有安知他日不能驚動禍福人哉昔桐鄉之

上水邑親之也羅池之祀柳子厚神之也今澄人祀公於二  
我實兼之先是預備倉有隙地公鑿非以利民汲今之祠適  
奠其中民飲公德殆源源不竭乎時知縣敖佐主簿王致中  
咸有志於公者工藝並程規緒用緝尋復以祠記請始余領  
鄉薦公實與進焉義不可以避嫌謝敬屬管城子紀之夫彰  
善者陳軌振德者廣訓則斯祠也又將以風有位焉茲今之  
意也詩之教也春秋之法也君子幸母曰私哉嘉靖二十九  
年歲次庚戌冬十月穀旦立石

明知縣史公祠在西門外文昌廟東建祠三楹有去思碑今失  
明知縣王公生祠在縣治門左有生祠碑今失

明忠烈祠舊志主簿李可受生員党嘉璠韓繼武宋捷報杜其  
意王之章祠也崇正七年混天星破城主簿蹈火党嘉璠手刃

澄城縣志卷七 廟祠

七

妻妾自刎韓繼武以給諫子為賊所推戴殺不上馬馬賊被刺  
其餘皆罵賊不屈死知縣傅應鳳甲請奉檄祠于文昌祠左應  
鳳作記未闕人縣志之死難生員党振纓景運輒附寄此  
明李烈婦祠在縣北過家庄奉勅建祠因國破家亡未就

國朝姓公生祠祀知縣姚欽明在縣治前左西向建祠三楹有  
坊蒲城庶吉士常若柱撰碑記未見縣人杜房路世美又有姚  
公循良善政及申除荒糧碑記

杜房姚公善政記古徵叢函也秦郡譚荆疲者必首屈指  
焉噫城復于墮田有茂草賦繁民逋文黜武弛幾不可為矣  
揆厥所繇前此守土者率皆以丁當目前為賢經畫諷劑置  
之不講故爾丁亥大昌月西表姚老父母知敬邑甫下車  
即與二三父老商確時事有病民者一切革去苟可以嘉惠



元元者罔不次第舉行其大者若招流移以復故業清兼并  
以祛侵漁懲宿蠹以恤民脂修廢志以釐贖典章章著矣而  
且葺黷宮開水道風氣萃也賑饑寒復月考禮樂興也保甲  
申而鄉約飭嘯聚以息械具備而較藝時神威以震強燮克  
而讞決明覆盆以啟鴻功駿烈更僕難數實心實政居可知  
矣古者朞年服政三年然後政成今茲未兩禋詢厥民曰膏  
雨可樂也詢厥土曰我撲大行也詢厥行路曰百有餘年全  
活我撫摩我厥志有也故當道移檄旌之者旁午想 聖天  
子大計吏時已識公名書御屏矣夫上下交孚華實並茂偉  
哉公績翼黃血下奚讓焉邑人士沐公深仁厚澤慮不能久  
借于澄有爲公圖像俎豆者有爲公建祠尸祝者又有爲公  
醵金勒石者篤誠懇至真若嬰兒子戀慈母房不覺喟然嘆  
曰孔子矣代大聖也子產亦春秋良吏也且得民難如彼然  
者公營何術乃獲此哉蓋公江南豪士關西循牧其宅心甚  
敬若白日其禮躬也蠲如水壺故其見諸政事家視國子視  
民才與誠合而輻輳皆辦兼擅其美乃能致荒城生春九邑  
覃化萬瘡頓起百務改觀也是宜澄之民瞻依公祐冒公竊  
竊焉爭配享名宦之間公真古之吏民爲古之民哉時余叨  
訓隴右客自東來皆一口頌公治行爲三秦第一房被公愛  
渥知公又深故記其善政如此雖然房非私阿公也蓋美則  
愛愛則傳矣順治六年正月吉日記

路世美姚公申除荒糧記

國家經野則壤而闢賦率有成額故歲有豐歉而額無損益  
官有廉墨而課無增減輓近以來有司束於功令黔黎疲於

征緡繭絲者奏最額保障者若下考第幾等道不流亡則盜  
一賊 國家欲久安長治道何繇哉吾激延袤百里強半皆山  
谷也土瘠賦重逋負疲累所從來矣隆萬以前時和年豐多  
有朝餽蒲坂負米而來者開苗佃種土著猶苦荒多天啟以  
後兵燹頻仍闔閭凋耗雖神臯與區尙嗟黃茂况瘠土窮鄉  
一乎四遠之民望澄以爲苦海始無復有承糧佃種者矣以故  
一官此上而得給繇考滿者三百年來未可一二指數甚且有  
一急征激變□□傷生者覆庫踵繼□成盜媒而徵發則會又  
一無寧日一不應而鞭朴之□竿之地大不理賴尾難支其不  
一挺而走險何竣哉然又從而議緝捕議勦滅此如起虺羸者  
一不以粥糜□護其本源而以苦硝大黃劫之不惟不能已病  
一且有立斃已耳今澄疍羸極矣惜未有悉病根而指陳之者  
金陵姚侯于順治四年來瀆殘邑甫下車見城中滿日瓦礫  
間無人烟且四野蓬蒿于稻者舉趾無所泣對父老曰今天  
下兵燹久矣不意澄民一至于此本剝而求木之茂源涸而  
求流之長萬不能得□是虛心下問體悉焦思備述致盜情  
由與夫拋荒之故慨然爲民請命痛哭流涕真如賈傳當年  
請 上臺咸許其先識遠慮而四野呻吟之輩無不感激泣  
下者余固知侯不爲繭絲矣因求昔人所以保障之實不過  
曰減戶數而已蓋戶數減則國課實一天應公家之征求餘  
夫營私家之侈食生理既厚感戴益深惟恐上之人一旦舍  
我去而他人來不可恤也□遇國家有難竭力以衛上捐軀  
以拒敵凡可以爲□家保障者何所不用其極焉我侯前此  
審編既□死亡戶數今又履畝申除荒蕪田糧此正所爲良

治木之法賢侯保障之實也釋子民無窮之累收□家得  
之功庶几哉予□循良可比魯恭卓茂其

垂永賴萬民異有同心焉其他奇猷□□□德政諸記中

候□□□字四表江南江寧□□□五年□□□日記

玉皇閣在北郭門外迤西崇壽宮後

后土廟在郭門外迤西

韓山奕應侯廟一在南郭門外東南隅知縣姚欽明重修一在

北郭村

浮澤帝廟一在縣西義合村一在縣南雷莊村

高山神廟在縣北三十里舊志云世傳村東有河引水成潭中

有巨蛇時出傷殘行人幾斷神乃盪除一方獲安因爲立廟祀

之凡民間瘡疾者多禱焉語在縣進士許英記又有貢生杜芊

記俱未見

文昌祠在崇壽宮右明洪武二十一年重修前鄉進士楊建中

記萬歷四十八年知縣姚祥昌改移西關舊文廟所天啟間知

縣毛丹鳳加春秋二器

國朝順治五年知縣姚欽明重修雍正四年張雲鶚別建祠于

先師廟之左乾隆四十七年知縣戴治以祠卑陋與教諭楊伯

魯訓導遷及合縣士民損貲別建樓閣

奎星樓在城上巽方乾隆四十七年改移

龍王廟一在縣東郭外一在縣西南淤頭兩岸其地洛水經焉

兩崖壁並水自高岸濟下狀如瀑布下有潭洞然深黑常有雲

氣能致雨明正統中知縣楊季琦禱雨有感樹碑廟中語在教

諭叙南李康記

風伯廟在風洞前每烈風作官具牲醴詣廟祭之風伯息明安  
治中知縣楊泰重修

八蜡廟在雷莊村

三娘子廟在陰泉之上舊志云其詳無考

天王神祠在城西北樓舊志不錄今據王用傑記列

王用傑城西北樓創建天王神像記按唐史安西蕃叛朝廷  
憂之異僧不空建言於朝以爲可使天兵禦賊越數日安西  
報至塵戰時見昆沙門天王像口賦惶懼解云悔罪因命有  
司建廟設像□□□□故無此神余之肖像也以玄武旣  
比而設也按內典神住西域瞿薩國與瞻部有緣獨揭勝幢  
暨伽婁援修羅怒折蓮柄狂搜藕絲多問爲方便救護之門  
立於西北非妄也且玄武旣移之坎位而神之威靈保衛見

澄城縣志卷之七

七

之形管肖像祠之更非妄也方賊之殷也廟旣構像旣飭而  
實於其中振漏鼓焉籌刻分明而窺城者之心遁矣余首捐  
俸若干金共守此城者若□□□□各捐貲贄成後於  
六年三月中土寇復擾城賴今令姚侯卽其巢馘之人莫不  
曰侯之明威孔赫爲百姓禦災捍患而亦有以香楮禱神祝  
釐者則神人胥慶矣余自爲之記嘉姚侯也亦以見神道設  
教其方不遠云侯諱明欽字因表江寧人順治六年五月記  
真武神祠在城北樓舊志不錄今據王用傑記列入

王用傑重建城北樓移玄武神像記凡興役不關民禮雖大  
不書豈茲樓櫓廢於兵燹瓦礫不存矣五經殘破官此者視  
爲風濤苦海何暇議復余復建自順治三年秋冬誠事而內  
肖玄武神像非翫也先是神位於城西北隅按神爲黃帝孫

慈昌之裔鼎成龍至去而上仙與黃帝事顯同司天下河府之陰皂旗懸輪斗劍以驅妖魅又按口式之書神司水主盜今以坎位移之乾方以水生金得旺相氣而南臨周道宜茲邑盜氣之不息也獨孤及曰八宮之位正則數不僭神不惑歸之於坎則位正而靈衛主宰不愆沴氣默奪矣余既禦黃張魏賀等盜又誅王孫雷劉等盜其餘若周樊諸人猶可化誨者收其弓馬獻俘編伍痛定思痛乃念是機也其木石工匠之費不越二三十金余自輸之督工者王家勸也民亦勞止汙可小康而余竟以此工致掛彈章今蒙 恩赦二載羈遲未去而劇寇復來擾城新令姚侯卽壘殲之萬姓頌侯之威德而又以爲移神正位之驗卽未可盡信乃其畚築之始末莊嚴之根因實城與民共賴之者余不敢訛散其詞直書

以告後之君子順治六年五月吉日記

精進寺在東郭門外迤南唐肅宗時建浮圖九級元將軍郃陽郭思德過此有詩縣貢生杜芊有重修記

普濟寺在金沙谷上其下有佛圖澄洗腸泉禱雨輒應縣人相與創祠泉上名靈泉寺宋大觀丁亥馮翊久不雪太守郭賢遣使運泉供事之翌日瑞雪應期歲乃大熟太守奏其事于朝天子嘉賞大觀戊子四月錫師以真顯法師之號至己丑又勅賜普濟之名政和壬辰縣人曹景儉作記地頗清幽騷人韻士歲時遊者吟咏日富有鐫詩記縣人張廷用撰

治平寺卽隋文帝避暑宮改後旋廢年代無考

普化寺在縣南鎮基宋熙寧間賜額

聖壽寺在縣西十二畝村宋熙寧間賜額一在歸安村

至德寺在縣南伏龍村宋大觀間賜額

興國寺在縣南白龍村隋文帝敕建歷代重修

壽聖寺在縣南棘子村宋熙寧間賜額

塔福寺在縣北太平村唐建宋金元重修

大愍寺在縣西高槐村金大定間重修

清涼寺在縣東段家河金大定間重修

廻鑿寺在縣南景家河隋文帝避暑廻鑿駐蹕于此寺因以名

暉福寺在縣北北寺村宋大和十二年建

寧國寺在縣北馬店村唐建

雲封寺在縣北平訓村

大雲寺在縣南寺頭鎮

福宗寺在縣西北王莊鎮

澤州府志卷七 廟宇下

九

永興寺在縣西北永內村

青蓮寺在縣南董家河明通判路縱廣施地建

善化寺在王家河

至德寺在縣南伏龍村宋大觀間賜額

容相寺在董家河金大定二十年建

青龍禪院在縣西北四十里洛水之陽

清涼禪院在縣西段莊村南元泰定三年重修明宏治四年又

修縣人進士許英記

大明禪院在縣東北門邨宋延祐間重修熙寧間賜額

大悲禪院在縣南中社村金大定壬申創建趙鼎重修

存留院在縣東南西觀村金大定二年重修進士古舜巖記

廣濟院在縣南南社村金明昌間建

縣文廟在縣東撲地河元至治元年重修一在縣文廟正南順治五年知縣姚欽明因生員路從序舊建一楹闢之為祈嗣地白衣堂在縣南郭外迤西門崇正間舉人路世龍倡建

慧光洞在普濟寺東崖古名金沙谷相傳為石勒時神僧佛圖澄卓錫地因祀之宋政和中道人曹景儉有記迄今傳訛為佛寺嘉靖甲辰寺僧常理法孫崇德始即寺內河東崖磚甃此洞肖有佛圖澄像祀之

羅漢洞在縣東北門邨

碧潭洞在撲地河

雷神洞在縣南窰底邨

三清洞在河家莊

崇壽宮在北郭門外迤西唐建道會司在焉金節度中議太原

澤州縣志卷七 廟宇下

三

郝子玉題崇壽宮觀妙堂一絕

玉泉觀在玉泉之上盤山和楊子李君棲真之所碧水環流芹香縹緲羣峯若拱溪山之勝槩也延祐乙卯其徒純靜太師王承謙重修陝西諸道行御史臺監察御史彭橋潘汝劾記明嘉靖己亥道人李教真修葺

白雲觀在三娘子川

吉祥院在縣西南蘭莊河

修真觀在縣東南二十里殿宇清幽林木蒨蔚相傳漢武帝求仙東遊梁山棲息于此故名代有修葺宏治乙丑居民李泰重修

元明觀在縣北匱谷邨宋建

瑞雲觀在縣北遮路村金明昌間重修


聚仙觀在縣西南蔡家河

三官殿在崇壽宮左西向金大定三年重修額在中山劉樞記

涇城縣志卷之五

三





陽湖洪亮吉孫星衍同撰

陵墓八

夏伯成子高墓在縣東十里西下村冢高丈餘周圍三十步其上古栢森然棘無曲刺墓前有廟碑碣無存

舊志墓前有廟三楹內有袍笏像政和中重修有斷碑今失  
亮吉按伯成子高祠墓俱在澄城疑子高卽此縣人否則辭諸侯而耕于野者或卽在此今將莊子呂氏春秋及淮南王書等所載者附錄于後

莊子天地篇伯成子高立爲諸侯堯授舜舜授禹伯成子高辭爲諸侯而耕禹往見之則耕在野禹趨就下風立而問焉曰昔堯治天下吾子列爲諸侯堯授舜舜授子而吾子辭爲

澄城縣志卷八 陵墓八

諸侯而耕敢問其故何也子高曰昔堯治天下不賞而民勸一不怒而民畏今子賞罰而民且不仁德自此衰刑自此立後一世之亂自此始矣夫子闔行邪無落吾事佗佗乎耕而不驅一呂氏春秋長利篇堯治天下伯成子高立爲諸侯堯授舜堯授禹伯成子高辭諸侯而耕禹往見之則耕在野禹趨就下風而問曰堯理天下吾子立爲諸侯今至子而辭之何也伯成子高曰當堯之時未賞而民勸未罰而民畏民不知怨不知悅愉愉其如赤子今賞罰甚數而民爭利且不服德自此衰利自此作後世之亂自此始矣夫子闔行乎無慮乎農事端一而擾遂不顧

淮南王書記論篇伯成子高辭爲諸侯而耕夫下高之

劉向新序節士篇伯成子高曰昔堯之治天下與天下而

一之他人至無欲也擇賢而與之其位至公也以至無欲至公之行示天下故不賞而民勸不罰而民畏舜亦猶然今君賞一罰而民欲且多私是君之所懷者私也百姓爭端自此始矣德自此衰刑自此繁矣吾不忍見以是處野也今君又何求而見我君行矣無留吾事耕而不顧

### 殷成湯陵

太平御覽引韓詩內傳湯爲天子十三年年百歲而崩葬於一微今扶風微陌是也星衍校書傳云湯陵在濟陰成陽惟韓詩以爲在此其說未知何據或恐誤以亳王號湯者當之耳唐魏氏墓在縣北大賢村相傳魏徵墓俗名海子陵按徵陪葬昭陵此不應復有徵墓或徵之子孫也

通志徵有賜莊于澄城子孫世居焉此墓爲徵子孫之藏無

### 疑

縣志墳中螭首碑數通豪家利其地盡沒之明嘉靖初人證之官有司莫能究也

亮吉按明同州志及舊志皆云徵墓蓋本流傳之誤否則徵子孫既居澄城後或葬徵衣冠于此以便祭掃亦未可定今依通志題爲魏氏墓庶不失實云

宋楊宣撫墓在縣東南三十里

舊志宋楊業之後有碑爲人竊去今其裔世官播州

金師節婦墓在縣南雷莊村墓表一通進士王嘉猷撰今毀惟  
有明昌三年八月原降密符碑一通在焉今亦失

明潘同書友直墓在縣北遮路村東墓田廣五十餘畝縣南鎮  
墓村有友直父墓墓中有勅修碑今沒猶有翁仲存焉明嘉靖

蒙元例修名臣墳墓移機于縣有司以受代而終

明雷御史恭墓在縣西北三十里洛城村或云恭葬成所今正有恭父清墓

舊志有廬陵曾榮所撰墓碑今未見

明韓給諫一良墓在縣南西觀村

舊志一良清貧不能舉後事惟封土而已

明權濟墓在縣西十里段莊社

李夢陽權博施墓表權濟字博施澄城縣人也其墓在縣城西十里段莊社權君蓋有男各三男曰惟均曰惟平曰惟誠監生也女之婿曰雷頂曰許世昌曰楊復性孫九度座生員也廉皮席庇庄慶孫女六女之婿曰李朝相舉人曰文魁曾孫四誥誦訓嘉靖四年許君以知縣陞開封府通判是

時權君歿而葬者三年矣許君見李子請曰嗟舅氏窆銘矣

而墓未表也敢請于執事者李子曰夫表者揚之名而勸之

義也是故表死以勸生表其先以勸後也表之鄉勸鄉也勸

鄉以風國也風國風天下也何也人無有不激之而興者也

故表者揚之名而勸之義也許君曰嗟舅氏厥行足揚之而

足勸之也足以勵生而警後足以式之鄉風之國天下矣敢

以表講於執事者李子曰夫厥行可得聞歟許君曰舅氏稼

穡至孝友體無踰服口鮮過味聚而能散有而不居李子曰

是勤敬儉義人也許君曰舅宗族睦閭黨愛僮僕惠飲必醉

醉不亂名必往往必先來必留留必款李子曰是和易乎實

之倫也表哉許君曰舅嘗授散官矣不冠不帶也曰吾野服

道遠人也嘗賓之鄉飲矣舅之不赴也曰吾何行而賓之鄉

學子聞之乃薄曰是高人也夫自世教之衰也則假衣冠而  
俗者矣不問其不冠不帶也問求實飲以欺時者矣不問其  
實之而不赴也是二者人之高也表哉夫人之好惡未有不  
同者也不揚不激不激不與不與不勸自是權氏子孫不有  
念其先者乎生者不愧於死者乎鄉之人不有慕之而效者  
乎是誰勸之也故曰表死以勸生也表先勸後也表之鄉勸  
鄉也自是風之國風之天下不有勸敬儉義者乎和易平實  
者乎又不有不銜俗不欺時者乎未必非權氏之功也按權  
氏世居澄城趙宋時有爲元帥者傳至權恩恩生亨亨生通  
通生允中允中生士賢士賢生宗仁宗仁生定定生濟也濟  
娶楊氏克相其夫成厥行合葬於斯墓表其大者他見於  
銘志故不表嘉靖八年仲冬十一月吉旦

澄城縣志卷九

劉澗洪亮吉孫星衍同撰

道里風俗九

澄城縣治在同州府北一百里

東至郃陽縣界二十里

西至白水縣界四十里

南至本府界六十里

北至洛川縣界七十里

東南至雙泉鎮朝邑縣界六十里

西南至污泥河蒲城縣界六十里

東北至九郎山韓城縣界九十里

西北至洛川縣界九十里

澄城縣志卷九

縣距西安布政司三百二十里編戶四千里

東至郃陽縣治四十里

東南至朝邑縣治一百里

南至本府治一百里

西至白水治九十里

西南至蒲城縣治九十里

東北至韓城縣治一百二十里

西北至洛川縣治二百二十里

風俗舊志重農事勤女紅儉約朴實拙于服賈民有童而野處  
華頓未識公署者士則悅理義好讀書仕者尚廉介而賤乾沒  
今不盡然凡民率暴悍使氣輕視法令鬪訟避征徭士則志于  
學而處好問婚媾則專論財喪葬則事繁文泥風水轉移化導

之機存乎人矣

戶口賦稅十

明戶口

洪武二十四年戶若干口若干無考

嘉靖三十年軍民雜役戶共九千八百八十內民戶八千七百一  
三軍戶一千二百三十雜役戶五百七十七內力士校尉二十  
四戶各色人匠二百七十八戶馬牛驢夫一百五十戶斗級鋪  
司兵七十戶厨役八戶醫二戶打鋪二戶道人二戶僧人一十  
一戶樂人一十五戶共男婦口七萬四千五百四十六內男口  
五萬四百八女口二萬四千一百三十八口

萬歷開戶共一萬三百三口共七萬六百八十五

國朝戶口順治初除節年兵荒逃亡過半實在戶共一千八百

二十有四口矣考

雍正五年縣册無戶數口共折下下丁四萬一千八百四十七  
除優免逃亡外實在一萬九千一百六十九口永不加賦丁三  
十口

乾隆四十八年縣册實在戶共二萬九千七百五戶男大口七  
萬四千五百一十八口男小口二萬一千五百五十口女大口  
四萬七千七百三十六口女小口一萬四千五百六口共男女  
大小口一十五萬八千三百一十口

明官民田地

洪武二十四年原額地若干頃畝無考

嘉靖三十年總計官民夏秋地五千四百九十三頃一十七畝  
二分 夏地三千一百三十三畝二分內該官地五十七

項六十六畝該民地三千七百三十一項七十六畝二分。秋地二千三百八十九項七十五畝六分內該官地二十七項六十七畝六分九釐該民地二千三百六十二項七畝九分一釐。萬歷間地凡五等共折中地一萬二千五百五十四項六十四畝五分七釐。水地二十一項五十二畝五分。上地一百八十七項四十一畝七分。中地九千七百八十八項一十畝一分。下地一百二十一項九十八畝三分。下下地一百八十四項七十畝九分。

### 國朝官民田地

雍正五年縣冊原額民地五等一萬三百三項七十三畝五分。兩盤五臺除荒並蠲免外實熟地八千六百五十九項七十六畝五分一釐。屯地五項二十三畝四分八釐坐落縣東柳池。郵縣北楊家嶺肖家莊貝坡村長溝村。

### 明田賦

洪武二十四年原額夏秋稅糧共若干無考。

嘉靖三十年總計夏秋稅糧共四萬一千一十八石五斗八升二合七勺五抄一撮。夏稅一萬六千一百一十七石一斗七合八勺八抄四撮。秋糧二萬五千一百四斗七升四合八勺六抄七撮。馬草三萬一千二百五十二束一十兩。農桑一萬五百六十二株。該絲綿三百三十二斤一十四兩。料絹二百九十三匹一丈四尺。棉花地該棉花三十七斤八兩。棉布一百八十二匹七尺二寸。

### 國朝田賦

雍正五年實徵折色糧銀三萬九千九百兩三錢九分一釐二



毫六絲六忽四微三纖一塵三渺又外增孤老和糧額徵銀一百五十一兩九錢七分六釐二毫九絲四忽三微額外停免並軍籍糧銀四百一十三兩七錢二分七釐二絲七忽二微四纖四塵九渺均種銀除蠲免外實徵銀二千二百五十八兩九錢二分八毫八絲一微八纖三塵八渺額外年例盤纏銀一十二兩

乾隆四十八年實徵折色糧銀三萬九千九百一十八兩八錢四分屯地額徵本色粟米一十一石三斗二升八合五抄本色莞豆一十一石三斗二升八合五抄額徵銀四兩六錢二分九釐遇閏加銀一分外增孤老租糧銀一百五十一兩九錢七分六釐額外停免並軍籍糧銀六百三十八兩五錢二分四釐均種除蠲免外銀二千二百五十九兩九錢六分五釐額外年例盤纏銀一十二兩藥味脚價盤纏銀一兩一錢三分四釐

明丁賦

嘉靖二十九年力差銀差總計銀三千二百三十四兩三分三毫五絲力差各項共銀九百二十六兩九錢銀差各項共銀二千三百三兩一錢三分三毫五絲萬歷間力差銀差總計銀五千一百九十五兩九錢五分零力差銀二千五百三十九兩銀差銀二千六百六十六兩九錢五分有零外民壯一百七十六名餉械銀一千五百八十四兩

國朝丁賦

順治初銀力二差共銀六千八百二十二兩三錢二分八釐零力差銀四千一百二十三兩銀差二千六百九十九兩三錢二

分八釐零

雍正五年以糧載丁共均丁銀六千三百四十四兩九錢三分七釐七毫六絲五忽四微一塵一渺合上田賦共起運銀四萬八千三十三兩二錢七分九釐四絲四微八纖七塵二渺八漠遇閏加徵銀二百二十八兩七錢五分五釐四毫六絲六忽七纖八塵五渺存留銀一千三百五十五兩五錢九釐一毫九絲四忽一微七纖三塵八渺二漠遇加徵銀一百一十四兩四分一釐四絲四微九纖九塵四渺

乾隆四十八年以糧載丁共均丁銀六千三百二十兩一錢四分五釐合上田賦共銀四萬九千四百九兩四錢一分五釐遇閏加徵銀三百四十二兩八錢五分起存藥味腳價等項共銀四萬八千八十一兩五釐存留銀一千三百二十八兩四錢一

《海城縣志卷九 戶口賦役》

五

分

明課鈔銀

嘉靖中諸課鈔每歲總計八千三百六十七貫八百九十三文見徵銀二十五兩三分三釐內酒醋課鈔二百六十九貫九百文油課鈔九十六貫水禮課鈔四百七十五貫五百文墻課鈔二百八十九貫五百文官房課鈔一百三十七貫五百七十文商稅課鈔五千六百六貫八百三文門攤課鈔一千二百九十九貫五百一十一文

國朝課鈔銀

雍正五年區價並課程銀共一百六兩八錢三分五釐乾隆四十八年課程地稅銀九十六兩二錢八分二釐當稅銀一百二十五兩共二十五兩五錢乾隆三十年

後增至三十六七兩不等牙稅銀三十五兩五錢八分五釐乾隆十年後增至銀三兩一錢五分每年共銀三十八兩七錢三分

### 明站糧

嘉靖三十年總計夏秋站糧價銀七千一十兩一錢四分四釐八毫視舊站價則增九百一十一兩一錢五分七釐總計夏站價銀三千八兩七錢四分一釐秋站價銀四千八兩四錢三釐八毫

國朝俱改爲地丁糧入戶房總解

驛支 明無考

乾隆四十八年澄城驛額用銀九十九兩二錢七分八釐驛馬三疋每匹日食草料銀七分四釐歲共支銀八十兩一錢九分三分九釐零歲支銀共一十六兩二錢

國朝積貯 明無考

乾隆四十八年常平倉額貯京斗穀四萬九千石見貯麥穀共合京斗穀四萬三千二百二十二石三斗八升八合又自乾隆四十年起至四十五年止共收捐監京斗麥一千三百二十二石五斗折合京斗穀二千六百四十五石合常平穀共四萬五千八百六十七石三斗八升八合八勺較額不足穀三千一百三十二石六斗一升一合二勺


### 土產

食資五穀服資木棉製資石炭器用黑礬 石炭黑礬產墟頭嶺

炭井深三百尺藥稱黃芩蒼朮柴胡防風遠志知母 俱出北山

景色則有蒼紅 出地則  
山雞一名崖鷄山林不深  
志云爾

無虎豹諸同他處者不備錄以上舊



澄城縣志卷十

蘇湖沈亮吉孫星衍全撰

職官十一上

魏澄城郡太守

陸登代人元象初任

魏三門縣都將

薛欽欽常建言改京西二州五郡陸運

唐縣令

敬山松平陽人

賈元敏滄州人

裴旻見張彥遠名畫記

宗義仲南陽人文苑英華永泰間以上柱國遊擊將軍自韓城

澄城縣志卷十

調澄城令有惠政擢監察御史

鄭楚相鄭州滎陽人鄭公德政碑字叔敖爲澄城令用簡成賦  
由平頒役人間歲安風清雲明百姓孫士良等請命朝省貞元  
十一年詔論銘紀功德於其所之南門

亮吉按府志及縣志俱載鄭楚相鄭叔敖爲二人考鄭公德  
政碑始知其誤今改正通志又載叔敖以貞元二年授長安  
尉後乃宰澄城亦可補德政碑之闕

白潛成貞元十四年任

宋知縣事

呂大防藍田人進士嘉祐中任

蘇堯卿元祐壬申以宣德郎知縣事

羣夷道紹聖乙亥年任

王浹汝陽人大觀庚寅年任

周說政和六年以承議郎知縣事

劉商議宣和初任舊志字叔監後官至宰相晴公泉題名刻云  
大丞相劉少逸公昔此一邑遺愛猶存今澤被天下斯石可泐  
而盛德無窮矣

張綱宣和二年以奉議郎知縣事兼兵馬都監創建魏鄭公祠  
祠三即其所作也

金縣令

高德寧明昌二年以廣威將軍行縣令

艾元老大興人陝西通志字長卿承安間任澄城知縣寬而能  
斷嚴而不苛興廢修墜百事具舉前主簿馬炳亨物故遺六女  
一孫甫幼咸擇配而婚之秩滿百姓爲立祠記石

元達魯花赤

哈刺不花渭南人至元間任

禿魯失迷至元二十四年任以進義副尉爲縣達魯花赤  
八刺至元二十八年任

唐兀元祐二年任以進義投尉任

赤尺兒瓦歹陝西通志至正十九年任澄城縣達魯花赤是歲  
夏五月大旱徧禱羣神竟獲甘澍六月終縣南遵教社飛蝗害  
稼公奉幣告奠蝗入隣境歲不爲災

元縣尹

王永忠至元二十四年任以教武校尉任

薛文耀丹陽郡人府志字彥輝前至元二十七年以從仕郎知  
澄城縣事剛方清慎勞績著聞獄空訟簡時和年登嘗捐俸金

以修廟學

郝思仁平陽人府志字德甫元貞元年以徵仕郎知澄城縣事嗜經史重儒術居官任公臨事有決廉而不矯和而不同爲政甚有能聲

張洵樂城人至大二年以徵仕郎任捐俸修儒學韓城教授

彭散竹仄延祐二年以承仕郎任

王嶼至治元年以登仕郎任

宋傑後至元四年任重修城隍廟有記

竇本奉先人舊志字可立竇禹鈞之後至正四年冬以徵仕郎爲澄城縣尹接人以禮御下以寬潔已公勤處士精詳終雲陽同知

樊青至正十六年任

閻海至正十九年任

明知縣

韓莊吳二年任

王秩洪武四年以從事郎任舊志戡吏愛民肇興學校所創修甚多

文蔚永樂九年以承事郎任

楊季琦交趾人舊志舉人正統二年任時聲教未融制度尙缺季琦至定法令布條約輕徭薄賦與民休息建學修城堡壇遺公署百度是舉後陞平府通判祀名宦

趙瑾博興人舉人天順五年任舊志治政剛平終始如一

單彥明新都人舉人

王秉燮重慶人成化初任以御史左遷

崔珽通許人舉人

王敬潞州人舉人

楊剛巴陵人舉人成化十九年任舊志剛方有爲荆杖取二棍合而用之時呼爲雙棍楊末期年卒

楊泰代州人州志舉人宏治初知澄城縣臨民慈惠處事周詳廢墜備舉尤加意學校陞苑馬寺丞縣志又云陞鄖陽府通判擢德州知州終寧夏慶府長史

王臣平定州人舉人

徐政濱州人舊志舉人宏治中知澄城縣明敏莊毅處事皆有紀律教民植桑棗勤耕織暇則親履原野凡陂坡畛隰率民修理夜則巡視街坊民之勤職業者且卽以所業勞之案無留牘

澄城縣志卷十

職官上

四

獄無宿囚後歷陞山西僉事致仕歸值流賊陷濱州樹標于門曰此清吏也秋毫無所犯

秦銘趙州人例貢生

侯璽長子人舉人正德初任舊志稱嚴明剛斷教農課士人始畏而終慕之

韓齊山東青州人舊志舉人任澄城知縣時妖賊李午擁衆陷洛川脅縣令妻子殺之屯兵彭衙漸逼澄城居民奔散齊告援于潼關兵備道張禴卒獲撲滅澄城人德之建延恩祠以齊配禴饗焉

劉一中山西蒲州人舊志正德九年由進士任澄城縣知縣賞明刑當道文武才喜治兵事澄城舊苦盜後畏一中屏息不敢發縣人韓邦靖爲撰嘉禾碑記



李繪寧海人監生正德十二年任舊志稱清慎有為甫五月而卒

孫興河南新蔡人舊志舉人正德末任澄城縣知縣端重耿介節可愛人

孫環安邑人舉人

魏紳應州人舉人正德十六年任舊志稱勇敢明決不畏強禦

郭拱樞高平人舉人

荀玘霍州人舉人嘉靖五年任舊志稱鋤強扶弱境內肅然

史周蒲州人舉人嘉靖六年任舊志稱持身正大不喜逢迎

任續南充人舉人嘉靖八年任舊志稱平易近民

洪廷玉普定衛人舉人嘉靖九年任舊志稱政善民安甚有清節

楊正芳長陽人監生

安明善代州人舉人嘉靖十三年任舊志稱朴實有守事不妄為

張衍祥符人監生

鄭光溥 一作普 山東益都人舊志字伯公進士嘉靖時以御史

左遷澄城縣知縣文章政事皆可師法蒞事未二年新縣治興

學校具有成績擢知華州士民泣送如失慈母云

徐效賢四川江津人舊志字宗義舉人嘉靖中知澄城縣恤民

隱訪求利病簡催科息門訟興學校修武備有古循吏風時人

有今鄭宛如古鄭後徐又似前徐之謔前徐謂政今鄭謂光溥

古鄭謂唐楚相也賢纂成縣志將刊卒于官後敖佐來任取遺

編刻之韓苑洛馬潞田兩君為之序以傳祀名宦

放流滄州人監生嘉靖三十九年任

孫璋新都人舉人嘉靖三十一年任

程尚儒岳池人舉人嘉靖三十二年任

蘇璜堂邑人舉人嘉靖三十五年任舊志稱教士訓民有去後思

楊資乾貴州人舉人

皇甫鍾岳睢州人舉人嘉靖四十四年任舊志稱繕城池定賦

額

陳力猗氏人舉人隆慶四年任舊志稱清正有爲

張士特臨潁人舉人萬曆三年任

王遇春安邑人舉人萬曆中任舊志稱甚有威惠

暢孟樂河津人舉人萬曆五年任

澄城縣志卷十

職官上

六

張四術馬邑人貢士萬曆十五年任

阮和咸臨安人舉人萬曆十七年任

高以夔一本作一夔陳留人舊志舉人萬曆二十一年知澄城

縣精明仁厚善政宜民澄城素苦徭役重累單戶一夔申請條

鞭徭役始均

南邦化安邑人陝西通志進士知澄城始立條鞭法大便里甲

後人被德不衰

亮吉按南邦化府志及縣志職官皆不錄入未知何故又通

志云南高二傳後云立條鞭法豈高令發其端而南令成其

事乎據此則南令在高之後可知今從賈志次于高下

劉有餘真定人進士萬曆二十五年任舊志稱有善政

黃榜蔡江人舊志舉人萬曆二十七年任勤于民事置學田立

義倉又造木牛滾鋤以勸耕當事皆稱其才

史東昌山西蔚州人舊志進士萬曆中知澄城性強毅敢言不畏權勢而拊民不異父子貧民輸賦牛羊花布粒麥之屬皆入親視衡量不任左右有行貨者亦籍而付之故催科不擾嚴冬施孤寡絮衣富族興起義風陞刑部事民立生祠祀之

楊宏謨滋陽人舉人萬曆三十七年任

令狐一伸猗氏人舉人萬曆四十年任

姚祚昌成都人舉人萬曆四十七年任

東璧商城人舉人天啟元年任

毛丹鳳威州人舊志字陽桐貢生天啟三年任澄城知縣愷悌明敏事無疑滯尤重文學陞鎮南州知州

張斗耀蒲州人進士天啟六年任

澄城縣志卷十

七

杜國漸南宮人舊志貢士天啟七年任澄城知縣催征不擾緩急宜民當時稱爲寬平後愈追思

倪承恩宣府人貢士崇正三年任

王選南充人進士崇正四年任舊志稱性嚴正能禁暴緝奸

毛昂霄曲阜人舉人崇正八年任

傅應鳳山陰人舊志字菊菴舉人崇正九年由內鄉調澄城知縣平易近民寬猛合宜遇土有禮十三年饑民倡亂賑贍勸貸勸撫得法陞淮安府同知

徐時勉嘉定人舊志字克勤貢士崇正戊辰知澄城縣性執行果以子嚴子一介一切差發不任左右雖緩引舊額丹筆搖搖不輕下也

國朝知縣

勒榜邠州人。應志貢生。順治二年爲澄城縣知縣。勅政寬平。與民休息。會邵陽魏天命倡亂。勢張甚。三年澄城被寇。榜死之。王用傑。陽城人。舊志貢生。順治三年任澄城知縣。時方被寇。用傑請兵親勦。執賊魁康姬。衛戮之餘。就撫四境。帖然。於是修文廟。復衙署。設施井二可觀。

姚欽。閩江寧人。職官志舊志貢生。順治四年知澄城縣。憤餘孽猖狂。躬冒矢石。削平大寇。幾處境內得安。招集流亡。以荒糧久爲民累。條悉諸弊。申請再三。得邀免。苦客兵防禦。設壯丁代之。善長安陸運申。減折色。修文廟。賑窮寒。雪冤獄。捐俸助貧。士完娶多愛民。實政以縣志久缺。博訪遺聞。敦選積學。成百餘年。曠典今猶傳之。

東士泰。陽人。貢生。順治八年任縣。冊稱甚有治績。

吳定。上海人。貢士。順治十一年任縣。冊稱舊地界無冊。多致爭訟。定丈地。均糧。爲訂魚鱗冊。由是永無侵越。縣人德之。

何清。臨桂人。舉人。康熙三年任。

范昌期。嵐縣人。進士。康熙六年任。

楊乾晉。黃州人。康熙九年任縣。冊按貢生知縣事。廉激嚴正。長于決斷。畫板爲人。僥訟者自賈拘所訟之人。吏皆貧困。至爲人備民納糧。畢卽驅歸田畝。不使人茶酒肆。由是市肆冷寂。獄無停訟。衙中草長尺許。今縣中言良吏者必推公爲首云。

陳石麟。崇仁人。進士。康熙十二年任。

夏疇。高密人。進士。康熙十七年任。

張承哲。正藍旗廕生。康熙二十三年任。舊志本姓惠。澄城人。以父御史公嗣。太原張氏。因古籍爲公。澄城魏里甲。卅心竊疑。

之及公卒任子弟遊歷鄉里至高槐村見墓碑乃知本縣人因  
致祭焉官愷悌甚有惠政

簡廷佐仇陽人舉人由華陰縣署任縣舊里甲懸一差役輕重  
至相信徒公不憚勞瘁均其里甲凡數月乃定縣人至今德之  
李尙隆鑲黃旗人監生康熙三十一年任

徐元灝吳江人進士康熙三十六年任

劉元標大興人歲貢生康熙三十八年任

崔輔鼎正黃旗人舉人康熙四十六年任縣冊稱嚴毅方正

張雲鸞建德人進士雍正二年任縣冊好士愛民政平訟理

劉日福黃陂人進士雍正六年任

蔡豐蓮高陽人歲貢生雍正七年任

董權文鑲黃旗人監生雍正九年署任

澤州縣志

職官上

九

朱文瀨嘉善人雍正十一年任

劉世宏閩中人舉人乾隆元年任

王爾藩山東邱縣人舉人乾隆七年署任

何達善濟源人進士由庚吉士外調乾隆七年署任縣冊稱  
弊發奸豪強屏跡尋陞劍州知州

李喬通江人舉人乾隆八年任縣冊稱實心爲政陞尋甸州知

州

州

梁善長順德人進士乾隆十四年由白水縣署任

文尙秀成都人舉人乾隆十六年任縣冊稱遇事果斷

關邦幹錢唐人舉人乾隆十八年署任

陳啟宗直隸通州人進士縣冊稱刑政不苟

萬以襄南城人例貢生乾隆二十四年署任

高贊敬任邱人舉人縣屬稱明敏果斷擒伏知神

沈繩祖上元人舉人乾隆二十五年署任

梁大端福建人舉人乾隆二十七年署任縣冊稱公勤仁恕民

愛慕之

婁傑大興人舉人乾隆二十九年署任

額樂春鑲黃旗人生員縣冊稱寬厚簡重與民休息創建書院

及闢帝廟又修城垣民愛敬之今宮道南兵備道

吳忠諳太谷人拔貢生乾隆三十二年署任

史傳遠武鄉人進士由高陵縣署任

蔣敷常熟人貢生乾隆四十四年署任

魏成漢由人拔貢生乾隆四十五年署任

載治中江人舉人乾隆三十三年任捐置義園倡修縣志以卓

吳調業安康縣

澄城縣志

卷十一

十三

十二

十四

地

170.149

34

210.23

明湖洪亮吉孫星衍同撰

職官十一下

唐縣丞

房啟河南人

段實長平人天寶中任

岑謂睿宗時任

宋縣丞

張用弼宣和二年任

金縣丞

劉伯仁承安二年任

元縣丞

澄城縣志卷十一 職官下

王剛至正十九年任

明縣丞

鄧申吳二年任

樂韶臨川人洪武初任有遺愛碑

姚宗敬德安人進士洪武中任

趙惟善永樂時任

郭鳳

范鏞

魏鑑舊志起家功曹竊魏鄭公家譜

鄧伯瓊

袁相

劉敬



顏鳳瀘州人

王才佐寧縣人陞知縣

趙濟齊東人

喬琮霍州人

賀宏石州人

王仁石首人吏員

金時用安州人

楊珍掖縣人

孫繼宗德平人吏員

馬第齊東人貢生

潘清涿鹿人監生

呂應鍾

涇城縣志卷十一

張汝梁

張致和蘄州人萬歷中任

胡相合涇人

譚學潯州人

曾寶應

孫訥廣昌人舊志稱耿介不苟

王好儒

馮梯景州人舊志稱雅崇節孝

趙明昌山西人以上皆萬歷中任

王應中湘潭人天啟中任

郭天德柴溝堡人貢士崇正中任

侯之翰獲鹿人拔貢生崇正中任

國朝縣丞

周潤生江寧人順治四年任

王運新邳縣人歲貢生康熙二年任

耿遇春絳州人貢生康熙七年任

黃朝俊隨州人康熙十二年任

許謙錢唐人康熙十四年任

高斌會稽人監生康熙二十四年任

孫達秦州人監生康熙四十三年任

汪漢江夏人歲貢生雍正三年任

黃憲鯉南昌人拔貢生雍正十一年任乾隆四年員裁

唐主簿

李邠隴西人

宋主簿

陳履

宋珣俱宣和中任

金主簿

李完馬邑人八歲中神童科

馬丙亨明昌末任

牛顯仁承安二年任

元主簿

王翰以將仕郎任兼縣尉

蕭世誠至元間任

翟巽皇慶元年任

李仕謙延祐二年任

王訥奉先人

吳惟敬長安人泰定四年任舊志稱持已清正處事公平  
晉永政至元七年以保戒副尉任

胡惟靜至元十九年任

蒙希聖至正十九年以前明德書院山長權澄城主簿

明主簿

衛輯吳二年任

夏安禮洪武三年任舊志稱事神治民善政種種宋學士景濂  
文集有贈廬陵夏安禮序末云安禮常佐澄城知武強赫赫以  
政事聞民交口稱之按此則安禮廬陵人後又知武強縣也

席正

林士奇

郭永昌

樊敬

楊忠

邢正

劉忠

張寧

任和靈石人

郭馨忻州人

李思明東平人

田茂之

郝貫安邑人

張珂鈞州人

賈銓唐縣人

趙周永清人吏員

王致中靜樂人監生

任謙介休人監生

龔橋江都人監生以上皆嘉靖中任

高敏德

唐國用蘭谿人以上萬曆中任

左太宜涇縣人

趙精靈石人以上天啟中任

李可受崇正末任蹈火殉城

衛周允曲沃人崇正中任後員裁

唐縣尉

杜牧萬年人唐書本傳肅宗元年爲北徵尉

張畋全椒人

宋縣尉

神詠塔陽人世衡第三子慶歷初爲澄城尉

鄭琪元祐壬申任

任恩恭大觀二年以將仕郎任

趙光德宣和二年任

吳錫以承節郎兼理酒稅務

党琳以保義郎兼酒稅務

張永錫以修武郎兼市易務兼提當庫以上俱宣和二年任

金縣尉

趙規中都安次人舊志字君模以蔭補官大定間來尉澄城尉

黎景榮安集疲氓察奸懲恤貧乏懼強暴破梟賊杜請託之門  
鄉奸請之路縣人立祠祀

趙揮明昌二年以宣武將軍行澄城縣主騎都尉天水郡開國  
男食邑三百戶

元縣尉

孫恭至正元年任

劉宏遠後至元四年任

保保至正七年任

吳溥至正十年任

元典史

張彬至元二十四年任

張守信至元三十年任

澄城縣志卷十一職官下

郝誠皇慶九年任

苗世傑延祐二年任

任溥文長安人至治元年任舊志稱案牘事簡民訟休息慨然

有創茲之志乃修先聖廟

王敏夫大定四年任

申克讓至正七年任

胡文至正十九年任

明典史

張佐吳二年任

解從周吳四年任

簡榮洪武六年任舊志稱以廉能聞

楊進

張芳

馬榮

秦泰

畢頭

校恭

許泰

白澄

王文粹

牟萬玉

李琮

康銘

杜志通

許鴻

李潮雲陽人嘉靖中任

張楫青縣人

李桂芳

李文煥

劉魁光

劉夢桂

李應騏

韓九功以上萬歷中任

謝天祐

宋良華以上天啟中任

戴一鶴崇正中任

國朝典史

黃如鍾宛平人順治五年任

朱應麟烏程人康熙元年任

常經屯留人

王慧遠大興人

解天登滄州人

陳國棟大興人

方廷桂平谷人

宋世憲通州人

周兆隆武清人雍正十二年任有去思碑

馬昇會稽人

馮天祐大興人

澄城縣志卷十一職官下

劉邦憲高福人

王祈年江寧人

李存慶石埭人

蔣三達會稽人

潘廷耀宛平人

元教諭

劉忠至元三十年任

劉堯澤皇慶元年任

張希義至正十九年任

明教諭

冀榮吳二年任

王煥洪武初任

宋濟舉人正統中任

劉亮洛陽人舉人舊志稱教士有方以子健貴贈禮部尚書  
英殿大學士

李春

李康叙南人

石煥偃師人舉人

胡漢句容人舉人舊志上二人皆以善教稱

趙昇洪洞人

李思齊內江人

馬延醜真定人舉人陞知縣

何謙廣安人

劉思越雋人

大澄城縣志卷十一 職官下 九

劉佑安陽人舊志禦李午之亂從祀延恩祠中

劉永昌高原人以上正德中任

楊孟簡馬湖人

吳傑玉田人

母德厚江津人

何相汝州人

馮鉞巴縣人

魏天瑞邢臺人監生

劉富鄭州人監生俱嘉靖中任

文顯蘭州人舉人

喬遷高廣宗人

易志策宜都人



石國柱平涼人

楊登高邢臺人陞知縣

劉振益梓潼人進士副榜陞邠州知州

賀一孝蒲州人

張養蒙猗氏人舉人陞三水知縣

員鳴鶴隰州人

梁惟一岐山人俱萬曆中任

谷于藩天啟中任

杜鍾岳南充人舊志稱溫厚宜人陞知縣

王夢牙安塞人俱崇正中任

國朝教諭

董可伸隆德人順治四年任

涇城縣志卷十一 職官下

李一鵬寶鷄人舉人

張資深城固人舉人

汪瑋綏德人歲貢生

王焞扶風人拔貢生

陳鑑寧夏人拔貢生

解應龍靈臺人拔貢生

李鄰涼州人歲貢生

侯舉興安人拔貢生雍正八年任

毛繼武山丹人副貢生

余霖襄城人舉人

殷王臣咸陽人拔貢生

王選衆三水人舉人

楊本立武功人拔貢生陞廣西靈川知縣

常鶴鳳西鄉人拔貢生

楊士能寧朔人歲貢生

周映紫高陵人舉人

郝敬宜川人拔貢生

楊伯魯富平人副貢生

明訓導

楊本永樂中任

黎斯正統中任

陰南

羅宗素

朱能

人海城縣志卷十一

李棠

梁鳳

梁倫

羅允弼

劉恢

袁文應州人

劉遇陽曲人皆志與劉佑同時與諸生如父子相繼陞去

高文沁州人

王游隴州人

李賜固始人

郭鼎襄陵人舊志稱守正不阿以經義德行相切磋

李宗雙流人

劉鉞鈞州人

朱震彭山人

桑純內黃人

王得祿廣昌人

王畿石州人監生

王廷弼俱石州人監生以上皆嘉靖中任

曹正蒙山西人

侯僕延安人

陳洪範榮河人

高體乾延安人

孫東周文縣人

張四靈岐山人

澄城縣志卷十一

趙汝攀醴泉人俱萬曆中任

沙育金西寧人

馬化龍隴州人俱天啟中任

孫汝褒綏德人

陳洪範甘州人俱崇正中任

國朝

尚鴻圖葭州人順治三年任

牟奇猷河州人歲貢生

高攀桂隴州人歲貢生

岳朝宗漳縣人歲貢生

蔭承賴平利人歲貢生

喬大年寶鷄人歲貢生

張雲翰宜君人歲貢生

李虬合水人歲貢生

靳澤白水人歲貢生

楊楷華陰人歲貢生

李蔭南寧朔人歲貢生

劉鈞城固人歲貢生乾隆三年任

張焯興平人舉人

任輔世懷遠人歲貢生

程翼獬中衛人歲貢生

王章長安人舉人

呂遇周通渭人歲貢生

王廉平番人歲貢生

喬作砥富平人舉人

王化世安塞人歲貢生

王遊涇陽人舉人

王蕙士涇州人歲貢生

王言綸會寧人舉人

元稅使

王德稅使


苗潤商酒務大使

韋珍商酒務副使以上至元中任

劉顯商酒務提領

王璧商酒務大使

劉清商酒務副使皇慶元年任



澄城縣志卷十二

陽湖洪亮吉孫星衍同撰

封建十二

澄城郡公高顯

魏書高肇傳渤海移人颺子颺女爲文昭皇后生世宗景帝初世宗追思舅氏封顯澄城郡公

地形志澄城郡領澄城縣屬華州

三門縣開國公楊順

魏書楊播傳播弟順以預立莊帝公封三門縣開國公食邑七百戶

地形志三門縣屬澄城郡

亮吉按即今澄城縣西北三門郵

澄城縣志卷十二

澄城縣開國侯奚緒

魏書奚斤傳代人初封宏農郡開國侯後改爲澄城縣開國侯增邑九百戶子遵襲封卒諡曰哀侯無子國除世宗繼絕世詔以緒弟子鑿特紹其後以承封邑

地形志澄城縣屬澄城郡

澄城伯楊穆

周書楊寬傳孝武末寬請以澄城伯讓兄穆詔許之

澄城縣子裴遂

周書裴文舉傳河東聞喜人大統三年以畧地封澄城子邑三百戶

三門縣開國男辛子馥

魏書辛紹先傳隴西狄道人莊帝反政詔封三門縣開國男

食邑二百戶

澄城縣公裴文舉

周書本傳河東閭喜人孝閔帝踐祚襲父遂爵澄城縣子天和六年進爵爲公增邑通前一千戶建德二年又增邑七百戶宣政元年卒子胄嗣

隋書地理志五泉縣後周併入澄城

科貢十三

唐進士科

姜元素無年代可考

魏扶太和四年登第

魏謩會昌中登第

宋明經科

澄城縣志卷十二科貢

張天錫

宋進士科

羅知微嘉祐中進士

王殊以下均無年分可考

楊時中

劉處約官至樞密使

楊植

金明經科

宗國

李海

權綱

金進士科

彪明昌中

韓師吉明昌中

宗源明昌中

趙庭實舊志號許南明昌中

王嘉猷承安中

元明經科

楊建中官監察御史

喬口

趙信官夔州總管知事

雷清

元進士科

楊植至元中

大登城縣志卷十二

齊天祥至元中官參政

王孝道

明茂才科

潘友直官工部尙書

明明經科

杜實洪武中從經進講讀賜六品秩

明人材科

權士安官南樂縣知縣

明進士科

許英成化十四年官戶部郎中

張麒宏治六年官河南巡按鄉科無考

韓一良萬歷四十七年官給事中



孫士髦天啟二年官密雲兵備道

王廷賓崇正元年官知縣

王長樞崇正四年官知縣

國朝進士科

楊本春順治四年官知縣

党偉元乾隆元年官知縣

白凌雲乾隆二十六年官鞏昌府教授

明舉人

李華洪武庚午科官知縣

雷實癸酉科平定州訓導

雷恭永樂乙酉科官監察御史

周肅戊子科官洪洞主簿

羅綱辛卯科未仕

權大用甲午科官石泉縣知縣

王鵬丁酉科官安陽縣知縣

鄒敦英孫丁酉科官北京刑部主事陞郎中

緜顯癸卯科官汝上縣主簿

王復宣德丙午科未仕

張信己酉科官黎城訓導

張鵬乙酉科官博野教諭

寔得正統丁卯科官周王府教授

馬圖景泰庚午科官商河訓導

宋志聰庚午科官華亭縣丞

王淳字子學癸酉科官保德州學正

吳夢麟子癸酉科官礪山縣知縣歷穎州隆慶州知州

李璿字宗器天順己卯科官潘王府紀善

謝英成化戊子科見進士

馬文魁圖子甲午科官臨晉訓導

張鏡夢輔子丁酉科官茂州知州

不經庚子科官岢嵐州知州

馬駙字世臣圖子庚子科官代州吉州知州

李壽癸卯科官蒙陰縣知縣

田耕字舜夫宏治壬子科官順德通判

張時乙卯科官朝城訓導

王師古淳子乙卯科官陳留知縣

王忠戊午科未仕

澄城縣志卷十二 科貢

五

張廷用字以忠甲子科官屯留羅山二縣知縣

許世昌字順德甲子科官太和縣知縣歷順慶承天同知

楊庭字汝直正德庚午科官雅州知州

韓相庚午科官陵川縣知縣

白鸞字應和丙子科官河南府通判

田養民字希仁耕子己卯科官德威二州知州

白文魁嘉靖乙酉科官偃師縣知縣

關冕辛卯科未仕

完田字子力乙卯科官東鄉縣知縣

路車字公御主簿金孫辛酉科歷威州知州叙州府同知

修祀名宦鄉賢

鄭孔字伯文主簿沛子甲子科官鹽運使

李思誠字伯修隆慶庚午科官鄂縣知縣

高士徵字應名庚午科由西安府學舉

曹烈字承武萬歷壬午科官棲霞縣知縣

韓一良字有懷癸卯科見進士

畦時聘字起莘丙午科渾源州知州

孫士鑑乙卯科見進士

王拱辰字北仰教授崇教長子天啟辛酉科未仕

路世龍字乾初府同知車孫主簿從度子甲子科以選貢舉

王鳳翥字冲字甲子科由潼關衛舉官雒陽知縣

王廷賓崇正丁卯科見進士

王拱極教授崇教次子庚午科以副貢生舉見進士

管大音字希聲癸酉科

澄城縣志卷十二 科貢

六

路世美字繩烈府同知車孫通判從廣子癸酉科以貢士舉授

東光知縣

韓九有字適晦己卯科任鞏昌府安定縣教諭

國朝舉人

楊本春順治乙酉科見進士

白素字獻赤通判鳳曾孫戊子科官吏部稽勳司主事康熙己

酉四川典試

姚肅規丁酉科

姬國光庚子科

韓則裕康熙癸卯科官建德知縣

韋成錦丙午科官扶風教諭

路前巳酉科

李良補戊午科官鳳翔府教授

袁夢麟丁卯科

党益癸酉科考授中書

白三輔壬午科

靳美玉乙酉科

韓長世庚子科興安州學正

呼維蒿雍正癸卯科

党偉元己酉科

白如玉壬子科四川達州州同

姚會淳乾隆戊午科

白鳴友辛酉科官吳堡縣教諭

白凌雲己卯科

澄城縣志卷十二

白明禮庚辰科官臨潼教諭

白明儀己亥科

劉文溥庚子科

明貢士

焦鎬官松江府知府

白企舉順天鄉試官清源縣知縣

蘭真官交趾下洪州知州

雷曼官保定府同知

王璉官蒼梧知縣

周鎬官河南按察司經歷

郭衡官汝州同知

郭懋官賓州知州

梁果官寧鄉縣知縣

王禮官芮城教諭

惠德官昆明知縣

葉宏官孝義知縣

馬馴官萊蕪知縣

彭慶官單縣知縣

周祥肅孫官寧波府照磨

鄭夔官青神縣知縣

梁佐官肅寧縣知縣

龐欽官芮城主簿

孫英官石州判官

王敬官鈞州吏目

涇州志卷十二

周廉錫孫官平峪訓導陞岳陽教諭

杜亨官定襄訓導易州教諭

曹貴金吾後衛經歷陞深州判官

路祥順德府照磨

韓冠官大同前衛經歷

袁吉官西克主簿

孫禎未仕

孫恭官叙州府經歷

袁祥未仕

郭儉官封邱訓導

孫茂未仕

田虛未仕

白鑿官江府照磨

熊連官徐溝縣訓導

宋應魁志聰子未仕

周禮祥子官崇寧主簿

完衷官完縣訓導

王相未仕

蔡文學字百川官太原訓導

楊得春字伯魁官偃師縣丞

鄭經員外教曾孫歷遼東太僕司主簿陸繁時知縣

廉仲祥字天瑞未仕

周世傑廉子官原武主簿

孫麓字天錫吳江溧水縣丞陞南谿知縣

澤州府志卷十二 科貢

田伯政官定興縣知縣

白潔字淨之官通州同知

楊慶官武功前衛經歷

堯守經衷子蒲州訓導陞陵川教諭

杜萃字時暢亨子官邠縣訓導

雷越字德威官靈山衛訓導

韓汝聽冠子官齊東縣丞

高景異未仕

路金字賓之官豐潤縣主簿

楊來庭子官羅山縣主簿

周璉官山西都司斷事

姚璠未仕

唐鑑如字凌霄駙子官大同行都司副斷事

王守正未仕

杜曉莘子官捷為主簿

杜冕莘子官眉州判官

馬徐躍如子官東昌府通判

安經未仕

賈志敬未仕

楊體元

白檀官平願訓導

焦源淨璉子

石道立字子修未仕

宋世傑應奎子

登城縣志卷十二

路雲鳳字陽梧祥孫隆慶中官寧縣知縣

白鳳字梧岡鸞第官大同府通判

鄭沛經子官油江主簿

白檀

杜一奇字河華冕長子官廣陵知縣

馬自渭徐子選貢生官青縣知縣

孫嘉士大同縣丞

杜一岸字子登冕次子選貢生官淮安府通判

袁汝慶官平遙縣訓導

曹式倬官開封府訓導

孫恪嘉仕子官王府教授

韓應試選貢生官吉州判官

韓應第官文水縣訓導

白珩字報吾萬歷選貢生官居庸通判

韓淑與汝聽孫選貢生官資縣知縣

袁崇雅字純齋未仕

王詩官寧夏衛教授

趙斗官城固縣教諭

路學禮萬歷中官莊浪訓導

王崇教字振宇官鞏昌府教授

張恭官羅川縣訓導

李仰官宜川教諭

葉光元官鎮夷所訓導

孫士鸞恩貢生官西城兵馬司

登城縣志卷十二科貢

七

路世寵車孫從度子天啟中恩貢生見舉人下

白麒鸞會孫官河間府同知

韓允升官河州學正

韓應科未仕

孫鉉字貫黃士鸞子崇正中選貢生官永平府同知

魚應時字待字未仕

趙欽字化宇斗子官甘泉縣教諭

張端字嚴吾官臨潁教諭殉難

路世美車孫從廣子癸酉科中式見舉人下

景遜啟字新寧官歸德通判

白堯典字廢唐珞子未仕

陸推字引庭未仕



權時昌字明之官保安州知州

賈藍玉字種之拔貢生官太平縣丞

李村素字元之官長子縣知縣

明例貢

張庸許州吏目

堯簡官長清知縣

趙輒新臺縣丞

孫楫官山西運司經歷

姚昂陽曲主簿

鄭照銅城主簿

陳源廣昌千戶所吏目

張洪官大同倉大使

興海城縣志卷十二 職貢

張顯官四川鹽課司大使

張整官吳縣巡檢

李桂隆平縣丞

鄭錫吳江縣丞

鄭冠大同縣丞

覺憲順德經歷

蘭容未仕

李森未仕

李後順天經歷

張紀河津縣丞

姚卓合州判官

趙鞠沂州典簿

張麟未仕

石天性未仕

趙奇字寧王府典儀

權降懷來經歷

白緝宗忻吏目

王維翰德陽主簿

權惟誠原武主簿

樊永富未仕

孫光祖麓子

許士世昌子

楊未庭子楚雄府照磨

鄭思儀長沙府照磨

滎城縣志卷十二 列傳

寔九牧寶豐主簿

路園字西塘未仕

馬自河字龍川白涓兄保安州吏目

劉崇儒武鄉主簿

許必先徽州府照磨

路從廣字一元金孫車長子官寶慶府通判

寔民獲大同左衛經歷

馬鷗字光川目涓子宣城縣縣丞

路從慶字雨齋車次子宣城主簿

寔民讓字遠菴安州州判

路從康字三字車第三子未仕

馬學健未仕

王拱辰字傑科勤榜兄進士下

張如序班

呼應順字興宇閩鄉縣丞

劉養氣字浩堂施榮州吏目

覺繩武字用宇九牧孫

莊掄字簡庭時聘子

曹堯烈子經歷

劉紹基養氣子

王拱樞

袁應旗舊志以下補遺貢士

韓坎

陳力

涇城縣志卷十二補遺

王訥

王寵

李登庸

楊士廉

王之揖

國朝貢士

杜房字繼所一岸孫順治恩貢生隴西縣訓導

王在東字依其未仕

如鴻儒字稟乾

完繼武字念祖主簿九牧孫

黨傑官知縣以下恩貢生

白飯

袁述

韓賈一

張謙光

東必昂城固教諭以下拔貢生

白玉綸郟縣教諭

李作舟寧夏教諭

白溶官金堂縣知縣

姚閻

党希顏

白廷梁

成玉麟

姚廷儀

濟城縣志卷十二

五

白珩康熙戊午科以下副貢生

党口

韓之衡鎮番訓導以下歲貢生

丁運開莊浪訓導

路永思

張修敬宜川訓導

張永祚

東京槐官訓導

東京標

和鳴鶴

惠帝美華高訓導

聖泰交

韓初發陞德訓導

路畿平涼訓導

路邑

路京

韓西瑯城固訓導

曹明體

韓元瑤涇州訓導

韓林蔚

羅萬象

李友棠河州訓導

周士奇

成濤

姚登遠

葉臨泮

姚裕成

韓際昌

路小子

姬寅

白其志鎮彘訓導

周鵬舉西鄉訓導

姚雲會隴州訓導

白本潔安化訓導

成濬咸陽訓導

孫實秀

姚熾

山天民沂陽訓導

袁天麟

自有涵安化訓導

李向榮

李大任崇信訓導

韓羽寬

孫廣居

張夢鯨

駐汝賁

張欽

姚啟淳

公城縣志卷十二

姚獻

路卯元

韓杰

陳日海

袁力行

梁員棟

白明智

姚燦廉貢生官狄道訓導

例貢生

王拱樞

路一麟

白洛官華亭訓導

白鹿洞學州訓導

崇善安化訓導

張鵬翰

張大俊

東序球

姚際會

樊遵祖

吳士煥

吳士玉

連帥

姬樞民

周樞

李有

成樞

惠善錡附貢生

東濬官四川布政司經歷

楊曰祿

姚元鳳州同

彭逢年州同

劉開昌州同

党際瑞考授吏目

韓河官松江府鹽大使

唐武勳

繼世淑貞親將為鎮殿將軍二千石子真恩賜中書

金

魏下武節將軍見後傳

明

潘澄尚書孟舉子初進錦衣衛監奉應天征討有功陞克小旗  
永樂二年陞陝西寧羌衛千戶永樂十年存留南京守衛世襲  
不陞

任傑固東里人西安左衛指揮嘉靖丁酉備禦固原累立戰功  
陞都督僉事鎮守寧夏謀勇兼資為敵所憚歷都督同知移鎮  
榆林凡三佩將軍印總兵

黨廷俊字秀若崇禎壬午科解元

張操直隸通州參將封右翼將軍

白甚質登州府守備陞本省督錦衣衛指揮授廣威將軍

涇城縣志卷十二

九

國朝武科

杜長青順治庚子科

羅帥康熙戊午科山西忻州守備署理代州參將

張允美丁卯科

劉仁溥乾隆丙辰科

王利用壬申 恩科

雷起螫巳卯科

問班祿丁酉科

張霞光己亥 恩科

明封典

雷清以子恭贈交趾道監察御史

鄭信以子敦封刑部主事



曹兢以子贊封金吾後衛經三正

許貴以子英封南京戶部主事

許英任郎中以子世昌贈奉議大夫

石貴以子經封歷城知縣

鄭默以子經封太僕寺主簿

楊貞以子慶封大倉衛經歷

白晏以子潔封懷安衛經歷

姚帥以子卓封鴻臚寺序班

鄭沛以子札累贈夔州府知府

杜冕任判官以子一舉贈日照縣知縣

韓逢以子一良累贈陳留縣知縣戶科給事中

孫繼正以子士髦封戶部主事

登城縣志卷十二封典附

白復初以子麒贈晉州知州

王崇教任教授以子拱極封商城縣知縣

國朝封典

王崇典以子廷賓贈鄆陵縣知縣

白儒以子鸞封朝議大夫

白昇以子意封奉政大夫

白恪以子本潔封修職佐郎

韓林炳生員以子長世封修職郎

白鯤以子明禮贈修職郎

白明仁以弟明禮贈修職郎

同人十四上

唐

魏叔玉鄭國文貞公徵長子次叔琬叔璘叔瑜初太宗賜徵莊田於唐上輔馮翊郡之北徵其子孫世居焉遂爲澄城人叔瑜爲豫州刺史善草隸以筆意傳其子魏華及其甥薛稷世稱善書者前有虞褚後有薛魏

魏克明徵 世孫武宗會昌四年封兵部常選五年封黃門侍郎次年封中書舍人

魏扶徵三世孫登太和四年進士第會昌六年差授趙州刺史太中初知禮闈入院題詩

澄城縣志卷十三 同八上

魏謩庶書魏徵傳徵五世孫字申之擢進士第爲右拾遺邕管經畧使董昌齡誣殺叅軍衡方厚貶溱州司戶俄徙峽州刺史謩諫曰王者赦有罪唯故無赦比昌齡專殺不辜事跡暴章獄窮罪得特被矜貸中外以爲屈法今又授刺史復使治人素憲章垂至治不見其可有詔改洪州別駕御史中丞李孝本宗世子坐李訓事誅死其二女沒入宮中上言陛下卽位不悅聲色今取孝本女內之後宮傷治道之本速塵穢之嫌惟陛下崇千載之盛德去一旦之玩好帝卽出孝本女以謩爲右補闕教坊有工善爲新聲者詔授揚州司馬謩獨孤諫不可工降潤州司馬荆南監軍呂令琛縱橫卒辱江陵令觀察使韋長避不發移內樞密使言狀謩幼長任察廉知監軍侵屈官司不以上聞私自遷臣亂法度請明其罪不報俄爲相舍人帝索起居注謩

奏古置左右史書得失以存監戒陛下所爲善無長不善  
天下之人亦有以記之帝乃止中尉仇士良捕妖民賀蘭進興  
及黨與治軍中反狀具帝自臨問詔命斬囚以徇上言事繁  
軍卽推軍中如齊民宜付府縣今獄不在有司法有輕重何從  
而知帝停決擢諫議大夫兼起居舍人宏文館直學士宣宗嗣  
位遷御史中丞發駙馬都尉社中立姦賊權戚縮氣進同平章  
事建言今天下粗治惟東宮未立不早以正人傳導之非所以  
存副貳之重且泣下帝爲感動累遷門下侍郎兼戶部尙書因  
久疾檢校尙書右僕射太子少保卒年六十六暮爲宰相議事  
天子前他相或委蛇規諷惟韓諫切無所回畏宣宗嘗曰暮名  
臣孫有祖風朕心憚之然卒以剛正爲令狐綯所忌讒罷之又  
錄遺載文帝讀貞觀政要思徵賢訪求其後暮姿字魁秀帝見

澄城縣志卷十三 關人 二

而異之嘗問卿祖書詔猶有存否暮對惟故笏在詔令上送曰

此笏乃今之甘棠舊志按徵籍曲城營其五世孫也舊志載徵有賜田在澄城營因家焉後遂世爲澄城人

宋

魏道嚴徵十五世孫神宗熙寧元年差授同州司法叅軍使又  
宣封爲同州節度使三年爲潞州長史五年爲兵部侍郎六年  
爲西臺御史大夫

曹景儉政和中人其甲科無可考曾撰新修普濟寺記必當時  
之文人也姑依年代附此

金

魏彥直徵十六世孫天會十二年差授趙州刺史元成元年封  
爲同州節度使天眷二年封爲中書門下侍郎皇統元年封爲  
禮部侍郎

劉勳號中山大定間進義校尉

裴天民字先覺宣差檢校華州事

李師徵進義校尉守蘇門同監

雷師易號沮陽野逸明昌間人曾效觀妙堂詩其甲科官職不可考姑依年代附此

魏卞徵二十世孫官武節將軍至大八年差授峽復鄜州又宣

授節度使九年兼授兵部郎中後宣授延安府安撫使今按魏氏自克

明而下六人出魏氏轉官團并家譜宏治初縣丞魏鑑竊去鑑山西蒲州寒葉村人

元

賈邦傑前至元間任廣安州知州

趙信遵教社人東漢趙岐之後初以儒生貢河西隴北道廉訪

司泰定四年授邠州新平縣尉元統元年以從仕左郎授夔州

澤城縣志卷十三 關人上

三

路總管府知事後至元丙子追贈父慶爲從仕左郎奉元路澄

城縣尹

鄭英陝西行省叅知政事

明

潘文直字孟舉以字行洪武初繇茂才舉從太祖江上勦陳友

諒屢盡奇策陞南京工部尚書所至有聲習儉服勤終始一節

後乞骸骨歸朝廷寵賜大銀歸邸悉賞軍士同妻驅驢而歸不

乘驛傳行李蕭然惟圖書數卷而已上使人問知之嘉其清介

賜鄉宴終其身後以壽終於家嘉靖間祀鄉賢

雷清字潔已淳謹好讀書元季以秀才辟辭弗就或勸之仕則

曰將不可爲矣未幾亂作人服其先見及海內平定迺以舊產

讓弟徙居維城優游卒歲無復有仕進意

講於朝披災賑之民全活者甚衆猶然無德色翰林侍講兼修  
綱目言水羅汝敬曰先生以才見試於有元以耆德見徵於高  
朝以惠澤衣被於鄉之窮餓人蓋有道之士古所謂鄉先生可  
可祭於社者也後以子恭拜御史封如其官

權治安字惟寧洪武二十三年錄人材授大名府尚樂縣知縣  
至則詢民疾苦勸課農桑修葺廟學城郭祠宇壇舍百廢畢舉  
政暇則勉勵學校文風蔚然

雷恭字時敬清之第五子錄舉人初授交趾道監察御史出按  
山西風裁凜凜時大臣有不法者即抗疏劾奏之嘗謬自將權  
倖側目天順初與御史楊瑄劉泰等極論石亨擅權中官潛謀  
英廟謫戍遼東後山西王虎鎮崇弄小兒術士驅遣不能除有  
達者朱書監察御史雷數字貼小兒背遂就安今彼地猶有雷  
打鬼之名嘉靖間祀鄉賢

鄭瓚字廷器知青神縣事六年清而不污行實之外無餘物時  
與其廉焉

曹貴字天爵初授北京金吾後衛經歷擢判深州時遇潯沱河  
決乃起木爲條如壅塞隄防不踰月復如故人深德之  
宋志聰字文會山序班轉華亭縣丞天性頗悟治內外事循規  
矩言必忠信非道義絕不出口

王淳字子厚誠篤長者也博學能詩文任保德州學正能以所  
學淑人解官歸蔡河馬溫公爲人每舉動必書曰吾用以白考  
也接人無大小貴賤一以誠御之讀書談道老而彌篤時稱古  
君子焉

李瓚字宗器忠信質實好學之心老而不倦官至瀋王府長史

許英字文傑初授南京戶部主事督糧有方陞本部員外郎中  
每承委任不愆于經後以一次卒于家祀鄉賢

馬馴字世臣授絳州訓導生問難者填門皆擢知代吉二州  
視民如傷比卒于家吉州民間訃多來弔祭者

宋應奎字廷佐以歲貢從侍御史按歷四川性素豪縱不屑小  
嫌與侍御不合拂衣而去尋卒

田耕字舜夫初任大谷知縣後知廣陵二年邑乃大治遷順德  
府通判專理京儲事集而民不擾

楊得春字百魁任偃師縣丞偃師北當邙山西北有黑龍潭每  
夏秋霍潦水決入城如注官民罹其患得春率徒役數百人修  
白虎堰障於東南怒濤不復爲患又嘗通縣北舊絕水之泉平  
嵩邑久不均之稅民至今稱之

登城縣志卷十三 關八上 五

鄭經字大經初任遼東太僕寺行主簿以勤核著名陞山西繁  
峙縣知縣歷官十二年及歸僅足資路費

廉仲祥字天瑞甘貧嗜學誨人不倦讀書以窮理爲先爲文以  
意會理以辭達意不爲嶄絕奇詭之體講說獨喜蔡虛齋蒙引  
曰學貴窮理口詞非所急也形體癯然若不勝衣至談道義卽  
口如懸河一時學者多宗之

周世傑字廷英任原武主簿公清守法民以長者稱之

孫麓字天錫初授吳江水利縣丞豎潰出淪歲用大熟再丞溧  
水職專理餉會贖陽如禁租徵如額乃移牒中丞徵視稔人後  
陞南溪知縣卒

白潔字淨之初授懷安衛經歷單騎之任不携妻子妻卒誓不  
再娶考績擢道州同知致仕平生朴實耿介廉靖寡欲有古君

子風

杜芊字時暢任興縣訓導時流賊據縣淇厥鋪芊方署縣事募得精兵數百人襲擊大破之

雷鉞字德威少有傳才屬文輒能驚人小詞尤嫵媚士人爭慕效之後以貢補咸寧侯府訓導尋改靈山衛司訓卒於官張雲谷詩曰道方無俗樣心樂任官移觀此可以知其人矣

路金字寶之性剛介通尚書學居家篤于孝友後授豐潤縣主簿專督馬政每番例得錢若干緡一毫不取甫期月疾作或勸之納賄輒怒叱曰欲吾不瞑目泉下耶不旬日卒貧幾不能歸張紀字廷憲歷任鉅野河津縣丞清謹剛方民心畏服未五十致仕知府王青門留之不從遂歸

許世昌字順德任太和知縣以績轉開封府判陞順慶同知時

興城縣志卷十三 四八上

六

蜀儀世昌悉力賑拯又請當道給半種府城屢虜于水民苦歲役世昌開渠西山以洩之奉檄勦平涪州小河羣盜欽賞銀二千兩已疏請終養起復承天攝行太守事值世宗南巡夙夜稽据又改建陵寢增建司衛遂以勞遺疾而卒

楊庭字汝直初知太原縣太原以奸訟庭泣事嚴明歲餘俗革擢知雅州除虎患弭江害于雅人稱有德焉

權隆字世熙任懷來衛經歷誠確清謹人以活佛目之

張廷用字以忠博洽能詩文歷任屯留羅山知縣所著有宋元小學史斷行世雲谷詩集詩話藏於家

馬躍如字凌霄任大同知事勤幹清苦疑獄多所平反當道與其能後訓事家居事有疑決者人多就謀之

石道立字子修博洽能文章創修縣志

白鸞字應和任河

通判主權節兼河道諸事悉舉上官咸

器之

田養民字希仁任德威一州知州治理有方事繼母能得其歡心後以疾卒於官

路車字公御能詩文弱冠以孝廉舉性至孝處異母弟無間言澹泊寡營終身無姬侍銓試第一除威州州故姜維地羌夷叛順靡常車以信義柔緩九年無敢犯境松潘反側當道借爲資盡旋即削平天語勞之云飲至明軍旅酬勲錫武功陞叙州府同知卒于官萬歷間威州祀名宦天啟間祀鄉賢

鄭札字伯文少有志操負笈馬文莊之門砥厲行業嘉靖甲子舉於鄉起家學博轉陽信知縣清廉不枉法以憂歸起補新樂縣培土午道百務崩弛札裁冗拊罷民不勞而政舉擢戶部主

事出知夔州皆有能績後陟兩淮運使卒于位

七

社一岸字子登有才幹初任日照知縣值倭人入寇岸守禦有方四境不擾旋繕城池勤勸者四年以績陞淮安府通判狀元焦竑爲文以送之

白琚字報吾儻重義鄉閭多賴賑恤授通判駐劄居庸附近皇陵中貴旁午驛驢病民琚不畏勢阿徇軍民德之天啟間祀鄉賢

韓淑與字士善性醇和處鄉黨接誘循循尤篤友愛自食貧至宦或不有私財教宗弟給諫成名臣遠邇儀之

韓一良一字象儒生而厚重質訥清正有執讀書喜體會不事記誦爲文如其人鄉薦後年歲請託痛絕不爲及登制科釋褐知陝留縣侯諸天日不以民間一錢自潤天啟間增增蠲約逆



禍遍天下仕豫者翕然風從公德不舉其風烈邪其輩年不  
學以公論難泯惟清官第一授戶科給事中即極言文官愛錢  
陋習上嘉納之名對平臺奉有破格優擢風勵有位之旨上方  
求治急索奏數上內外股栗中忌者于御前諷令指名倉卒情  
旨遂輟僉院之推得嚴旨卽發寤歸里栖遲午西寺足跡不歷  
城市僮僕產業宅第一無改于諸生時角巾布袍非素識者不  
知其爲給諫也海內重其名起用之章母慮數十上終不起塲  
後子第苦貧至不能治喪具蓋崇禎十六年十月祀鄉賢厥後  
長子繼武以烈節死議者謂有門風云

王崇教字振宇長厚博洽早歲以明經授右扶風歷天水北地  
三振教鐸皆以敬敷聞攝真寧策不取一毫羨餘比致仕行李  
蕭然惟謠頌帙滿奚囊耳家教有義方二子競爽名譽翁集不

以子貴收其素居恒言猶箴銘鄉黨有孝有行者必以題咏獎  
成之年至九十四方賢者慕之所秉有榮壽集順治間祀鄉賢  
孫士髦字使譽弱冠成進士十年方赴銓選戶部主事董密雲  
糧儲一年節省四萬餘金戶部奏請紀錄奉有潔已急公風勵  
九邊之旨後因營將王靖東糧冊錯誤有詔西協監事鄧希詔  
覆查爲挾私中傷臺省畢自嚴王志道等會奏昭雪不允遂戍  
潼關衛築九轉山居閉門自娛崇禎末年爲僞亂脅營莫知所  
終祀鄉賢莫考年代

路從廣字一元初任安邑令征解梁關王廟稅誓不染指一錢  
歲司儀封河務去小宋濟水爲民開沃地百十餘頃後人物石  
記績歷陞寶慶通判以疾致政歸家惟挾一鶴而已又精六法  
以王叔明爲宗一時良吏同謝中鸞全

生進諸長安碑洞觀音行於世譜集尤富云

孫士鸞字祥吾官至西城兵馬以不附逆瑞被嚴旨解組致從弟孫瞻園成進士鄉閭稱焉

白麒字瑞明事親孝以明經授官別駕駐劄懷安樹邊功轉河間府倅河間盜藪也麒弭禁得法盜息民安里人負債者多不責償

路從度字兩齋繇劍外扶父視歸阡隨廬墓三年神宗朝奉差冊封肅藩後授宣城主簿未踰期不忍糧艘病民遂致仕歸卜築澱水之澹以適志終焉

王廷賓字觀光繇進士任鄆陵永城二縣以卓異考選疏上丁難歸里崇禎八年遇難

權星號歸菴無書不讀宗理學精律歷澹志名場督學許孚遠

濟城縣志卷十三 閩人上

九

將越次貢之星不欲遂石隱終身所著有養浩心譚自製角巾三方取法三才時呼爲三稜

李茂生員母党氏患惡瘡茂口吮膿血每夜焚香祝天願以身代母歿結廬墓側時暴雨如注懼水嚙母墓覆而號泣倏然雨止人以為孝感父歿廬墓哀毀如母天順六年旌表

李表茂子同第監生森善事父母克修子職親終同廬墓所宏治七年旌表

袁衷監生性篤孝年十三母亡卽欲廬墓父止之後父卒廬于墓側食粥飲水負土築墳植柏數十株鬱然成林烏鴉羣集白兔馴擾宏治八年旌表

李後監生父表沒後方弱冠哀毀骨立結廬塋側朝夕拜哭及母卒復廬墓舍喪三年正德二年旌表

城通振里人天性純孝母歿欲廬墓父止之乃於中門之外  
外門許苦振塊晝則奉父甘旨三年不入山窆母素畏雷每  
雷發作即奔號墓旁不啻衛護然雷止始歸

里人親終俱廬墓哀毀惡衣非食三  
年如一日時與其孝知縣敖佐皆表其門

路同科縣諸生爲路車門人讀書必躬行父母次第見背哀感  
異常俱廬墓三年事聞于上賜官帶扁其門曰孝子

段邦進時庄里人乳抱失怙恃祖廷貞撫育成立雖未嘗學問  
天性仁孝事祖必體其心好施輕財雖至破產不吝養葬盡禮

縣學申請願孫以冠帶寵異之  
新香縣諸生幼失父家貧母蒙氏績紡治生及香稍長惇謹好  
學爲人作塾師每念及母孤苦以不能供甘旨爲恨遇馨膳泣

下不忍食母病且革嘗嘗驗其胃氣人莫能及知縣黃榜扁其  
門曰真孝

趙大治親喪廬墓三年慟頓泣慕不衰

鄭鑑大賢里人正統二年歲饑出粟麥一千一十石用助賑濟  
有司奏聞旌表

袁忠寺前里人正統三年軍士乏糧出粟八百石入寧夏倉有  
司奏聞旌表

習玉先進里人成化乙酉歲饑同其孫璟出粟以賑鄉里有司  
嘉其賢賓於鄉飲

習朝用縣諸生嘉靖初廢城隍廟中有旅屍不歸葬者三年漸  
有發其棺暴其尸者朝用卽邑厲壇之良隅掘一坎瘞之仍設

奠致哀焉有瘞旅文邑人石道立撰

濟泰西觀里人崇出粟濟鄉里元孫給諫其長爲清官第一說者謂積德之報

段廷貞時庄里人嘉靖萬歷間每遇凶荒卽出粟濟一縣官請者賓壽九十有奇

堯九長白其里人呼冕三泉里人李逢春王代里人已上萬曆十四年各出粟數百石賑民

李守心善化里人崇禎十三年大饑斗麥千餘錢心以千石救民至熟不計直責償啣恩之家香火填門

管大音字希聲崇禎癸酉舉人間闖逆僞命與邵陽呂得璫兄弟遁入太華山中擔簞負笠與奚童爲伍人無知者後結廬河

澗讀易數十年卒

陽湖洪亮吉孫星衍全撰

問人十四下

國朝

權時昌字明之由拔貢任忻州州判威惠廉明人不敢干以私時輔國裔孫有武斷鄉曲者明昌詣王府請五刑卒寘於法晉王嘉其剛正賜蟒衣一襲後由清平知縣陞保安知州

國初擢湖廣德安府同知以老病未就

姚肅規字欽山由舉人知廣東順德縣敏於聽斷減糧耗革陋規勤考課士民向化邑近海盜夙負險肆掠規至偵治其渠魁餘黨解散嚴保甲以絕其萌境獲安堵爲碑頌之卒於官子國學生許飛篤於孝義應選知縣辭不仕康熙六十年饑捐麥施

賑自父任侍疾歸葬尤致哀盡禮云

澄城縣志卷十四問人下

曹貴字天爵貢生判深州時潯沱河決乃起夫萬餘親督之掘賁初任定邊訓導人服其教孫懿字元徽少英敏力學由舉人任鄞縣令勇決任事縣故瀕海多水患請修大嵩河心勞力瘁以勸卒於事縣人傷之呈請入祀爲刻治郵政畧一卷志遺愛焉

李良植字舉之由舉人歷汧陽沔縣教諭陞鳳翔教授講課精勤士多成業著有省愚集家規序同時党紫馭字鸞鳴以例貢司訓安化推誠造士捐俸倡修學宮及鄉宦兩祠所集有聞見錄

路一鰲字聯六由拔貢任番陽縣丞以清廉陞浙江桐鄉知縣民皆德之

韓則裕字問人山舉人除永豐知縣值二歲旱力請減賦因禱雨  
跪烈日中致疾告歸起補建德革積弊勤考課士民咸悅有爭  
山行五百金者叱却之自是人莫敢干以私  
惠鳳儀字來之潤東里高槐村人少罹寇變

國朝兵西下挈入京道遭疾棄去大原張公見而異之撫爲已  
子順治初張爲戶部外郎儀亦錄爲其部筆帖式在部數載以  
敏練稱凡要會版奏以及方域之磻隘饒馮院塞羸緇之數靡  
不綜練

章皇帝親試稱旨授國史院編修遷內宏文院侍講內國史院  
侍講學士康熙元年從將軍圖公殲楚寇有功還拜文華殿學  
士兼禮部侍郎充

聖祖皇帝實錄副總裁遂以右副都御史巡撫山東爲政識大

澄城縣志卷十四

體以拊循爲亟約已利物詰奸佑良諸所舉材至屬殿最悉當  
了張艱去官吏民千餘人赴闕上書請留儀不可急歸未久卒  
儀性慷慨好談當世畧吐納宏亮遇寮友侃侃指陳即在

上前奏事時砰然大言以故在廷皆嚴憚羅變志其縣名兼張  
終無子故卒不復本宗生子五次丞哲爲澄城知縣至任後始  
悉其家世云

白意字獻赤順治戊子舉于鄉由山西安邑知縣歷轉吏部稽  
勳司員外郎典試四川號得人意之令安邑值歲饑民多流亡  
公捐俸安集之開墾草萊增置里甲縣人取詩人思召之義編

里曰白棠迨之廣西任里民攀轅遮道號哭知不可留遂肖像  
立生祠至今香火不絕

韓同字玉若山監生任松江府場鹽務署松江府海錄事有才

署戶官廉潔自矢歷十年乞歸囊無餘貲行里蕭然至家

時卒子貧無以其葬禮縣人憐之

白三緇康熙壬午舉人幼孤家貧傭書養母鄉里以孝稱

淹雅爲閩邑所推重後以母年老不圖仕進子濟拔貢生紹

穎博極羣書工詩畫爲人端方清介由舉人爲金堂知縣先

縣號難治比至任恩威並用不避權貴一鳴豪強歛跡境內

然以寧秩滿歸室無長物布衣蔬食晏如也去蜀數十年蜀人

德之生祠惠碑香火不絕孫廷梁乾隆癸酉拔貢生

白如玉字崑山幼聰慧過目成誦行文立就數千言由舉人任

四川達州同知署理塘糧務府事無苛政時有父母難忘之歌

路一麟號天石字振公恩貢未仕好讀書善書畫六舉優行壬

戌

詔起山林隱逸以母老不就學無所不窺手批口唸寢食都廢

凡山川人物草木辨析精詳復繪其形狀人爭寶之所著有禹

貢山川攷月令奇觚觴蝶集五雅評林五車韻瑞補書畫外史

華山小志鴛湖草天石子集若干卷藏於家生平醇謹靜穆澹

於名利有亡友嘗負金數百其弟以兄廳事償之麟焚其券居

城南山水間甘貧自怡以終其身

党益字友三舉人官內閣中書家囊奇傑嗜學博覽爲文輿扶

理窟學使葉公常稱之曰党子之文可與定性書並傳其見重

如此有文集五卷

丁開運貢生性孝友二歲失恃不數載父又亡家貧善事祖母

奉養豐潔常渾天星破城崩負祖母藏山谷妻子皆弗顧祖母

得心疾開運爲人山求法水雖危無弗畏祖母之疾愈視異

母弟無間言知縣姚欽明上其事

旌

張物穉字允若諸生性孝友事亡

如存凡有求必應

後嘗爲人端方不阿其姑適進士

王廷賓兩爲縣令屢書招之

未嘗至其任嘗輸白金四十兩營

爲出金脫其罪其好義又如此

張在璇字轉辰諸生自幼受業於

其兄諸生在瑯在瑯中年目

疾失明在旋代理家政每事必咨

而後行食必共焉一殺一蔬

新美玉字有華康熙乙酉舉人

知縣崔輔鼎善崔稱爲關中

子家素貧脫粟布衣不以爲耻與

知縣崔輔鼎善崔稱爲關中

君子嘗有懷金饋其一語以貸輕

繁者其家人教之置金于席

以動公公不顧而去人曰此細事

無損公德公曰一事細後必

有不細者矣其嚴守如此

路小千字萬程貢生博學善文性

廉極介知縣文尚秀高其德

就見弗獲後贈詩云踰垣走避風

廉吏記得高人路小千若有

詩文集數卷

張秉直字含中號蘿谷少有大志

百藥遊學益進研心宋學取善本

廉之禮韓城徵君解可貞見所著

究見能字在田諸生幼遊韓有懷

米輔之二先生之以後又

所業就正于路世美世美器重之

留與其子一麟共研席見

性鯁直即在長吏前侃侃抗論不

少阿然於家庭則蕭蕭和

有孝友風焉

李友棠字台亭山歲貢生授河州

訓導有文名子作舟字



張貢生亦能文歲丁酉考官得作丹卷以第一人薦不售性剛  
果有膽畧遇事侃侃正論不避權貴人敬憚之餘寧夏府教授  
亦未仕有子二長大經歲貢生任崇信訓導次大東諸生  
周士奇字步西歲貢生性仁慈撫猶子如己出能文不售終其  
身鍵戶讀書怡然自若

張耀祖諸生能文章好惡不阿縣中所重

杜房字繼所貢生歷任靖遠衛教授陞湖廣安陸衛經歷恭謹  
恬雅所至皆德之年老乞歸遇人吉凶事量力補助屢延鄉飲  
大賓

張益振字家醇醇朴嗜學少築書舍於西河雖極寒暑絃誦不  
輟著有西河錄二卷

杜長青字松年先名汝拭爲縣諸生有文名並習畫以病失試  
開除知縣吳定愛其才更今名人武科

張雲路性篤孝父母繼沒泣血終身衣錦素歲時嘗痛哭墓旁  
至老不茹葷人有勸之食者曰父母既沒吾何忍焉遇鄉閭行  
人有困乏者輒解囊以贈焉

張洪範留庄村人兄弟五人各分爨其長兄有子婦愚蠢不孝  
範迎兄同居十有六年衣服飲食必先兄後已兄卒殯歛周至  
兄子若罔知範亦不罪也幼弟盲而且騃諸兄視之忽然範獨  
與同居友愛終其身然範亦以兄弟故拮据勤養遂至貧不能  
娶以終其身爲同族貢生張鵬翰爲之作傳

張德馨張家庄人父諸生增撰卒諸弟俱幼德馨奉繼母撫諸  
弟勤劬備至家人化之

喬大益馮長里人有孝行母病篤醫云不治大益哀懼密禱靈

梯山誓割肌救母母病竟愈繼怪之有山僧堂嘗禱時賜靈應傳其事

張邦彥諸生性孝友父母不憚輒跪受杖父沒事兄如父然名著里中

黨偉元字頌庭少有文譽成進士任江西定南知縣數月卒於任

白凌雲字文光少貧嗜學爲諸生三十年乾隆辛巳成進士任華昌府教授卒其胞弟凌漢字劍光諸生授徒于縣之張家庄凡二十年所成就甚衆生平取與之際尤不苟

白鴻友字序賓舉人任吳堡教諭期年而歸衣不蔽體閉戶讀書妥如也訓子弟率以退讓爲法及歿鄉人無論賢愚皆歎爲君子云

張問明字少英幼力學居恒重然諾礪廉隅事父母處昆弟以孝弟聞見者禮重舉鄉飲賓

張問政字純一爲監生多義行好讀書尤御家有法五世同居指日幾百無間言訓子姪八人皆爲縣諸生知縣何達善等旌其門

路一鶴字鳴九諸生守備世光子性敏好讀書順治六年修縣志

王吉士字藹如諸生性肫摯事親母以孝聞爲經師成就者甚衆

路大德字天篤諸生博涉羣書而意氣洒落論者以爲有黃叔度風工隸篆飛白諸書尤精繪事山川人物禽魚花草之類靡不神肖年八十餘卒

張維性敏慧讀書博識操行端肅舉鄉飲賓

白銀字完金恩貢生性耿介終日端坐無惰容見者莫不畏服家貧授徒于外成就甚衆年七十餘卒門人爲立碑於墓左焉張元六字度如諸生性明敏讀書不尚口耳一有所得服膺弗失試輒冠曹世居城市而市人多有未識其面者人稱爲閉戶先生

張謙光字奉六恩貢生廉靜寡欲嘗閉戶數月不見一人舉鄉飲大賓

問楨字大年諸生志行端潔言動不苟非親屬罕與面焉

韓翌珍諸生給諫一良元孫也博學善文

張連薦字高字馮原人性朴誠好善樂施康熙五十年出麥穀千餘石救荒不計其償里人德之知縣崔區其門曰義民又代

輸長寧里貧人社倉糧八十石鄉有誌德碑

韋琬疎財尚義康熙六十年與弟璣計口賑濟凡六閱月闔村百餘家保全無恙

東京槐貢生字天斗善文詞

東京標貢生字本天貧而好學篤於友愛事兄如事父

韓紹武西觀墨人諸生給諫一良姪也其父諸生一偉明季馬流寇被杖幾死寇猶不釋紹武年十四向寇哀請乞代又遂繫馬項奔走身遍被傷幾不得生囚朝邑獄我

朝定鼎始釋歸父死哀痛終喪年八十卒

崔曰平南白村人性篤孝父歿朝夕在墓側不間風雨負土築墳每鮮果時食薦墓前手植柏數十株周三里許望之蔚然若城鄉人皆呼爲白城孝子

...兄弟也相友善出入飲食必與其終其身無  
...鄉人化之

孫志鴻字朝宗性孝義事繼母王氏曲得其歡心居祖塋園公  
淨土峰教子弟康熙三十年蝗出粟賑鄉里知縣旌其門

張廷珂字公佩早喪父其祖辰霄哭子失明廷珂年方十齡知  
代其父盡孝道飲食起居不少離廷珂幼育於其叔母王氏王

氏無疾廷珂子女林立湯藥必親嘗垢衣必親浣比其卒也棺  
槨葬祭一準諸禮鄉里重焉

問經杜小河西人其姊適張氏貧孤無依經杜迎與同居者二  
十餘年今姊年八十有五其子若婦日問起居進甘旨如事父

母然  
杜縱長閭鎮人性孝友事繼母路氏孝出得甘旨必懷之歸五

潯城縣志卷十四 八

十餘年定省之禮未嘗有缺乾隆戊辰歲饑年六十餘負米洛  
川以供母母卒哀毀幾廢飲食撫二弟森蕃森為諸生蕃亦業  
儒年八十有五卒

王文進新其里人以木工為業在外間母疾馳歸母已屬續痛  
哭幾絕及葬廬墓旁今踰五載猶依依不離云

姚長發業善里人伯父客死于武當山滴血認骨負之而歸當  
務商以備父母養一日自山東歸黃河大漲發痛哭乞禱河水

變平得一小舟傾刻而渡廻視波濤如故值歲旱秋禾多稿發  
穢獨逾石人以為孝感知縣旌其門

東序璋字文玉好施予設義學延師以教鄉人之貧不能讀者  
知縣陳高其義舉鄉飲大賓

韓元士與弟婦士女愛白首無間每遇歲饑出粟賑之不

僕其常待以舉火者十百人感德之

權學易樂善好施數出粟濟窮於乾隆二十五年夏歲兩荒已

麥禾盡匱學易計口分食里上其事知縣陳書名於旌善亭延

鄉飲賓學易因辭曰以有濟無農之家當何德之有人愈重之

姬文案天性仁慈立育嬰院鄉里有貧不乳兒女者收而育之

全活甚眾值歲饑傾粟賑濟鄉飲眾賓年九十一卒知縣李

旌其門

王語好施與設義學義塚修路施絮衣及棺蓆遇荒捐粟賑

助義行著於鄉閭

東璧昂字震旭貢生慷慨有幹畧均平里甲人多德之

姬鑑天嗜學好古尤喜讀陰陽文乘間即聚隣子弟講陰陽事

聽者盈庭修橋路之壞者行人賴焉有善人之目

登城縣志卷十四

九

張有爲成人傑成傑皆有義行過歲歉多出粟賑濟巡撫陳旌

其門曰善在一鄉然尤仁心爲以迄今縣西北鄉稱善人者必

首推焉

張連清嘗修橋道利濟行人人義之名其橋曰清德

張洪毅字重遠諸生馮原鎮人好義樂施乾隆十三年有鬻子

者夜號哭村外或白於毅毅使大索之乃隣村曹某也詢其故

曰夫婦祇此子貧不能度日鬻於宜川客與子痛不忍離耳毅

爲出銀贖之年八十有七卒

石得玉國子監生樂施予過歲禮累出粟以周里黨又嘗施白

金爲岡村完國課後族人償之得玉堅不受因貯之公所春季

納田賦濟貧乏秋成後仍收貯公所周而復始一村五十戶無

貧窶者閭鄉爲刻碑以紀其德

乾隆十三年出粟五百石賑濟巡撫給匾獎勵鄉人立石以記又素好讀書守禮法親喪三年足不履市至晚年友愛彌篤其弟諸生李楊青每遇荒歲亦必賑卹說者謂不墜兌風云

魏毓琪字琨山例貢生喜施與遇歲饑出粟賑濟全活數堡五世嗣履於第姪清孫輩無異言

成文堆國子生慷慨好施創修義學置地五十畝爲塾師修脯費由是子弟彬彬多就學焉

韓嗣熹諸生好義樂施族之貧苦賴以活者甚夥常爲人排難解紛鄉里咸稱長者子孫皆成名人以其爲好義之報

王天錫性醇謹以孝聞比中歲家漸殷富鄉里賴以生活者甚衆嘗以乏國課捐助陰泉永安二里銀三百兩不計其償知縣

旌其門舉鄉飲賓至今里人稱道弗衰

馬維立諸生重學敦行性孝友教子弟有禮法每出粟數百石賑貧畧無德色時目爲周急君子

澄城縣志

卷

十五

十八

十九

地 170.149  
30  
帝 14

澄城縣志卷十五

陽湖洪亮吉孫星衍同撰

列女十五

唐

姚女通志澄城人嫂李氏不得於姑每鞭笞輒以身蔽將適人  
怒危坐而逝嫂亦慟哭死里中  
立祠祀焉  
祠塑女像真骸包泥  
中人以簪錐挑之其骨也黃如金

金

師氏續文獻通考適澄城雷氏至二十四歲未有子而夫亡誓  
不再嫁篤養舅姑姑病革潛割股肉雜飲食以進姑病乃瘥後  
舅俱逝又二十餘年其兄師遠心利其產私許楊珍婚訟於官  
氏度其難免投井而死明昌三年采訪使以事聞特旌貞潔

澄城縣志卷十五

明

王氏舊志梁孝恭妻澄城人年二十生一子而夫亡奉姑育子  
更元季兵亂節不少易卒年六十七洪武九年旌表

王氏舊志澄城鄭伯玉妻年十七適玉生二子俱幼而玉亡姑  
魚氏孀居氏承順唯謹成化二十一年大饑有勸之饒適者氏  
以死自誓苦節四十餘年邑令旌表其門

蔡氏通志石體妻澄城人體卒氏年十九生子甫六月時祖父  
母及孀姑李氏俱年邁氏辛勤孝養孀居五十餘年成化十八  
年旌表

周氏州志姚連妻廉氏李吉妻  
首澄城人周年二十夫亡嘗可  
孤苦晝耕夜織孀居五十餘年  
廉年二十四夫亡誓不再醮  
居六十年正德咸加旌獎焉



馬氏舊志澄城廉仲祥繼室也年二十八廉官氏撫育前妻子介遷於所生日非此無以承宗祀茹苦含辛年踰七十未嘗一日離介介亦忘其爲繼母也又孫氏同邑白洪妻洪早卒氏孀居四十餘年處如妯娌以和睦育夫弟女如已出厚教歸之邑令放左並旌其門

陳氏舊志杜冕妻澄城人冕任眉州州判卒官氏年二十七扶柩歸家計益索饑謹相繼茹苦四十餘年邑令陳力旌其門

孫氏張邦俊傳澄城生員鄭炳妻年十八夫逝氏卽墜井姑急救之得免矢志守節縣令旌其門

路氏通志舉人關冕妻澄城人十五歸冕踰年生子方四月冕暴卒氏哀痛幾絕矢志撫孤以續繼孝親屢遭兵荒堅守不易路氏通志馬鶴妻澄城人夫病故氏痛幾絕姑慰之曰死節易

無孤難勉之氏乃守節教子鳴霄入庠冰操歷六十年壽八十

於  
堂氏通志澄城路世榮妻邵陽舉人覽焯女也通經書大義適榮八年男女無出而榮故矢志苦守孀居四十餘年有司旌其門又同里田達妻和氏貢生王之楫妻張氏馬律妻惠氏馬御妻任氏扈九高妻袁氏路仕季妻韓氏石韓妻廉氏郭現妻柳氏皆夫亡苦節名重里閭

白氏舊志澄城白身室女字蒲城申起龍及笄聞龍病劇欲往父母不能強至其家未幾夫死悲咽欲絕家人防之密念夫天無後撫鬪五十年時天啓年間事也

曹氏舊志澄城常光祖妻年二十四夫亡撫子成名年八十六守節六十二年

張氏通志通判白麒麟妻澄城人夫亡終然畢欲毒死  
楊氏舊志通判杜一量妻党氏主簿路從度妻俱澄城人崇禎  
八年城陷罵賊而死

呼氏諸生李朱盡妻事舅姑盡孝姑念婦一手紡績經紀合家  
勞瘁難任欲分出幼子各立門戶氏不曰小叔未成立奈何  
貽憂老親盡感婦賢益勤力讀書未幾遭疾卒氏絕而復蘇曰  
我有遺腹胎亦覺有娠血嗣或永斬乎而均不肯氏遂自縊  
死時崇正八年十月也縣申請旌表以時守節德未舉同州王  
宏祖為作傳

潘氏工部尚書潘孟舉孫潘淵女天順初配宗室鎮國將軍公  
錦生子誠清為輔國將軍

鄭氏銅城主簿鄭照長女成化十八年配宗室保安莊簡王次  
子鎮國將軍誠涼

國朝

王氏舊志澄城楊太清妻夫死茹苦姑以少寡欲令更適氏斷  
髮守志四十餘年鄭氏張夢月妻閔歲舉丁母歲夫亡氏年始  
二十廿貧守志三十餘年如一日俱雍正十二年旌表

王氏舊志澄城民魚冲天妻夫死斷髮守志四十九年年七十  
有三乾隆三年旌表

王氏郭下里丁應奎妻夫亡茹苦自甘訓子感際力學成諸生  
復早死又教孫進開成貢生年九十八卒知縣姚欽明旌其門

孔氏長政里杜學美妻年二十五夫亡守節不嫁吳定旌其志  
以遺族孫繼之旌其門

張氏雷庄索傲修妻年十六歸傲修起二十生子數月而夫亡

有鄰婦以子幼無依誠之者氏曰雁有常匹何以人而不如鳥  
子性聰慧曉四書孝經子步元所說誦悉經戶授人書爲女師  
魏氏郭下里陳養星妻以賢孝聞舅年七十有八病篤氏夜焚  
香祝禱願以身代舅思肉急俸不能辦潛入暗室割不脛肉雜  
飲食以進舅病遂愈氏亦無恙終以壽卒里人報之刻石以誌  
其孝

王氏通德里党丙妻二十五夫亡姑老子幼績紡以補值歲飢  
族人逼奪其志氏以頭觸石血流乃得免

張氏奉政里王成肅妻年十八歸成越六年夫亡舅老子幼守  
志侍養不缺甘旨子元峯長登之耕讀家業漸充鄰有困乏者  
諭子周恤德洽鄉閭

焦氏通賢里索黃妻十七于歸事舅姑以孝聞二十四夫歿家  
貧無資叔嫂逼之改醮曰夫婦之義不可斷也守孀至老身無  
完衣日恒不再食氏欣然甘之

楊氏先進里丁拱乾妻十五歸拱乾自幼疇癯孤身赤貧氏  
無怨言勤織紡易粟敬事厥姑並養拱乾年二十五夫亡母弟  
勸改醮氏誓死靡他撫孤子成立日不再食寒不重衣鄉隣苦  
之

溫氏撲地村王成胡妻二十三夫亡貧不能給其叔欲逼之嫁  
屢毆辱之氏志益堅困苦數十年無悲忿之聲人稱完節

溫氏姬文約妻年二十九夫死無所出有勸氏再醮者氏厲聲  
絕之後無敢言者無族人子爲嗣視如己出

張氏生員權文敏妻年二十夫亡子方二歲家貧無依氏念年  
少獨居恐生嫌疑挾子寄居母家晝夜紡績音子成立乃歸人

綱完節焉

楊氏趙大任妻年二十三夫亡有子方八月家甚貧戚屬勸其改適氏毅然守志育子登第長為取妻劉氏未論一年子又卒氏益痛欲絕劉氏慰曰天道有知後當有嗣閏七月而生子遂名曰和婦姑共撫孤及長為娶楊氏未二載積又亡積妻九年歲楊劉相繼沒積妻亦守志不二鄉人憐其志議同輸救知縣梁大端匾曰三世清操賜米五石自給云

東氏雷統長妻一歲夫亡氏痛哭幾絕父母苦勸止之乃撫猶子侄為後與夫弟異爨獨立門戶織紉易衣食以終天年乾隆三十五年旌表

張氏問元郎妻年十五歸元郎越四載夫亡翁姑不能奪之嫁媼而婦四歲子成名知縣梁大端旌其門

登城縣志卷十五

五

劉氏趙溫妻年十七歸趙未一月夫亡姑恐不能守以言試之即指天自誓撫族姪立嗣後以壽終

王氏路玉聲妻年二十三夫亡遺二女家貧無以為養薪水之資者所自給又有張氏監生韓師善妻守節食貧與氏等人皆

之  
趙氏路璋妻年十七歸璋年餘璋亡無出父際瑞閔其年幼密喻以意氏泣下以死自誓守節事翁姑歷四十餘年無間言知縣梁大端旌其門

韓氏寺前鎮人袁煥妻年二十一夫亡家貧無子氏晝夜紡績糲糠自啖四十餘年足不出中門

馬氏袁九榮妻年十九夫亡無子時姑老氏承奉備極艱辛凡事歷三十餘年得其歡心族黨稱其節孝云

出氏西觀里韓首堂妻年二十夫亡姑老氏竭力奉姑苦備  
嘗姑死親身營辦合葬並其夫兄弟皆收瘞一處

王氏鐵庄人范紹印妻夫死氏年二十餘適子甫三歲氏矢志  
苦節母子相依爲命五十餘年紡績撫子而笑不見齒人以爲  
難

張氏徐庄村傅來瑞妻年十九寡子得昌甫彌月家極貧氏忍  
饑寒以績紡爲生苦節三十六年見年五十五歲

李氏魏仙橋魏運龍妻年二十七龍卒子洪對甫二歲其族孫  
魏呈剛妻李氏年二十而剛亡子學道亦二歲祖孫子母相依  
爲命艱辛萬狀對母壽七十始卒道母見年五十六

賀氏牙富里張洪蟾妻蟾卒無子伯氏有二子不爲嗣欲使他  
適氏號泣數日持刃欲自刎親族爲擇從侄世膏以繼不數年

濠城縣志卷十五

六

世膏又卒氏志愈堅伯氏感悟遂命其子世蛟嗣氏年七十五  
而卒

王氏魏洪常妻洪常卒氏年二十三子呈唐甫一歲堅貞不移  
歷二十八載如一日焉

李氏牙富里張洪引妻年二十六洪引卒二子尚幼叔欲嫁之  
氏割髮誓志後數年叔又欲使他適已密約期氏覺遂攜二子  
往母家得免其艱難辛苦鬻者皆爲垂涕年六十一而卒

耿氏永安里雷玉維妻年二十六寡一子名耿祥後爲子  
逾年夫婦俱亡留孫麒麟生翁姑年邁田產僅二畝歲歉嘗自咽  
榆皮而奉養不缺其後翁姑相繼亡將地典錢以營葬學使盡  
鳳三旌其門曰節孝

關氏吉安里李茂文繼室年二十一茂文卒氏號泣不食

覓死或勸之歸卽割髮以矢志時生子惟模方面月存前室子  
惟炫氏撫育之倍于所生始終一節年七十五卒當事旌其門  
惠氏陰泉里党曰澤妻年十九寡悲咽欲自縊後念舅姑老且  
有遺腹乃止數月果生男遂益自厲見年五十八歲  
徐氏馮原鎮張洪規妻年十八寡子世豐甫數月姑年七旬患  
疾不起氏侍湯藥始終不衰守節四十七年人稱賢孝焉  
申氏張燼如妻年十八燼如亡氏容不修整衣不華飾以禮自  
飭年八十餘卒以伯氏子爲嗣

李氏張兆麟妻年二十七夫亡翁姑俱逝有一叔二子俱幼氏  
撫叔如子終至成立年七十餘卒

鄭氏張家庄張正印妻秦安訓導龍飛孫女也年十八正印早  
夭無子翁姑兒嫂皆歿嫁之氏愈孝敬撫伯氏子女如已出其  
兒嫂感悟遂以二子爲嗣守貞四十有五年無笑容縣人皆稱  
其賢焉

杜氏長閨鎮自信妻康熙三十年歲大祲氏度夫妻不能俱免  
勸信逃亡信曰如妻何氏謬給曰有母家在信遂逃氏至母家  
拜父母畢卽歸閉戶自經鄰人哀其死而廕之信竟不知所終  
惠氏長閨鎮白文基妻王氏浴子河袁世璧妻俱早寡無子王  
以伯氏子可造爲嗣惠以猶子爲嗣俱勤家事順兒嫂鄉黨皆  
稱其賢後可造爲縣諸生

楊氏懷仁里李幸錄妻年二十夫亡撫遺腹子觀娶妻袁氏未  
幾觀又亡時袁年二十一歲有子在抱婦姑共守之風雨夜哭  
聲達於戶外聞者無不哀傷楊年七十卒袁年六十餘卒

白氏通鎮里申三樂妻年二十夫亡無子氏意決死舅姑慰之

曰我二人老矣爾死誰事我者且死夫而絕夫之祀爲其易而不爲其難未賢也氏遂厲節事舅姑今年五十八乾隆四十六年旌表

韓氏十六歸白廷相二年相亡無子痛夫之嗣就柩前泣請兒子爲已子凡衣食之貧皆自紡績中出見年六十一孫氏長閨鎮杜御世妻年二十杜亡家貧無子父兄皆欲嫁之氏矢志守節康熙辛丑歲大飢二叔逃亡氏獨居被屋數日不食飲長寢待斃有勸之嫁者輒怒拒之賴一甥賑恤得免死氏貌端肅雖私居澣濯必着裙裳見者無不欽仰性寬能忍二叔愚頑飲食或不如意輒忿戾怒罵氏不與校曰吾命也年六十餘卒其東隣楊氏韓城縣民薛時興妻時興兄弟就食于此因家焉生子彌月時興卒未幾其弟亦亡時氏年二十五守節撫

卷十五

孤與孫氏往來若親戚西隣杜氏孫夫族女適諸生李拭年二十六拭亡有子方懷抱亦撫孤守貞時遵孫之訓戒三氏居相鄰比破屋短垣時相依倚卒能各成其志然倡導有自繫孫氏之力實居多云

田氏朱奉天妻少寡無依育逾月子成立子亡撫遺腹孫備極艱苦口不言非法語鄉人重之

党氏王家河王博妻郊道村生員靈次女年二十四歲博亡無子守節三十餘年卒靈第四女適長閨鎮白縵亦年二十四夫亡無子立猶子爲嗣事姑至孝居家勤儉年踰六十卒

袁氏惠集美妻党氏惠貞妻白氏惠懽妻皆高懷邨人三氏皆年少無子苦志四十年卒袁氏知縣張承誓旌其門党氏後以

從子安寧爲嗣

楊氏長子白駒妻諸生善女年二十四駒亡初駒天婦  
恩愛最密駒病不起奠其改適氏卽於牀前誓必不肯及駒卒  
果如其言守三十餘年卒

鄭氏路井村王春妻諸生公弼女春卒氏年二十餘無子續繼  
度日乾隆戊辰壬申兩荒歲幾死終始不易隣婦有勸改適者  
絕不與言族人憐其志以子爲嗣諸生路喜雨慕其節聘其女  
爲子婦焉

党氏進士偉元侄女適張哈駒哈駒未冠卒氏年二十一子未  
幾亦卒氏矢志不嫁孝翁姑和妯娌其家食指頗多氏不以節  
被忘中饋事今年六十有二以從子爲嗣

任氏留庄村張汝優妻年二十四夫亡子女無所出家酷貧其  
弟欲改嫁之氏守貞紡績凡衣服飲食不以累之後其弟夫婦  
亦感而交愛焉今年七十有七族人爲書其行于祖祠

閻氏小河西良女年十五適南義合楊小成小成貧無行所與  
遊皆無藉氏見其至輒閉門不與而華小成怒詈弗恤也居一  
年小成與其甥翟姓者托耕北山將鬻氏氏窺知之不言與小  
成偕行至村外卽赴溝而死

楊氏任希奉妻年十九夫亡氏矢志守貞嘗于灶下掘得白金  
百餘兩呼其伯氏希聖與之曰兒幼不足付此也於是名著洛  
澗間未幾其子亦死希聖感其德以一子爲嗣年七十三卒  
孫氏曹渠村畧女年十七歸權承興閨三歲夫與亡無子撫前  
室子學譽如所生學譽年二十始知氏爲繼母孝謹益篤氏卒  
學譽每與人言及夫嘗不流涕云

權氏諸生文柄女 吳宗成妻宗成死氏年二十餘家



殷實氏儉朴自矢孝舅姑禮兄嫂取其伯氏子爲嗣縣中進士  
克偉元嘉其節以其女妻其子焉今年六十有六

權氏庵里村任三妻夫死氏年二十有子二忍飢無孤艱苦出  
狀里俗婦女好游觀恬不爲怪氏獨杜門不出者四十餘年

閻氏南義合楊相吉妻年二十三相吉亡頗有遺貲氏以隻身  
無依與相吉從弟大吉同居大吉素貧值歲飢鬻氏田四十畝  
及屋一區氏無怨言無德也晏如也年五十八卒以大吉子  
爲嗣

張氏閻鵬漢妻鵬漢平時氏年二十五子新甫四歲初鵬漢廢  
其產殆盡氏織紉孤其叔父某憐其孤寡給田六畝氏教子  
勤儉持身日月積累遂有贏餘見年七十有六知縣梁大端表  
其門

張氏西社村李順義妻諸生員張洪毅女嫁二載夫亡氏年十  
九子方數月舅姑冀其改適氏割耳自誓凜不可奪苦節五十  
二年年七十一卒知縣梁大端表其門

曹氏嚴庄村李山妻乾隆三十二年歲歉家無升合李山給其  
妻出外語妻曰我貧甚汝可再適人否意蓋欲賣婦以自活也  
氏俯首無言遂投崖死山救不及亦自縊于野木之下

王氏長閻里李福祚妻年二十二夫亡無子貧甚常依母家勤  
紡績苦節五十餘年

祁氏義井里葉朝霞妻年十九夫亡無子以死自誓撫侄爲子  
甘貧守節年七十四卒

劉氏段庄里諸生曹晉妻年二十六寡一子甫別歲貧甚繼母  
欲奪其志氏以死自誓紡績度日繼母奉湯力營葬今已四十

餘年其子口昌亦為諸生

李氏段庄里權善繼妻郊泌女年二十夫卒悲慟不食數日投

井死

張氏長閭里周潤妻年十九寡無子撫侄元璜以繼夫祀守貞

四十年卒

曹氏韋光祖妻年二十四夫亡撫子成立年八十六卒凡守節

六十三年

李氏長閭里周固妻年十九夫亡後兩月生子撫育艱辛年至

八十卒韋氏張序欽妻年七十卒

劉氏李固妻二十五卽寡有勸之嫁者流涕拒之遂弗出戶庭

今已年七十餘

李氏張述明妻年二十二夫亡守節五十年卒路氏奉政里劉

登城縣志卷十五

十一

丁升妻二十二夫亡守節六十一卒

劉氏閭東里孫桂妻年二十五夫亡教子作諸生六十一卒楊

氏党三有妻年十九夫亡年六十八卒

白氏賈郁文妻年二十夫亡守節今年六十

楊氏善化里韋有才妻二十一夫亡守節今年六十

惠氏李均妻二十九夫亡守節今年六十八歲

姚氏習四教妻守節五十餘年李氏習明道妻守節三十餘年

范氏張庭妻守節四十餘年

宋氏王光輝妻年十九夫亡守節今六十有五

孫氏梁尉妻夫死年十八遺腹得子苦節數十年鄉里為立碑

表其節

袁氏劉旬昌妻夫亡年二十無子撫侄為嗣年七十二卒楊氏

監生雷作霖妻二十五夫亡守節年七十卒

權氏董錫慎妻年二十夫亡家貧弱姑俱老苦心守節年七十卒知縣梁大端旌其門

姚氏党三喜妻章庄村人夫亡年十九苦節三十餘年卒雷振馬榮基妻年二十夫亡守節至八十餘歲卒

姬氏李丕謙妻年十八寡撫孺子作棟爲嗣

閻氏諸生章玉樹妻年二十守節至七十卒

韋氏雷鑑妻年二十一夫亡守節八十而卒

張氏連志齊妻年二十三夫亡守節今年七十八

王氏梁紳妻年二十五夫亡守節鄉人立碑以表之

劉氏張端妻端貧而號寢氏毫無怨意又病癱瘓家無餘丁氏織紡絕網爲米薪資刻醵求醫幸苦萬狀端念病久累氏託言

張氏自經死時年二十二

卒

熱甚令氏移已村邊池旁就涼給氏取茗因急投池中求死適

氏至呼鄰救歸是後坐臥不離其側以防他變端知病不起每

以父母未及合葬爲言氏默識之及端卒衆謂氏年少無倚宜

早改適氏謬曰勢應如此但夫殤羹親事未了耳衆爲營葬甫

畢卽自經死時年二十二

賈氏諸生白元妻十九夫亡撫從姪爲嗣家甚貧備履艱難苦

節五十餘年卒

張氏白庶民妻年二十二夫亡一子方二歲績紡撫子守節四

十餘年卒

劉氏楊植性妻年二十二夫亡守節孝奉翁姑撫育遺腹子卒

至成立見年六十有一

孫氏雷三縣妻年二十四夫亡苦節撫孤今六十有四東氏劉

承德妻二十一夫亡立志不貳今年五十三

杜氏孫繼祖妻年二十五夫亡守節撫子成立以續天祀今年七十有六

党氏雷濟寬妻夫死年二十四撫子守節以壽卒知縣表其門徐氏梁美祥妻夫死年二十三遺一子苦節撫孤歷五十餘年如一日今年八十有二

姚氏吉安里王永彬妻李氏牙富里段居莊妻王氏業善里姚肇淳妻劉氏姚集哲妻孫氏懷仁里楊永川妻孫氏吉安里王文傑妻雷氏業善里李作著妻張氏業善里王紹統妻姚氏王紹宗妻姬氏時庄里路之平妻俱夫亡苦節

党氏長閭里白授妻年十八寡撫姪具慶爲嗣苦節六十年馬氏雷永集妻年二十寡守節今六十餘歲李春姐縣人學愈女

卷十五

三

李春七欲犯之自縊死乾隆四十三年旌表烈女

韋氏張居妻夫族人張眼調之不從投窰死乾隆四十四年以烈婦旌表

高氏李奉翹妻年二十一夫亡許氏楊春雨妻二十五夫亡均守節不貳高氏今年五十八許年六十

姚氏魏之成妻連氏魏之顯妻龐氏楊水亮妻雷氏黃慶潛妻姚氏党緒原妻蒙氏石京房妻王氏楊太清妻鄭氏張夢月妻俱雍正中以苦節受旌

王氏魚冲天妻王氏李炳妻楊氏實從明妻路氏實水先妻張氏劉綵妻張氏李惟興妻張氏耿大觀妻郭氏王調儒妻張氏趙堯裔妻楊氏王伯但妻惠氏李澄清妻路氏諸生白雲飛妻李氏王居相妻似乾隆年中旌表

李氏西社陳某妻年二十一夫亡節不欲生以姑在無奉養者遂止甘窮四十餘年姑亡氏自縊焉知縣旌其門曰節孝

楊氏諸生呂金聲妻年十九聲亡守節七十餘年年九十餘卒其子有清妻彌氏年二十一清亡守節三十餘年卒知縣旌其門曰二世貞操

談氏焦福金妻年二十夫亡貧無以依族人逼改醮氏遂自縊里人憐之爲立碑以表其節

呼氏傅吉之妻二十夫亡守節子元菴方二歲母子相依爲命備極艱辛年七十一卒

劉氏王綸世妻年二十三夫亡遇極艱苦堅貞不二人稱完節白氏王肱妻年二十七夫亡守志不改終以壽卒

劉氏權夫端妻歸端二載端亡人勸改適氏指日自誓撫猶子爲嗣今年五十有一



澄城縣志卷十六

陽湖洪亮吉孫星衍同纂

金石十六 已見前卷不錄

唐碑三

貞元十四年集賢殿學士陳京縣令鄭公德政碑 文見上卷

杜牧功倉戶尉廳壁記 石刻失

縣之所重其舉秀貢賢也今日自外諸侯之徭者曠不能得一人況尉乎次乃戶稅而已史記河渠書曰自徵引洛水至商顏下鑿井深者至四十餘丈即此地也徵者俗謂為澄耳其地西北山環之縣境籠其趾沙石相礪歲雨如注地皆淫澗不測徵之士適潤苗則大獲天或旬而不雨民則蒿然四望失矣是年多薄稔復絕絲麻藍果之饒因無豪族富室大

澄城縣志卷十六金石

十一

抵民戶高下相差尋然歲入官賦未嘗期表顯一人因徵其來由者老成曰西四十里即畿郊也至如祭司東西軍禽坊龍殿彩工梓匠善聲巧手之徒第番上下戶互來進取挾公為首緣以一括十民之屢炊夜春歲時不敢嘗悉以仰奉父伏子走尚不能當其意往往擊辱而去長吏固不敢援復况其養秩安祿者耶加以御女官多盤穴其間遞相占附比急熱如手足自丞相御史咸不能與之角逐縣令固無有為也非豪吏真工聯紐相州賊者率解去是以縣賦益迫徵民幸脫此苦者蓋以西有通澗巨壑又牙支吞小山峭徑馳鞭馬張機置者不便於此是以絕跡不到兼之土田枯鹵樹植不實無秀潤氣象咸惡之而不家焉民所安和輸賦者殆由此倘使徵亦中其苦則庶矣尚安比之於他邑乎嗟乎國家設

法禁百官持而行之有尺一寸者率有八寸之刑今此城  
墮地不起反使民以山之崩壑自為坊限可不悲哉使民特  
險而不恃法則割土者宜乎墻山漸河而自守矣燕趙之盜  
復何可多怪乎書其西壁俟傳言者覽焉

縣令宗義仲去思碑 失

宋碑八

宋皇祐六年伏龍神廟碑記 失

宋延祐中潘汝劬玉泉觀記 失

宋龍圖閣學士王正言魏鄭公祠石刻 失

宋政和中曹景儉普濟寺靈泉記 失

宋政和中曹景儉慧光祠記 失

宋宣和初隋公泉題名石刻 失

宋宣和中知縣張綱劍建魏鄭公祠記 失

宋宣和初魏鄭公祠碑記

宋宣和初魏鄭公祠碑記

金碑八

金尚書高有邦題壁詩石刻 失

金明昌三年師節婦墓原降省符碑 失

金王嘉猷師節婦墓碑 失

金大定二年重修倚嶽廟碑記 失

金大定五年劉德重修三官殿記 見上

金大定十一年縣尉趙公德政碑 見上

金承安三年孫鎮艾公收修魏鄭公祠記 見上

金承安四年孫鎮知縣艾公遺愛碑 見上

元碑三



元至大中縣尹張洵重修儒學記韓城教失

元至元中縣尹宋傑重修城隍廟記縣尉劉宏道撰失

明碑十六

明趙寅重建廟學碑記見上

明吉人增修廟學碑記見上

明韓邦奇新修廟學記見上

明陝西僉事四明張楷魏觀公祠題壁詩石刻失

明知縣史東昌去思碑失

明知縣王選生祠碑記失

明縣丞樂韶遺愛碑

縣人喬口縣丞樂公遺愛碑自古張官置吏職思親民尤關

濟城縣志卷十六金石

三

承宣之重者莫要於丞聖朝混一益嚴茲選然欲求克勝是任者樂侯其人也侯名韶字九成世居江西臨川撫才異授是邑丞去歲夏六月督事慨然有口顧縣治襲時徒於親鄰寨以奔走服役受制於時將詣都督府躬稟命復故治解宇廛居尋就規繩官民兩便而無擾前編氓緣賦頌重逃亡者多侯招來耕墾安業自是疲瘡復蘇咸遂仰事俯育之願設法禁戢凶賊茂肆殘害境內晏然無狗偷鼠竊之害至於吏胥輩各能飭厲奉公罔或貪惰故庶物辨集視鄰邑爲首稱其戶役丁力高下衆寡不同仍品答等第科坐民無咨怨時有過軍於合備壞餽外或妄有需求執論拒止民無妄費之苦敬謁廟學增修推祀延禮師儒教養後進日課月試以期人材有成頃遇亢旱割俸齋香懇禱山神誠意感通如期而

甘澗沾足及朔望必率集庠校儒士泊耆宿講經論史讀  
律俾人知趨善遠罪之方日必雞鳴冠帶詣公視事政務叢  
瑣必躬加剴裁若挈裘領處之靡不適當嗚呼侯之政蹟彰  
彰若此其賢於人遠甚民方感慕仰觀政威丁母喪而歸翌  
日耆老趙達等謁予因請爲文紀諸石謹撫所言姑述梗概  
銘曰侯方下車惠政寬徐恩撫流離田墾荒蕪農修食足學  
與才育均賦平徭訟簡刑清邦憲宣明人知遵行姦伏糾擿  
物無遁情善敦福慶惡摧鯨橫風移俗易塗歌里詠六事斯  
全父母終天泣涕漣洏謝職南還賢侯去矣孰繼芳軌勒銘  
貞珉甘棠並美洪武三年歲次庚戌十月吉日古雍前鄉進  
士喬口撰

明知縣劉有餘嘉禾碑

朝邑工部郎中韓邦清刻公嘉禾碑口王在上海內又安口

曠之日並肩之體皆氣之所爲也夫氣所爲  
偶然耳烏足異父老曰常聞之嘉禾之書垂訓萬世有年之  
紀載之春秋夫周公之聖非導主以誇孔子之書非示人以  
不急者謹災祥重民事也古者鬱鬱之尊用以灌神故曰一  
稔二米和氣所生今日之祥何以異此劉子曰父老愛我矣  
然令無德焉不足以比此父老乃歷階而上再拜進詞曰旺  
等山野鄙人無所知識然聞之君子矣物有所感類因相召  
天子修政則祥在四夷故海不揚波重譯斯至諸侯修政則  
祥在四境故楚王將霜厥有萍實大夫修政則祥在一家故  
三鱣之降揚震乃陞今之郡縣古之侯國境內之祥非令而  
誰夫天之所彰不可奪也民之所與不可奪也君子不引高  
以違衆廢天以爲異令無辭焉劉子乃大笑曰父老勞苦矣  
其誰休就舍古人有言貪天之功以爲己有令也敢掠天之  
美乎卒弗止於是父老退而相議曰吾令長者也奈何自張  
其在吾民乎私相刻石紀其事解五泉韓子序之以詒來世  
昭令之休焉韓子曰夫循吏之政鮮言有之矣張堪兩岐魯  
恭三翼載之慶籍彬彬然可考矣夫人民者天之心也故曰  
天視自我民視天聽自我民聽乎令之職視民爲近其威名  
易矣子如存李生趙生皆從劉子遊爲子道劉子治邑甚悉  
其化俗似文翁斷獄似廣漢循吏似湯城有文武材善治兵

事澄城舊苦盜畏令屏息不敢發禾之生為不澆矣

明曾榮雷御史恭墓碑 未見

明李夢陽權博施墓表 見上

明石道立增修城隍廟碑誌 見上

明路車增修城隍廟神樓碑記 見上

明路世美增修關帝廟碑誌 見上

明路世美創修泮池記 見上

明李康知縣楊公政績記 見上

明湯廷修建社學記 見上

陽... 元吉孫星符同撰

藝文十七

唐貞元十年閏八月十七日詔諭銘紀石馮翊澄城令... 功德見本志陳京撰記

金明昌四年設宏詞科詔諭試諸進士及第者出澄城縣師節婦傳為題中選第一郭... 賦試卷後

明嘉靖二十六年七月... 朕命荷上... 百官各務... 明崇禎元年七月初七日奉聖旨朕覽韓一良所奏... 忠鯁可嘉該部即與... 處分該衙門知道

五日內指名... 後魏薛欽建言改京西二州五郡陸運畧計京西水次汾華二州恒農河北河東正平平陽五州... 綱及費麻皆折公物... 州一車官... 可推若一車取... 九疋并匠作雜用... 又和車造船一艘計舉七百石準其雇價應有一千四百疋今取布三百疋造一船并船上雜事一船剩布一千一百疋華州去河不滿六十依舊酬價車送船所船之所運唯達雷陂其陸路從雷陂至倉庫調一車雇絹一疋租一車布五疋則與公私便詔從之所省不貲

亮古樓舊志錄魏徵諫太宗十思疏今不錄

明韓一良初入諫垣疏畧

臣聞邸報見皇上平濤二召對時有文官不愛錢一語大哉王言  
挈治平之要矣試問今之世局何處非愛錢之地今之世人何  
官非愛錢之人皇上亦知文官不得不愛錢乎何者彼原以錢  
進安得不以錢償據臣所風聞一督撫也非五六千金不得道  
府之美缺非二三千金不得以至州縣并佐領之求缺各有定  
價貢監及吏承之優選俱以賄成而吏部之始進可推也至科  
道兩衙門亦半以此道得之館選亦然臣之風聞如此臣起家  
縣官而今居言路如以兩官言之則知縣爲行賄之首而給事  
中爲納賄之魁諸臣言蠹民者俱歸罪於守令之不廉然守令  
亦烏得廉州縣之俸薪幾何而上司行票或提取或餽送不曰

澄城縣志卷十七

二

無礙官銀則曰未登紙贖衝途過往動有書帕多者十兩以上  
少者十兩以下欲結心知者不在此例一年之所過不知幾多  
至巡撫彈壓一方巡按代天巡狩一經薦劾每謝金一百兩旁  
薦五十兩其大例也而近且浮於例遇考滿朝覲有費至一二  
千三四千金者夫此銀數從天降乎從地出乎而欲守令之廉  
而不愛錢乎至於科道人號爲抹布解曰只要他人淨不管自  
已汗臣惡此名柰不愛錢而錢至矣據臣兩月內辭卻書帕計  
五百有餘金以臣絕無交際之人而有此餘可知矣此猶爲有  
名之愧而臣則懼其以皇上之言路爲赫人之腐鼠也若操一  
愛錢之心錢當流水至矣臣仰承皇上下妨盡言無隱之旨俯  
思臣以天事君之言就文官不愛錢之大語不顧犯世之共忌  
其諱滿盤托出伏乞皇上大爲懲劾訪其愛錢而納賄之尤者

逮治近賊一可以砥臣節一可以振世風一可以助軍餉并嚴  
勅督撫代巡諸臣薦賢原以為國何以因而納賄部院科道諸  
臣內外止此俸薪何為受彼兩增使諸臣以後視錢為計懼錢  
為禍或勸廉懲貪有詞而可幾不變錢之世弊矣若止曰該部  
申飭行而已也臣未見其有改而禍且申於臣矣至南之有源  
而導之有繇臣猶未敢深言也臣不勝激切待命之至

國朝知縣姚欽明申除荒糧文

照得澄邑節罹寇兵疊值旱澇致令城內居民僅有六家總計  
人口未滿二十併使郊外闕闕半殘垣敗壘野中地上竟多  
萊塿荒邱職受事方新事事掣肘查得田產之荒蕪起於地廣  
民稀斯民之流亡由於賦煩多盜招盜之故有門蓋水縣南薄  
同朝西交蒲白北與宜洛為鄰凡二百餘里一百里外中隔龍

澄城縣志卷十七

三

山便屬隔府東與韓邵接壤僅四十餘里八十里之外東渡黃  
河便屬異省黃龍一山綿延東北凡數百餘里實為逋逃藪不  
獨澄之筑獨與諸縣無告之民錯趾蜂屯併延安之流離晉地  
不戢之徒攘臂蟻聚此多盜之一故也各邑貧民懼荒糧之株  
累絕丁之嫁繭逃避催比一遇群盜繫維入夥此多盜之二故  
也有群盜流劫被擄雜民無計逃回勢成騎虎者此多盜之三  
故也一人入盜累及一家一家入盜累及一甲苟被擄人告發  
便奉明文照提防兵鄉勇遂以獲賊為功不問逃回之難民脅  
從之被擄均指為賊乘機捕捉強詞答應則立膏鋒鏑俯首就  
擒則久淹囹圄以致難民不敢逃回鄰佑併驚逃竄此多盜之  
四故也拋荒之故有五戶敗丁絕無人佃作者此必然之地荒  
也牛種莫措無力耕種者此不得已之地荒也或兄弟故絕

糶莫游或從前流離舊逋未歸思欲開墾恐添苦累此不得已  
然之拋荒也或繫累於強寇或轉徙於他鄉思歸故里以復生  
業恐索舊逋併提前案此無可奈何之拋荒也或兄弟被擄或  
親戚逃避承佃無人之產恐追原主之人此不敢承佃之拋荒  
也嗟而疾苦哀此痼疾匪但糧草不敷者恨產業之爲累併有  
徭役無措者痛皮骨之僅存風鶴之聲唳旣日驚之塗炭之中  
胥役之追呼復時促之水火之際牧民者之如傷如保之仁爲  
下者多益淡益熱之嘆蕭條滿目淒楚傷心合無懇乞大開湯  
網宏沛堯仁體天地好生之德行朝廷不忍之心俯准從前之  
荒地絕丁糧差盡行蠲免從前之脅從被擄罪責悉與寬宥雖  
被告發亦誘以自新之路卽奉照提併開其悔過之門一切號  
件悉准註銷微但不辰之衆望樂境以歸來併使多暴之徒均  
斯民幸甚

明韓邦奇重修譙樓記

古今有未遇之賢無難舉之政有不善之治無難治之民是故  
人存則政舉欲善則民善矣昔漢廣陵前後二千石治之者幾  
人而盜起張綱單車之任而盜降顧一廣陵也而修亂之異者  
治之者賢與不賢善與不善耳吾陝之澄城素號難治吏於茲  
土者多患苦之謂其地瘠而瘵也謂其事劇而難也謂其民健  
而尚詐也夫瘠而疲則賦稅多逋欠劇而難則應酬多積滯健  
而詐則詞訟多誣枉是三者皆尹之要也且弗盡而况他及乎  
是故緣治學宮城垣凡百皆操弗緝敵也甚矣嘉靖癸卯三齋



鄭公來尹斯邑不數月 道者完滯者通訟者平且簡皆數十年  
之廢頽一旦振而起矣 于是民和頌興邇悅遠聞乃撤舊樓而  
增損之曾未旬日煥然 完美縣宇城門齋堂皆將次第而更新  
焉何昔者難而今之易 人所難而公則易乎吾聞公之治澄也  
嚴而弗刻罰止于懲奸 寬而弗縱仁止於惠良庶而弗激取止  
于常祿夫三者皆政之 經也公兼有之況以培龍之手為割鷄  
之用乎然則澄之治也 又何難哉是舉也工大而弗費役省而  
成速下無取於里甲上 無損於庫藏云公諱光溥山東益都名  
族京闈解元戊戌進士 拜監察御史左遷今職立石而記公功  
者二尹金君時用也法 得附書

明馬躍如徐公吏坊記

吏坊詳記記慎坊吏而詳及其餘也夫吏坊弗慎則弊滋弊滋

澄城縣志卷之七

五

斯害政斯無完吏其流 至於不能官不能縣者多也澄城吏坊

弊甚矣久矣房科諸不 能蔽風雨架閣惟嘉靖二十一年黃冊

日無整快弊其能已矣 哉解舍圯久相率如館店散處甚至開

淫速訟弊豈不愈滋哉 無惑乎無善政無完吏或者淪胥於矢

德而縣綱極弊也近甲 辰曆天乃不遺澄人泣以待御一由縣

公式振百度政肅化行 吏固不需于坊而弊自戢矣乃乙巳夏

即遷秩越秋暮泣以凡 江徐公徐公首惟慎若坊以補若弊顧

乃謀請雅州楊太守庭 偃師白大尹文魁合州姚判官卓德陽

王三簿維翰行事於社 學申明亭則日警于邊報盡力乎教場

城壁并泉而未之逮也 適丁未麥載孰既完詳察院分司府

館以備學門攝官令爰 始經營房科解舍為維時事簡信字羣

心設泮水幾坊科東西 翼如解舍南北井如圖籍成架刊典比

塔爲鑰惟嚴固復縱逸 史蓋裁然有功而獎無容滋矣惟九月  
初旁及獄禁女監預備倉養濟院將訖上則嚴霜殺稼民思情  
然余公曰吏坊飾矣茲所墾三泉諸荒田餘粒無復厚功矣于  
是急完馬廩姑置他獎以俟有年越己酉夏麥再熟二門適壞  
則撤而新之且完飭諸堵圯尋立四郭門以嚴捍衛載以所緝  
填隙地請于諸當道分給富民令各修立社稷山川二壇及名  
宦鄉賢二祠成一日儒學訓導石州王幾賢昌王得祿乃令二  
三子約躍如輩共登一山鄭公所爲蕪樓觀厥成曰今而後政  
日稱善吏舉獲完與能其官而成縣俗者詳記於學宮是歲六  
月十三日饒諸石

國朝知縣王用傑重修察院記

邑何有察院也自代巡之設設而郡縣皆立行館焉以爲止宿

大興縣志卷十七

十一

宜糾之所與邑治並建無或缺焉澄邑屢破以後灰燼矣余以  
三年六月治邑行李之往來使傳之雜還宿於民舍過客怒其  
不宿每加可譴不獲已請於當道可之因重葺焉姚鑿土木匠  
石之費一自囊輸而工力覈游手之民助之日飯二分饋績垣  
六十丈正堂五楹退食寢與五楹書記厨竈房共若干間儀門  
甬道正門隸人伺候寢屋若干間蓮成者縣相周閔生也記撮  
民工者工房白我生也督工者王家勳石相白坤也工始於四  
年十月望日落成於五年正月廿日既峻而唱然曰周禮王國  
有賓賓國有賓敵國有賓各以其至獻廷實庭燎焉館垣夷隸  
而晉衰橋梁不修而陳病今何時也而使郵傳停息巡行不入  
乎雖曰勞民無所逃罪矣今令姚侯外設馬廐而規模始備等  
作者極其善成王賓貴賓持斧巡方誰何而至者諒其不獲已

之心締造之艱不敢述也謹記

金陵州錄事進士郭激試作節婦序傳贊

序曰自古婦人見於旌表紀錄者不必他才能但孝節貞烈而已有一於此足以光華彤管歌艷青史若夫陶母斷髮陵母伏劔指趙括以全宗聞食我而嘆族三遷示教萬里代征樛木求賢蠶斯不如其先幾之智訓子之慈忠以為君賢而逮下固非常有至於投水求死惡賊斷手臨江負石託階致養一槩之善實有可嘉若蔡女文而無節王妻辯不失貞尚且列於漢傳標諸晉史與今所謂師氏者固有間矣謹錄之以為節婦傳傳曰同州澄城縣太平鄉雷某妻者姓師氏與夫同鄉里婦家世為農十八歲歸雷氏性孝謹年二十四夫蚤死事舅姑以彌篤姑病且革藥石不效氏潛割臂肉雜飲食以進病良已居久之舅姑各壽終追養不息守義謹禮不出戶庭者二十餘年矣夫之猶子雷判利其產密合其兄師達潛構媒妁私許本鄉楊珍欲奪而嫁之氏初不知也及期強師氏行師氏大驚愕誓死弗許楊及其兄訟於縣誣氏親受楊幣媒妁証之師不得明縣勒氏歸楊氏呼曰天平不諒人只乃赴庭井而死聞者莫不傷其冤而咎其縣提刑司上其事請加旌賞尚書省具以奏聞上命賜其美名有司議師氏貞潔足以激頹風端謹足以為婦則介焉如石可裂而不可卷白焉如玉可碎而不可繼求之古人未易多得謹按謚法能固其所守曰節請謚曰節上可其事仍命縣官致祭焉史臣曰三代之時教化有素自君國之后大夫之妻下至江漢游女皆能以禮自防借無如忌闕靡之化洋洋盈耳女王道衰禮義壞末習旁流于僻老楊墨之邪說三綱五常之

道有行象美之端求之上大夫尚惜不知名節之風替矣兩漢  
以來匹夫匹婦倘有一髮之行者朝廷莫不遂嘉旌獎表以  
顯風勵褻俗然書於史冊者亦無幾才難不其然○婦人節  
志有可□□□□之夫□□□□致難進之禮以防  
之猶有自辱其身者□□□□終身不易及被誣誣以死自  
明可不謂之節□□有尊爵重祿以自居一旦臨小利害固不  
待人□□輕其去就其視師氏爲何如哉贊曰伊雷之妻○師  
其氏守義終養安貞一紀不幸被誣明心以死悠悠蒼天不諒  
人只名動朝廷恩光闕里賜以美謚筆之信史旣端婦則亦告

君子

藝文十七

明進士張邦俊節婦孫氏傳

墜井婦者三雲縣孫公女也字諱嘉士字名彥號異澄娶王氏去抱俊才應黜朱依數奇命寔意外孫山有奇氣尚節義生婦於隆慶丁卯十二月初七日質婉氣警不類凡兒自孩提以至等字未嘗輕一言笑嘗聞父敬戒從一之旨若有笑者年十八擇配邑庠生鄭柄恪修婦道大爲姑氏奉注相夫苦學期於大成不意穹蒼靡佑夫病作婦供湯藥滌便溺焚香籲天誓以死代未幾夫疾篤甫屬續而婦忽不見姑急索之已墜南院井中矣姑急呼家童數輩至井問井中有呻吟聲姑大呼曰婦勿

續漢書亮吉孫星衍同撰

卷十八

十一

十一

十一

十一

十一

十一

死婦有幼女婦死誰爲乳之吾老矣婦死誰能事之井有垂縋可攀握而上婦依稀唯唯家童輩挽縋而婦隨上得不死初婦之墜井也井深三百尺水深丈餘婦墜水底俄而躍起水面面有垂縋縋端一桶婦足履桶上乘縋而升比及井上衆方挽婦髮是身而桶柄忽折桶落井中夫墜井水深丈餘必死不死而躍起水面乘桶而升桶柄折必死身出而柄折桶墜嗚呼異哉嗚呼異哉婦出井握髮整衣一如常態纖無撲損伏夫屍下哀號如禮期以事姑乳女事竣方死已而幼女爲又百方竟死婦氏憐其孤分其女以女之嫂氏恐其斃分其子以子之姑氏哀其苦倍其愛以撫摩之方是時也按夫柄生嘉靖四十二年九月二十四日至萬曆十七年四月廿四日死方若干歲婦至夫死方若干歲人意其年少孀居空門悲不堅結則勉探井曰勤績

幼事姑終身卒以壽終子雙子鄭蒙俊娶婦生子卒承夫祀今年三十有七終身樂可卜也邑令高君福曰貞靜超塵教諭楊君扁曰烈義可風後主簿王君舉入署教諭文君咸有題咏予遂按狀作傳著詩并錄諸公題咏以傳

布政使司王宏祖李烈婦呼氏傳

李烈婦呼氏徵之時庄里人也父曰應禎闕鄉承母曰杜媪出故廣靈令一肯丞無男子婦生而幽閉貞靜言笑不苟相攸得邑人李自誠子朱蓋委禽焉婦有至性時對父母而泣生子不生男豈能長繞膝下哉子歸爲李氏婦相夫勸讀機杼伊吾聲相繼也申且不休朱蓋以是爲博士弟子員事尊章孝如其母而章則繼叔郎有欲析箸異財者婦不可吾夫妻年事可經紀門戶奈何以少子累翁姑拮据辛瘡里人賢之朱蓋避危證婦

卷十八

二

知其不可爲也晝夜侍疾血淚與湯藥同煎崇禎甲戌秋仲章而訣婦從一而終若所習聞吾遊矣女德不爽遐恤我後婦痛而絕絕而蘇君子知我狗彘我乎當是時婦有遺腹剪髮割耳以見志爲此一塊肉未敢即從地下若免也男君之幸也妾敢憚勞事不可知髮耳具在尚豈忘心於是忍死自護度幾誕彌厥月秋季竟以哀傷墮胎則婦嬰孤時又疑媵有身先君子血胤無斬若子吾子豈必屬毛離裏哉已而知疾也非孕也則望又孤死志遂決不可復回婦之父母逆而歸與其鄰婦慰解百方應之以笑旋復大哭翁姑有子能特無後久滯人間世而從地下人謂未亡人寒盟乎防者甚周不得聞也冬孟望日攜一婢禱翁疾抵其夫家商寄以絮衣授翁姑莫識其意越二日漏兩下卽枕自經回寢者覺而啓視氣已絕矣顏色如生五百不

敗博一死子與君而人鄉紳韓給紳一其歸命志士誓若而人  
聞其事於有司贊曰死固難處死尤難下宮之難客思越氏者  
謂死易立孤難烈婦忍死委曲以延夫祀天不許李朱輩然而  
圖難不濟以死繼之又未可與輕生殉名同日論也朱豈以婦  
不朽丞之夫婦亦不朽李氏子死子生人之顯親揚名豈必  
須有丈夫哉爲傳其事俟觀風者采焉

明石道立習文學瘞旅文

嘉靖庚寅歲余偕諸友卜舍考業適邑城隍廟有置棺東廊者  
詢之父老但云洛川縣主簿家久不知響土亦不知姓字越三  
載無人歸葬且委棄厠中至有發其棺暴其尸者予每見輒撫  
膺流涕謀爲掩覆值俗務紛錯竟不果迄今歲壬辰三月某日  
始卜邑馬壇之良隅掘一坎瘞之又以肴一豆飯三盂化冥紙

洛川縣志卷十八

三

三封吁嗟涕洟而告之曰嗚呼傷哉爾伊何人顧暴露於是耶  
吾澄城庠生習朝用也吾不知爾郡邑爾胡爲流離棄捐爲茲  
土之鬼也耶古人重離鄉間爾從宦遊志不遐溫飽耳乃竟隕  
厥命是則可哀也憶爾屬纊時啓而手足妻耶子耶是則可哀  
也使得返柩鄉曲依松楸卽幽宅爾心亦少降矣今若此是則  
可哀也吾雖不爾識但寓形宇內吾同胞耳念殘骸之無依軫  
懷嬰念凡三越歲矣今乃持衾歸來瘞爾者將以安爾魄慰吾  
心焉耳爾縱不吾知吾能爲爾已耶吾意爾放而死抱無厓之  
悲矣吾爲爾釋爾聽之夫東西南北同一中土也何懷鄉之悲  
哉長天厚地吾大父母也何遊子之悲哉四海之內皆兄弟也  
何孤特之悲哉吾瘞爾卜於斯則時祭永錫矣無以無子悲也  
遺考之塚壘壘可與呼嘯而非爾矣

無以

終世美序唐魏文貞公北徵家譜記

按北徵唐太宗賜鄭國文貞公魏徵莊田也其子孫世居焉今大賢里有魏公墓南北鄉頗多魏姓以邑乘考之且世有聞人吳邑侯展公祠宇詢其後嗣皆言自洪治初縣丞竊譜一事默然久之一日思公祠址寬濶必有遺碣因而修築緣垣掘土求之果得鄭公七尺大碑深以爲奇及沉閱全文乃唐縣令鄭楚相德政非公事也雖然楚相爲昌黎好友碑文又出聖諭學士陳京所撰而書之者名卿鄭雲達也踣芳文粹筆精氣邁斯亦足寶矣且求一鄭而得兩鄭不亦奇異矣哉侯卽分俸砌龕并合而貯之又爲補其斷文別刻于右再鑄全帙以俟割補焉然而文貞世系不見明文終屬憾事曷示三鑑也于是攷集遺書續厥家譜又勒貞珉甃于公之葬左與唐碑巋然相望文貞苗裔自是血食不斷矣是在順治十七年之三月也余維車鐸發兩池鐵會飛理固有之而續譜以存先臣之嗣垂世以昭大賢之祚其用心良厚矣事關文獻是烏得以無記吳侯諱定字澹菴江南人

國朝張秉直王官城辨

邑西北六十里歸安村有王官古城遺址邑乘謂左傳穆公伐晉取王官及郊卽此予嘗登覽其處周國約二里許基厚二丈餘地瀕溝壑城小而固非居民所築無疑於其地得古瓦一完好如初潤一尺零長一尺五寸微弱背有深紋形製朴拙儼周秦間物也史記秦穆公三十六年大敗晉人取王官及郊括地志云王官故城在同州澄城縣西北五十里南郊故城在縣北十七里又有北郊故城西郊故城也水益本譜此予讀史記秦



紀穆公十五年與晉戰於韓原括地志云韓原在同州韓城縣西南十八里二十四年穆公使孟明視等將兵伐晉戰於彭衙括地志云彭衙故城在同州白水縣東北六十里是時秦都雍晉都絳由雍及絳自西南而東北則今韓都汾自多秦晉交兵之處志以邑之王官爲穆公所取之王官蓋有山矣然考春秋左氏傳文公三年秦伯伐晉濟河焚舟取王官及郊晉人不出遂自茅津封穀尸而還曰濟河則已踰河而東矣曰自茅津濟茅津今平陸縣古渡杜預所謂大陽渡是也南對陝州則又踰河而南矣初晉殲秦師於殺匹馬隻輪無反者拜賜之役又敗秦伯不以孟明再敗爲罪孟明於是致死於晉晉人避之故能深入晉地取王官取郊又踰河而南封向所覆尸還然則王官與郊當在河東晉地不得以邑之王官當之明矣又考括地志蒲州猗氏縣南二里有王官故城亦秦伯所取廣輿記臨晉有王官谷上有天柱峯高擗雲表唐司空圖隱居處也春秋傳說彙纂王官杜注晉地今山西平陽府臨晉縣東南七十里王官谷有廢壘卽其地也郊杜注晉地當爲臨晉平陽間小邑然則秦人所取之王官乃臨晉之王官而邑之王官亦周秦間古城偶同其名括地志兩存其說邑乘不考失於附會焉耳夫古地可考者大都自春秋以後然乖舛訛誤如斯者不可勝數自禹平水土以後玉帛萬國歷夏商周千有餘年其間都邑之墜翼人民之蕃阜夏商先王朝觀會同之所不知其凡幾也而今皆湮沒於斷壟荒草間學士大夫無能過而問者嗚呼可勝道哉

秦水以漆沮者有三一其卽河渠畧之雒水又名漆沮者耳  
一在漢扶風地近西一在漆馮翊地居中一卽雒水居東詩云  
民之初生自土沮漆傳云沮漆二水名在幽地山海經滄次之  
山漆水出焉水經漆水出扶風杜陽縣今麟遊縣俞山東北入於渭  
酈道元注引班固地理志云漆水出漆縣西又引關中十三州  
志云漆水出漆縣西北岐山東入渭又云今有水出杜陽縣岐  
山北柴溪謂之柴渠西南流注岐水但川土奇異今說互出考  
之經史有所據識薄見淺無以辨之予按今扶風縣有漆水  
南流與渭水合入渭水經謂東北入渭誤而註謂西南流注岐  
水或今昔異地或者據未真此漢扶風之漆詩傳所謂在幽地  
者是也然酈注又引尚書禹貢太史公禹本紀云導渭水東北  
至涇又東經漆沮入於河明一統志因之遂言馮翊之漆出自

扶風縣志卷十八

六

鳳翔扶風則誤合幽之漆沮爲禹貢馮翊之漆沮其謬甚矣然

詩言漆沮而沮自孔穎達正疏卽云未知所出今亦不敢臆說

要不出幽岐地可知也禹貢漆沮既從灋水出同又云導渭自

鳥鼠同穴東會於灋又東會於涇又東過漆沮入於河予按此

漢馮翊漆沮也地理今釋云漆水源出西安府同官縣北高山

經縣城東合同官水西南至耀州與沮水合沮水出延安府中

部縣西南流經宜君同官二縣境至耀州城南會漆水東南入

富平縣亦名石川河又南流至臨潼縣北交口鎮入渭予按此

禹貢所謂漆沮既從又東過漆沮入於河者是也此兩漆沮見

於詩書其有漆沮名宜矣若洛水之名漆沮則古無聞焉有之

自水經始淮南子云洛出嶺山高誘注云嶺山在北地今慶西

北夷中東南流入渭雒出熊耳注云熊耳在京師上雒今雒西

雒今雒西

北子按洛雒古字通用然八渭之洛不可同於上雒之雒猶幽  
之漆沮不可同於禹貢馮翊之漆沮也明矣水經沮水出北地  
直路縣東今延安府宜君縣過馮翊被翊縣北今耀州直隸州東入於洛  
陝西通志子午水在宜君縣北一百三十里源出子午嶺東南  
流入中部縣合沮水沮水在中部縣南亦自子午嶺來行二百  
里東南流入洛水予按洛自名洛本無沮名源出定邊堡今改  
澗口峪中琉璃廟前北至定邊百餘里其水出土卽濁異於他  
水西南流經保安塞地至甘泉縣又東南流至鄜州交口蒟  
盧河入焉蒟盧河卽通志所謂合子午水之沮水也源出安化  
縣界水坡西南至慶陽府一百八十里東南流經合水界至鄜  
州入洛誌謂源出宜君子午嶺非洛又南流經洛川中部宜君  
界又東南經白水澄城蒲城界至三蟻子橋西受白水白水俗  
亦名漆水卽水經所謂出直路之沮水也又南行過同州至朝  
邑入渭其地俗名三河口謂洛也渭也河也洛本入渭時或入  
河以河性善崩遷徙無常故耳然則洛本名洛以受二沮水或  
亦有沮之名故顏師古曰洛水卽漆沮也而諸家或昧其原或  
誤其流舛訛承襲迄無定說良以水行千里蜿蜒嶺嶺山民能  
知而不能言學士大夫鮮或經歷其地其阻滯不合蓋有由矣  
夫禹貢所載山川紀其疏通所及者耳非若山經地輿之臚列  
靡遺也洛水自澗口發源千里而遙皆深谿大壑水卽泛濫不  
能旁溢故洛雖大於漆沮無功則不紀自其宜耳漆沮自耀州  
出山歷川原適岡阜卽時有高低下要總平疇數百里與民居百  
有襄陵之勢自不能免此禹貢所以紀漆沮而不紀洛水也諸  
家見洛水大於漆沮又洛亦有沮名故說多穿鑿今悉錄條辨

以解歐庶後學者不迷焉延安洛記云洛水出慶陽府環縣卽古洛源縣也經延安府甘泉縣卽古雕陰縣也經鄜州宜君縣于午嶺至中部縣入西安府界經耀州及同官縣至富平縣合沮水歷蒲城同州至朝邑縣東南入渭予按陝西通志所謂合于午水之沮水俗名葫蘆河者源出慶陽府安化縣在府東北一百八十里與古洛源縣鄰洛源漢縣名也或漢人失考以二水同流誤以此爲洛源耳至謂經耀州同官至富平則又混入禹貢馮翊之漆沮矣洛水至鄜州卽折而東南耀州在其南中隔大山數層烏能至彼哉洛記記洛之書源流舛錯尚如是他何怪乎水經注沮水一源俱出直路縣東中分爲二一南入渭一東入洛其言入洛也曰東運粟邑縣故城又東北流注洛粟邑今白水縣也是合洛水所受直路之沮與禹貢馮翊之沮爲

一水也夫直路之沮源自東注馮翊之沮本自南行源雖相近中又有山隔限阻折下流或東或南莫能相通豈可謂其同源中分乎孔傳曰漆沮二水名亦曰洛水出馮翊北周禮職方氏雍州其浸渭洛鄭注洛出懷德按漢書地理志云懷德禹貢北條荆山在南下有彊梁原洛水東南入渭懷德今富平縣地與白水隣曰荆山在南直路之沮正由荆北是亦白水入洛直路之沮也其曰洛者蓋據所入言之耳然孔傳之言原釋禹貢亦曰洛水豈馮翊漆沮亦有洛之名乎程氏大昌曰雍地四漆沮而西三派禹貢漆沮惟富平石川河正當其地漆在沮東至葦原州今耀州而西乃始合沮沮在漆西旣已受漆則遂南東而合乎洛洛又在漆沮之東至同州白水縣與漆沮合而相與南流以入於渭三水雖分及至白水縣遂混爲一流予按程氏以禹貢

潞川爲石川河是矣然潞原以石者卽石川河之上流白水合者乃直路入洛之沮水一自南流一自東注鳥鼠山爲一子至發字記所言沮水自坊州拜平縣今名入北子午峽出則通誌宜利之子午水也下合榆谷慈馬等川遂爲沮水自通誌初入洛之沮水所謂潞川也其言潞非與通誌同而謂至潞州潞原縣合潞沮復入潞黃河潞沮水又入子午州就邑入潞其失大都與洛記穆氏大同同而穆傳引此經書爲未安大地與山水從古矣論元秦中水以沮名者雖有潞沮則謂之古公爲也華原有潞沮則謂之高真篇也洛水又受二沮則水之沮與通誌子午峽之沮也洛既受沮宜有沮名據孔安國信則潞沮亦有洛名矣名既紛濶其流派錯亂如諸家之說亦復何怪乎予採摭群書世以所聞附自謂精審然猶簡故牘尋

潞城縣志卷之八

九

潞城行野老商販傳聞鄙俚未獲親歷其地山川有靈夫又安知不啻然笑其陋耶

張永直潞城山水考


旗山在潞城縣西北八十里北連韓城諸山形勢高聳爲潞邑諸山之祖南行二里許爲覆釜山又東南行二十里爲將軍山又西折而南可五里許爲鳳山鳳山有三枝西枝盡於略東枝下行則縣嶺也中枝南行二里許爲社翁山山有社神廟乃土民祈報之所自旗山至社翁山可三十里社翁山下則山之麓也縣西河源始此旗山西折而行里許爲武帝山武帝山高與旗山齊兩山對峙一四中分如門闕然所謂雲門谷也四北水北流二十里入潞川城隍川河凹南平田八十畝田外直四正中有山崛起巨石轟轟如樓形獨秀異爲石樓山俗名石塔白

嶺山下諸山皆土山戴若此小峯猶經石孤挺似終南名勝澄  
他山皆不及也旗山東南山峪水泉會爲大峪河總迤左勝山  
西北而東南而正南復折而西遙臨高原北至蒲城縣界入維  
俗名撲地河旗山正南山峪水南流十里許折而西至魯家河  
會武帝山石紅蘿谷諸水南流爲長寧河入維界頭山在武帝  
山右北界洛川又西南爲壺梯山則踰長寧河而西矣舊志指  
郃陽之武帝山爲此武帝不知其實二山相去四十餘里云  
張秉直維水諸險記

河之險以三門砥柱江之險以灤瀕瞿塘江河大水也舟行由  
之故世艷稱焉他小水非無險由無名故不著關中之水河爲  
大渭次之涇又次之其次莫若維史記河渠書武帝欲穿渠引  
維以澗重泉者是也維水至澄白始大其險亦始奇有名三娘

橋者一娘橋者有名分水嶺者又有名湫頭者湫頭在河下流  
右懸崖高可十丈河自上瀉下怒濤奔波聲如雷轟自下觀之  
又如萬斛珠璣鬪空傾落激湍濺飛百步外不可視湫上夏  
雨暴長走石流砂滾滾不窮下卽平夷求拳石不可得造物生  
化之機亦神矣哉分水嶺在河中央小山孤峙如獬豸踞坐形  
下石上土高十餘丈大不盈頃上有元武廟修真者常居之按  
爾雅水中可居曰洲石山戴土曰崔嵬茲本洲也而以嶺名邑  
人之無學可知矣宜更名獬豸洲湖嶺上二里許爲三娘橋橋  
上下岸底皆土此獨純石怪詭參差攪河中流如螭如鯨如鼉  
鼉鼓浪如蛟龍鬪水如雲雷轉轉纏護中分三峽瀉水潤僅丈  
餘舊有橋今圯橋下亂石排堆旋者似螺方者似鼉頸長者似  
龜昂嶺狀怪離奇不可名狀要與嶽石皆根帶相連地理家言

類也哉徐諱被賢  
錢塘人例得附書



陽湖洪亮吉孫屋衍同撰

卷十七下

唐魏扶知禮關入院題一首

古樹葉落滿庭陰鎖閉朱門試院深曾是當年辛苦地不將今

日負初心

無名氏隋公泉一首舊志稱適菴老人

在事無窮莫漫傷野泉今日水猶香最憐清澈明如鏡幾度宮

廷照晚粧

宋張舜民過鄭公莊一首

破屋居人少柴門春草長童兒不識字耕稼鄭公莊附註言係

民寺其雙字

同兩時過此潯城縣志卷十九舊文

金郝子玉觀妙堂一首在崇壽宮

至道繇來瓦礫間心通萬境不為難道人若到觀空處此理殊

無妙可觀

元潘汝勛遊玉泉一首

十日遊山歸未能杖藜又作玉泉行長材未許如人意時送一

天風雨聲

元郭思德過精進寺一首

離離禾黍起秋風馬踏晴川氣最雄武帝水深淪漢鼎肅宗幸

古隆唐鐘滿天秀色梁山腰一帶清流落水濃前去西州望不

遠塞煙連草有寒峯

明梁燾賑貧一首成化二十一年

匹馬馳驅不敢安可憐黎庶日凋殘無端劫殺終身苦百結難



我亦曾過此清荒涼鷄犬散妻孥  
少莫道身心得自寬

明張忠布政分司題壁一首

一泓澄水尚依城避暑遺宮易治平  
錫地唐臣惟廟祀掘鎗漢主有泉名  
洛河岸柳人爭渡古戍花封鳥亂鳴  
欲訪王家貞節事斷碑荒塚草烟生

明于璠過古徵一首

古徵舊邑洛河邊閑訪遺蹤思惘然  
避暑殿爲泰佛殿洗腸泉作谷溪泉長  
卿政美存遺廟鄭魏功高有錫田  
昭代只今恩澤厚風流民物勝當年

明曹璉按察司題壁和韻一首

洛河東渡入澄城淵谷盤紆路少平  
漢武掘鎗泉尚湧隋文避暑殿空名  
春來古寨寒煙鎖夜靜荒陵亂鶻鳴  
惟有魏貞庄賜地祠中遺像凜如生

澄城縣志卷十九

二

明伍福澄城道中一首

阡原落木曉霜凝按節衝寒入古徵  
避暑宮存思故主洗腸泉在說神僧  
日暄羅谷丹霞騰濕瀉雲門素練騰  
憤得叔敖爲政處去思碑石到今稱

明張楷魏鄭公祠一首

古屋荒坪下青山對茅茨停驂拜  
成形成宛然貞觀時念昔納諫日  
剴切無回思朝朝十漸疏古今良  
足師平原莽秋草封邑皆陵夷幸存  
馮碑譜得考文貞祠

明張廷用題壁一首

地赤天黃日月風雲變  
從從龍鎮日雲若看將  
又備哭夫

啼破屋中

又國中飢行一首呈普賑李少參

今年旱比前年旱麥豆全無粟木

摘聊克賜可憐滿目皆飢民野菜

火更多逼馬鳴空村困路流離命

完衣面若鵝鄭穢當時盡不足議

發粟自古周急先極貧豈期官府

肯還恣高下手憲檄都恐貧失字

覷面顏團聚官衙前鎮市嚴寒瑟

向前懸所語不達賜緣何鍾甚大

極無人矜幹旋打點勸須利富與

皮悔不默默眠茅茨哀哉此生胡

與聖廟縣志卷十九藝文

不如無生好生在人間枉憂惱縱

月過顛倒那移竟無蓋造册匆匆

審不實欲親視三番五覆空勞碌

又哀時俗一首 故白傅體

把酒思閑事民風漸不淳婚姻貪

巧收成諧鬼神憑君勸一醉醉了

又普濟寺一首

土山盤屈勢層層中有招提十二

祀佛圖澄金沙谷共名俱泯雷南

紀可緣道俗信迦陵

明軍路甘泉一首

獨坐寒岩聽野泉參同一卷蓮元

半大家不用萬斯箱小家庭

根盡糠為殮最苦數日不

如綫何止青州四十萬身無

賑幸賴汲長瑞內帑發銀倉

知不真貧富已在里老口爽

星火遣官再三至遍踏鄉落

瑟利於刀支羸扶老相呼號

葵秣期告賑延殍生誰知貧

乖猾况有情酸風鱗面身鷄

不辰有生無食胡為人有生

三

賑不救眼前餓一賑况今雨

世摛塞又說上司有鈞旨惡

待到賑時恐先死

幣喪葬弄虛文服飾誇新

若無聞

楹碑古豈知曹景儉時移不

泉隨法尚靈縣乘蕪詞猶未

元不知老眼寬多少萬里青

山小似拳

又清京院一首

誰構禪林接太空斜穿曲徑與天通樓臺隱隱千山裏鐘鼓轟轟一水中鉢洗澗邊常注露坐移松畔自生風問來帶月和僧話擾擾紅塵便不同

明解允樾題青蓮寺路一元洗龍虎齋壁一首

我生寤寐王叔明獲見一元八十翁胸中夙有全丘壑筆底謔爲造化工有時爲我畫龍虎怒作之而霆電舞忽然長嘯海天秋驚蘋蕩瀲如可觀意匠居先腕肯之游戲丹青任酒卮等閑識得鴻濛面天地原來一繪師谷口停雲如匹緝洗腸漱布涌墨濤悅生遠韻等鴻毛有時稅駕崆峒高太華終南手可樵豈受人間名利費

明知縣陳璧和姚武功縣居詩三十首之二

繫縛繁難地彈琴慚感齊風興驚鳥宿遲寐嘆鷄棲疎拙宜商祚逢迎耻夏畦思之真爛熟細和武功題

明知縣徐時勉特授澄城縣知縣一首

荒城獨坐虎狼餘烽火銷殘草木疎只合劬勞安澤雁何堪朝暮駭山狙三年下考醫瘡賦一篋中山射影書賴是聖朝無棄物其如日暮想柴車

明張楷過澄城贈知縣楊季琦一首

宣德初年仕雍州此地淒涼三日留縣官疎庸吏民散百務解體誰能收今持憲節循長俗政事有條黎庶足民風里化脫然殊知有備良作民牧猶良已歷七年春民似嬰兒戀二親待君死職成日擬辭天庭借寇恂

國朝知縣姚欽明縣中八景各一首

蕭蕭松樹已榛枯憑弔千年憶壯倚風雨有靈天象  
遶山河遺影月明孤雲連潦水寒逾條雁過荒陵夜急呼  
往事人間剩秋草  
草田麟斷鬪點煙蕪荒陵暮雨

樹杪躋攀石燈懸手扶藜杖出風煙山連沙漠迷遙嶺日上蓮  
華景曙天秋艸征夫烽埃外夕陽歸鳥戍樓邊險成絕壁生悲  
感爲憶平章戰伐年  
直寨寒烟

城北之山何者谷有時雲氣水霏微石門夜未垂綃幕澤國云  
寒投縞衣漠漠深秋迷白鴈溶溶好月映朝暉三峯誰看公超  
竊對此聊同華下歸  
雲門素練

獨倚高樓悵落暉遙迤柳漢晚煙霏乘風疑白赤城起返照欲  
回孤鶩飛谷口子眞名蹟渺餐霞中散客心違何時採此山中  
佳朱影光流白練衣  
羅谷丹霞

解文皇帝此山中玉殿曾同長樂宮不見羽林屯翠輦只聞牧  
豎拾青松荒基想像千官待鳥道依稀萬國通風景蒼蒼秋水  
冷夕陽終古恨無窮  
避暑遺宮

沛子乘雲去不還空餘礪水咽空山高秋爽落玉千尺織月涼  
生碧一灣當日洗腸久縹緲近時瀑布故潺湲客行到此情何  
限滿引蕭然意自閒  
洗腸故地

一抹名山似海洲拾薪穿露豈仙流獨呼明月陪幽賞信步青  
大亦勝遊叱石聊成羊牧戲爛柯應爲奕棋  
當遙道人世浮雲  
外萬頃松風次第收  
壘山樵子

平津高閣不須開弋釣溪山正未回巢父仍歸東海去任公節  
儻會稽來一蓑織雨時  
得懼萬屋翻雲幾映一竿向  
龜源尋壘

雲煙波回首便塵埃  
一沮水漁翁

路一鱗湫頭一首

洛文之水入激鄉驚濤  
鼓浪出車箱斬壁斗絕千百尺掛空  
日失瞿塘水簾洞穴深  
巨淵螿蟪蜩蟬爲樂國呼吸作雲噴  
作雨蜃蠃欲敵不可得  
巨靈試斧截龍湫不放妖蛟逆浪遊  
從此河海應清宴何事擊楫向中流

周士孝辛丑澄城迎春一首

節轉勾芒暖旭開鳴琴  
多暇共登臺和風綏拂千門蕩瑞雪輕  
融百鳥諧雲繞三峰瞻  
鸞峙圻連九曲看深澗十年撫字使棠  
蔭清暑慈慈鬱古槐

又澄城早春二首

千里懷歸客驚心節候移  
咸誇春色早獸懷馬踏遲  
雪霰融將盡風光暖漸滋  
東郊行整轡遙指碧桃枝

澄城縣志卷十九

立有當年夜寒春斗初移鏡  
吹歡聲滿銀燈夕照遲  
勾芒千尺慶沈瀟九霄滋  
更覺融融自選升若木枝

張作肅隋公泉二首

隋公避暑已成塵山色蒼蒼草色新  
玉輦不來泉自冷呼名野鳥喚遊人

清流石燈幾經年宮闕隋皇起落煙  
斷岸我來尋古宇猶疑絕壁認藍田

梁大端遊普濟寺一首

一壑幽深四壁涼迎賓館似坐禪堂  
鐘敲日午僧知未覺散雲生客贈時  
著樹春花鋪錦繡依人澗鳥奏笙簧  
古山北海情難竟底事條絲道夕陽

陽湖洪亮吉孫星衍同撰

序錄十八

徐效賢明嘉靖中澄城縣知縣詳見職官創修縣志未竟卒繼任者爲敖佐取效賢所撰志稿足成之有韓邦奇馬理序及題辭

明南京兵部尚書朝邑韓邦奇澄城縣志序澄城志成敖尹佐刻之木夫志貴明實文次之開卷一覽衆美畢見得志之體矣志蓬萊于溟海退處士于游俠非無文也備虛車爾近見作志者徒以前人目錄分更改華務立殊稱以新耳目然益晦而不能自消而不能真焉焉用志是故於其繪也寧素可也澄城吾西安巨邑舊無志書誠爲缺典嘉靖己酉徐尹

澄城縣志卷二十序錄

效賢屬國子生石子道立纂著焉脫稿將梓而徐尹卒庚戌敖尹來治是邦取石子稿更加潤色大光祿筵田馬公述始末爲題辭石子復序諸前後石子勤學求志孝廉士也澄邑繁劇素號難治敖尹爲政暇及於文事其治行可徵矣爲之序

明光祿寺卿馬理澄城縣志題辭世孰爲大文獻居先文獻弗足聖明焉傳郡邑有志是謂之文山川聖明賴以著存嗟伊澄城西安巨邑迺無志文君子所急嘉靖己酉徐令效賢有志斯文採獻纂編明季庚戌敖宰佐營踵徐芳躅斯文殫成石子道立文發于質聚書攷索仍恭秉筆教諭魏孚司訓二王爰加較正借敦賢腸豁田馬氏覽知攸珍是用題辭歸諸梓人

石道立國子監生詳見閩人嘉靖中知縣徐效賢延修縣志效  
賢卒道立復與知縣敖佐共纂成之凡二卷有序

明石道立澄城縣志序敘曰夫志古國史之流也古史廢於  
秦而後志興焉郡邑各有志所以明典章寓政化志不作郡  
邑無史矣是故畿治體者先之澄城久闕志嘉靖丙午邑大  
夫江津徐侯效賢始請諸湖源楊先生應纂修之遽卒矣而  
未就也已酉春再命予小子於是作今志俾將來有攷焉夫  
惟王體國經野莫先於地縣之建也其興也故受之以地理  
官府坎舍無去守以縣政也故受之以建置秋報春祈民居  
廼奠故受之以祠祀時使薄歛民生廼休故受之以田賦奠  
土質民育才宣化必有司存矣故受之以官師名世才俊光  
啟後先流風丕式衆故受之以人物事不以類論不以緒可  
以觀事變編憲亡故受之以雜志終焉藝文必有闢風教政  
體吏習民隱者依類附錄外是卽雄篇巨什悉除不載志凡  
七篇今拆爲二卷是歲六月四日

姚欽明順治六年官澄城縣知縣詳見職官欽明因嘉靖中徐  
志申請續修仍分作上下二卷有序及申文附後

姚欽明澄城縣重修縣志序今

上龍飛御宇之四年余承乏茲檄守澄及入境見蕭條殘破  
之狀較他邑尤甚心甚愴之於稽邑乘將管風物土俗之槩  
又缺如龜一日購求得二本乃崇禎乙亥失城後署縣梁丞  
所重刊者梁丞應故事帑省工費妄加刪削篇帙紛舛亥豕  
錯訛不堪寓目竊疑十步之澤必有香草豈一岡之內竟無  
片言隻字可當傳記既而得石明經嘉靖中所撰原志乃有

馬韓二先生序及其中疏章記錄班班有可觀者梁承前例  
簡率至此將誰咎哉癸未未又付兵燹天其或者不欲因陋  
就簡以訛傳訛乎然修復之責烏容緩耶余小子緼短汲長  
舉一切建置修築不難勉爲惟是事關憲綱昭示來茲者未  
敢率爾况嘉隆以後百十餘年之中軼事又不可以不備徵  
文祇據乎現存株守不免失之狹考事或搜乎雜記博綜又  
病其未精定品欲採乎家乘任目不免失之徇獨見或出乎  
新裁信心又恐其多僻自非博物君子老于掌故者惡能勝  
其任而愉快乎余小子移牒文學周諮微事已乃訪求史筆  
咸推繩烈先生先生門庭蕭索澹泊寡營諷咏人代而外宴  
如也余造請不獲辭踰歲月而卒業訖者正之缺者補之散  
軼者廢續之核而實博而雅微而顯究而文纏纏洋洋卽古  
良史何以加焉後之君子倘有志于世代新故之感者更欲  
潤澤裒益其間則有是編在余自受事來二年于茲馳驅戎  
馬之疆鞅掌供輸之際無食頃小得所慰而獨念茲不忘以  
承

國家鼎興之運文獻之重不敢不亟講耳同志者循覽斯文  
其知余在徵之心哉

姚欽明重修縣志告成齋投各上臺申文順治六年八月朔  
日漳城縣知縣姚欽明竊照

國計民風典文攸寄治蹟邦法圖籍可稽志所繇來尙矣澄  
城古潯湖屬邑負山依谷地瘠人愚屈指先代秀出爲艱至  
勝國世廟中邑太學石道立始破天荒而爲志頗能採輯舊  
聞搆成勝帙方之昔人勤亦至矣其時韓死落馬路田兩先



生撫事增賞樂爲之敘玄學題辭宣城折簡非止章斯名譽  
實欲風激人群開西人文于斯爲極不可謂非兩先生左提  
而右挈之也恩廟之初厄于回祿而攝事隣丞借與要典潛  
移國帑轍自剷除因陋就簡是猶羅天鳥而鍛羽儀參擾神  
物竊領珠而綴之私室也癸甲之際旋罹兵火衆人情矣君  
子則否卑職于今

上四年冬入境受事爰詢舊志采灰燼荒涼徒增歎慨于是懸  
金廣募并得二書以彼較此固不可同年而語矣傳求故實  
按籍興除因時制宜頗得要領其時入緣林者萬族同孤城  
者四家執及前驅荷戈登雉纒武修文終未能也因念

皇清肇興文命鼎運維新薄海內外野史釋官罔不弋入內  
府以備採擇况縣志一書土田川原戶口阨塞以及維正之  
貢軍興之需人民習尙建置沿革風教固殊總裁斯冊各

宣城縣志卷二十序

憲臺膺命巡方觀風問俗率皆簡閱遺文以相時勢播仁風  
而坐視殘缺罔俾興復兩載以來良獨內媿不圖遺獻近在  
此邦訪得邑鄉紳前東光令路世美門庭蕭索澹泊寡營諷  
咏人代而外宴如也卑職造廬躬請受任斯役歷夏徂秋遂  
得告成卑職開函三復虛心詳校見其補遺正訛援古酌今  
其間商確時政如披陸公之疏璽念民瘼竟同長沙之哭稽  
昔獻吉慶陽于麟濟南兩志傳播海內繼倡英風不意于今  
嗣鳴大雅允稱高文不媿良史雖慙卑職捐俸之初心實關  
下邑備考之掌故理合齎投仰憑垂鑒伏乞

照詳施行

路世美縣人官東光縣知縣詳見聞人順治中知縣姚欽明經

修志有序

路世美重修澄城縣志序按澄志纂自外王父初公處修于諸親石氏道立二公故博洽又得籍田苑維兩先生爲鑿定訝鼓之誦吾知免矣後有作者卽窮死委蒐釋史不過如大家之續漢書組紉補綴已耳敢變例爲別志以傳信不信胡傳苟傳矣而猶不信則好行小慧者本欲矜虛無反不辨鼠璞矣卮言副墨又安用之我激當明季甲戌間羅兵燹志與城俱去收復餘燼者應故事以殘斷付剗余每傷之自起家東陽以至賦遂初又歷年所修復之懷無誓不在隰桑之末也爾乃滄海桑田耆舊凋零城郭人民已非誰復操鉛槧以從事者金陵姚侯欽明竭來應

運百廢俱舉不期月而改觀尤念文獻之重俾余忝預茲役

澄城縣志卷二十序

五

夫有其志之又多乎哉殫余數十年之心之見聞期不戾于舊章斯已矣昔人云孔子韋編三絕起而作春秋裕如也余家世學易于外王父雖不知春秋大義爲何在然用以不沒人善也則有之焉順治六年如月上澣隨谷老人七十翁前直隸河間府東光縣知縣繩烈甫路世美書

戴治澄城縣知縣乾隆四十八年申請續修縣志又自撰志稿二卷有序

戴治續修澄城縣志序澄城當關輔之北控接延鄜屏障馮翊前拱原阜後倚山隴大谷諸河帶於左甘泉諸水環於右秀擁羣峰靈通長壑前代置郡良有以也唐宋迄勝國皆縣之比代以來鮮有著作嘉靖間葛公徐公敦賢屬明經石道立始爲志序則韓苑洛馬谿田應元生嘗是時民氣耗矣俗

亦稍頽焉我

朝順治六年邑東光令路公世美補續邑令姚公欽明稱其商確時政如披陸公之疏歷念民瘼寔同長沙之哭則澄之人民其凋殘於前代之瘡痍者可想也其用意可不謂勤與自時厥後

國家休養生息久道化成澄民止知有生之樂雖耄耋不復能道昔日困殘之狀澄士類能敦詩書說禮樂以教於鄉里黨義行巾幗完人又比比是蓋距東光續志時百餘年於茲矣初余宰斯邑徵文考獻惟東光續志二冊僅存夫以澄之耗敝如昔傷殘如昔徐姚二公乃能開創增修徵信一邑垂告百世而百餘年來城社改觀桑麻盈疇戶口蕃禮俗成科第宦達亦復蒸蒸日盛不有志以表之余定懼焉奚啻無以

步賢宰後耶癸卯春始集紳士里老共議之議既成請於大中丞畢盤各憲悉見可題取舊志借諸紳士存其資於治當於理而明且確者裁定志稿二卷書成適余調任安康紳士請有言以弁其端惟余自戊子官澄城昕夕祇懼時與無訛於理澄之人果安於余而不吾議也如是者十有餘年執掌久煩兼愧謫簿方虞無以闡文獻而光史冊所幸此邦事宜舊經熟悉又與澄之薦紳故老參互考訂此志一成疆域建置加指掌徭役田賦如列眉人物選舉忠孝節義足以彰往而興起將來職官一冊亦得緣考其治行俾澄之人知生太平之世沐浴膏澤涵濡教化視石路二君修志時不可同年而語則百餘年來所以成此書者其來有自余何力之有焉然澄人殊樂予闡予之去而不無繼繼也至取前後行政

爲之傳余其能與徐姚二公並哉今止書其蒞官始末次於編餘悉去之以俟後之君子

洪亮吉江蘇陽湖人字穉存乾隆庚子舉人與同縣貢生孫星衍季仇于四十八年二月上浣知縣戴治延修縣志凡四月書成共二十卷詳見自敘

洪亮吉新修澄城縣志序一方之志始于越絕後有常璩華陽國志越絕先記山川城郭冢墓次以紀傳實後世志州縣者所做華陽國志則有郡縣廢置李吉甫元和郡縣志樂史太平寰宇記體例亦最善吉甫則徵引書傳不著所自樂史則全用舊說尤廣異聞而附以土產人物至祝穆方輿覽勝又采入詩文于是後之志州縣者舍地理而濫徵名宿略方域而博采詞章有去本求末流蕩忘歸者焉關中地大物博

且宋敏求長安志程大昌雍勝略等開其先以爲當有善志而世所傳康海武功志韓邦靖朝邑志皆以意排纂漫無體例由明世書傳少出學士大夫爭以空言相倚不重舊聞無足怪焉澄城爲漢徵縣地韋昭云徵音懲懲澄同聲後人悞爲澄縣屬若王官若元里若南郊北郊邗新城北徵杜平等皆周秦舊邑若三門若五泉皆後魏舊縣均有墟址可考幅頓雖狹實爲三輔名縣舊志創于明嘉靖中至

國朝順治六年續修然均值縣境多事之時未及精審乾隆四十八年知縣戴君有重修縣志之請巡撫畢公因屬亮吉爲排纂之凡四閱月成共二十卷縣第一城第二鄉第三山第四川第五廟第六冢墓第七學校第八道里風俗地丁銀糧第九職官第十封建第十一科貢第十二閭人第十三列

女第十四金石第十六文藝第十七序錄第十八一以輕重  
緩急爲先後而建置省并繁縷而統轄城郭鎮堡寺廟解字又  
均采十七史地志及諸地理書皆闕者始以舊志參州志通  
志補之而傳聞之未信方冊之難憑者咸無取焉蓋以信今  
傳後非徒爲立異云爾時乾隆四十八年歲在癸卯五月初  
五日序

